



# CAPITULUM GENERALE

Longè omnium hætenus celebratorum  
per totum Ordinem S. P. N.  
FRANCISCI

UNICUM, ET CELEBERRIMUM

*Romæ habitum in Templo S. Mariæ de Ara-Cœli  
die 15. Maji anni 1723.*

SANCTISSIMO DOMINO NOSTRO PAPA

# INNOCENTIO

## TERTIODECIMO

Præsente in eo, ac Præsidente.



ROMÆ, MDCCXXIX.

Ex Typographia Reverendæ Cameræ Apostolicæ.

---

SUPERIORUM FACULTATE.


# CAPITULUM

## GENERALE

1. In nomine domini Amen  
2. Nos Johannes...  
3. 1212


# INNOVATIO

1. In nomine domini Amen  
2. Nos Johannes...  
3. 1212



let an. 1479.

DCC. iustis de causis intermissum Sanctissimus D. N. D. IN  
 O. MD. CXXIII. convocare dionatus est, sed etiam aliorum, p  
 atriibus igitur ferendi suffragium jus habentibus ex Un  
 uiaorum splendorem mature discussa sunt. Ubi vero illuxit  
 I. Aulam Capitularem ingressi, propriis stationibus fuer  
 AMUM PONTIFICEM Domini Cardinales PAULUTIU  
 Vicarium Electores de genu adoraverunt, et, exceptis Nou  
 D. Cubiculariis, alus omnibus extra factis, SUMMO Pl  
 antiam ut moris est. Tum Minister Generalis ad Solum, ded  
 solutio. Hinc implorato solenni cantu DIVINO SPIRI  
 bulam immittebant in Arcam, ad Solum deinde accedente  
 trou. Lectorem Tubilatum, et ex Commissarium Genera  
 tore iussit enunciari, quod quidem disquisitorij scriba con  
 S. pro volutus accepit sigilla de manu ejus, et Apostolic  
 propemodum acclamationes eruperunt. SUMMVS PON  
 tificis. Inter un. Kmus. Genlis. confluyente undique populi mu  
 res dies reliquis actis Capitularib. dati sunt. nam Kmio P. M  
 tius indicandi. Condita quoq. sunt salutaria statuta ad tranq  
 ULLI. IS absoluta sunt Generalia Comitia non solum cap  
 hora Reg. Obs. Capit. Gener. Provisor, et Aula Capitulo



Parisi, et Plac. Ducis sculptor fecit Romae Superiorum



*foldout/map  
not digitized*





## PROOEMIUM.



ABULAS Capitulares vobis de more publicaturi, operæ pretium duximus, eas à gestis ejusdem Capituli exordiri, in quibus, ut Summus Pontifex beneficentiæ in nos suæ reliquum nihil fecit, ità vicissim nihil prætermissum debemus pati ad gratiam habendam Ipsi, & ad nostram Posteritatem in gratitudinem, & obsequium ejus monumentis perpetuis excitandam. Dum ergo ab Anno 1700. encyclicis literis semel, & iterum, præ cogendo nostro Generali Capitulo nequicquam datis pejora in dies portenderentur, nutantibus rebus nostris, Innocentius XIII. in firmissimum columnen sese ipsis offerre dignatus est, & Seraphico Patriarchæ vicem clementissimè referens inclinatam Ecclesiam sustentanti, Apostolicis suis literis ad 26. Martii Anni 1722. Motu proprio expeditis præ insequenti Anno convocavit ad Urbem idem Generale Capitulum coram se, quod & feliciter coactum fuit & demum feliciter absolutum.

Hoc igitur Anno 1723. Diffinitoribus Generalibus in Festo Ascensionis ingressis Urbem, cæterisque Electoribus, ex peculiari Summi Pontificis dispensatione, in eandem feria sexta insequenti admittis, dum plura de more discuterentur ad Ordinem perti-

nentia, & ad majestatem Comitiorum coram Sanctissimo habendorum nonnulla digererentur, accessit ad hoc Aracœlitanum Cœnobium sub vesperam octavæ diei ab Ascensione Illustrissimus, & Reverendissimus Dominus D. Prosper Marefoschi Summi Pontificis Auditor, ad syndicationem Votorum per Sanctitatem suam specialitè delegatus, qui cordatè adeò ac religiosè istam exhaustit sollicitudinem, ut vel Pontificio nomine disjecerit famam quandam perperam evulgatam, facturamque negotium libertati Electorum, quæ plenissima fuit, si ora, & mentes diutius occupasset: in hoc idem studium & feria subsequens collata fuit, in qua & Pontificiis literis cum omnibus, qui vacare debuerant, dispensatum, & elegans præparatio Templi pro celebrandis Comitibus accommodè absoluta.

Templum ergo ita ornatum erat, ut quæ attextur ex oloserycis damascenis, aulæis belgicis, aliisque id genus peristromatis, & iis quidem scitè inflexis, & collocatis, nihil ad venustatem magnificam desiderare esset. Consurgebat Pontificiis Thronus, quæ ex solea elevatori mediam Navim interfecante per quosdam gradus in subiectum Gremium Templi descensus est, totique spatio interjacenti usque ad majores valvas, latèque intra peryffilia lateralia posito, majestate eminenti dominabatur, ipsique ex adverso imminens valvis ipsis, per obtenta oloseryca probè dissimulatis, insignis Tela pingens Congregatos Apostolos, igneumque descensum ad illos Divini Spiritus præpendebat. Non multùm distans à Throni gradibus, & è regione ipsius aderat Mensa ità evectior consuetis, ut ab uno latere alii peduli subfelliis impositis assidentes, & ab altero stantes alii æquè commodè ipsam attingerent ad scribendum. Caput ejus duo labriola occupabant, quorum alteri Superiorum Generalium sigilla inerant, alteri duo Catalogi omnium præsentium Electorum, post quæ præstò erat, & aliud labrum majus, par nimirum acervo omnium

Sche-

Schedularum: partem autem inferiorem Capsula tenebat hinc, desuper hiatu oblongo patens, ut Schemata in ipsam demitti possent, inde verò apertus Misfarum Codex, altera pagina Imaginem exhibens pendens è Cruce Reparatoris, atque altera formulam Juramenti per Electores singulos emittendi. Ubi Mensa hæc ad Disquisitores excipiendos in conspectu Throni & in medio Gremii posita desinebat, succedebant utrinque sepositæ ad peristylia aliæ continuæ laterales, quæ pro Electoribus in medium emittendis opportunis spatiis interruptæ, circumcirca omne reliquum Gremii obibant, ambiebantque, ipsæque non minùs ac prior illa Aulæis usque ad solum tectæ, & necessariis omnibus ubique instructæ erant ad Schedulas describendas.

Templum in formam hanc aptatum ad Electiones, & Cœnobium ipsum clausum sub Custodia mansit die Comitali, ne multitudinis antelucano concursu nobis utrumque præriperetur. Proinde sub primam lucem ritu quidem solemni sed opertaneo, de more sacrificatum fuit Spiritui Paraclæto, & horam circiter mandato Summi Pontificis nobis dictam, in Templum Electores immissi, suisque omnes stationibus ordine collocati. Antevenerant jam Summum Pontificem quatuor Domini Cardinales, ab eodem acciti, ut in Comitibus Disquisitores agerent, cum & Ipse Magnatibus atque Præsulibus adequantibus, demum in Capitolium hoc suum subvectus fuit, & quodam Universi compendio, nostro scilicet Generali Capitulo Eidem applaudente, de Humana & Divina sublimitate sua per dignationem eximiam triumphavit. Admoniti per primum intuitum Pontificiæ Crucis illatæ Templo Electores succedentem Vicarium Christi de genu adoraverunt, illoque servato habitu donec ad folium conscendisset, tum Designatore ex nutu Summi Pontificis innuente steterunt Omnes, & Dominis Cardinalibus sedentibus in dextro latere ad Mensam Disquisitionis, exceptisque nonnullis Præsulibus, aliis  
omni-

omnibus extra factis, Summo Pontifice presente ac presidente tandem initium Comitii datum est .

Designatoribus igitur Pontificiis omnes actiones omnium dirigentibus Secretarius Ordinis Cismontanus primum ex Mensa sumpsit labriolum Catalogorum , oblatoque Summo Pontifici qui graphicè fuerat scriptus in usum ejus, accepit & ipse suum in eodem labriolo subiacentem , & in supremo Solii gradu enunciavit de genu Nomina Electorum , ad explorandam eorum omnium presentiam , ut moris est . Comperto illos , qui adveniant , adesse omnes , Illustrissimus , & Reverendissimus Dominus D. Vincentius Petra, Sacrae Congregationis negotiis Episcoporum & Regularium praeposita Secretarius , ex arca Solii Pontifici recitavit Decretum stans , subrogationum Electorum absentium omnimodis prohibitivum .

Post haec deductus fuit ad solium P. Minister Generalis , & quidem ut se abdicaret Officio gestans labriolum Sigillorum , quod & praestitit incusans breviter & constantè rationem gubernii sui . Sanctissimus è labriolo Sigilla sumpsit , & Renuntiationem exhibitam probavit annuens , acceptavitque . Subinde Zelum solvit Apostolici pectoris in allocutionem latinam ad Electores , quam exceperunt ipsi submissis genibus mentibusque , demirantes eloquentiae nervos & momentorum incitamenta , quibus ad optima vota se verius sensere raptos , quam tantum extimulatos .

Allocutionem Pontificis Confessio Electorum subsecuta est . Constat scilicet iuxta folium duorum Cantorum alter , ex Electorum Coetu antea designatorum , qui pronus stans absque superpelliceo ad Ecclesiasticos modos Confessionem consuetam proferret elata voce , submissa eandem aliis genuque posito unà cum illo enuntiantibus . In Confessione hac post Beatos Apostolos Petrum & Paulum , etiam S.P.N. Francisci mentio solemniter inducta fuit , & ipsemet Summus Pontifex formula illa utens ad impendendam absolutionem , qua resumuntur nomina omnia per Confessionem

tionem prius insinuata, postquam ab illis verbis eam de more orditus est, *Precibus, & meritis Beatae Mariae semper Virginis &c.*; Consultò adiecit etiam nostrum Seraphicum Patriarcham, attexere pergens, *Beatorum Apostolorum Petri & Pauli, & Beati Patris Vestri Francisci &c.*; atque adeo nobis ad Confessiones inductionem hujusmodi, solemniori ritu, & sanctiori modo, quo poterat, consecravit.

Imploratus tum illapsus Divini Spiritus, etiam Summo Pontifice relicta Sede, ad Faldistorium proximum acclini genuflectente, & duobus Cantoribus primam stropham Hymni *Veni Creator* præcipientibus, cui alternis choris Ultramontani, & Cisimontani Electores finem imposuerunt. Interea Summus Pontifex se se restituit Sedi suæ, ibique stans preces consuetas prosequutus est, Versu prius ab iisdem Cantoribus enunciato. Jamque Electioni nihil aliud, præter Disquisitores, supererat præmittendum, qui quatuor Dominis Cardinalibus per Summum Pontificem ad id vocatis, Officio & numero responderunt.

Ad solium ergo P. Generalis processit medius inter illos, qui per Primores ad ejusmodi Munus fuerant antea nominati, ibique positis omnes genibus, *Beatissime Pater*, proposuit Generalis, si *Sanctitati Vestrae placuerit, hi sunt Disquisitores electi ad recognoscenda, & adnotanda Suffragia*. Annuente Summo Pontifice, idem Generalis ad suam stationem reversus est, & sigillatim quatuor Disquisitores tacto Missarum Codice, qui apertus in postremo folii gradu offerebat Imaginem Crucifixi & formulam Sacramenti, ad illam, quisque seise obstrinxit dicens: *Furo me secretum omnimode servatarum*; Ut juraverant singuli consurgebant, & præstitutis locis disponebantur in latere lævo Mentæ Disquisitionis, atque ibi quatuor nostrates stantes, juxta Purpuratos quatuor sedentes, Disquisitioni æmum unà cum illis operam impenderunt.

Antequam tamen offerendis suffragiis initium fieret, idem Illustrissimus, & Reverendissimus Præsul  
D. Vin-

D. Vincentius Petra, & ex eodem quidem quo priùs loco, aliud in arena conceptum Electoribus Placitum intimavit, quo nimirum Summus Pontifex Electionem edixit assertam sibi, si ea primo Suffragiorum concursu fortassis non successisset.

Secundò igitur eodem Secretario Ordinis Cismonitano eodem quo primùm & gradu & habitu Electores singulos evocante, hi procedebant in medium Gremii ad pectus plicata sinistra manu, interque indicem atque pollicem dexteræ modestè schedulis elevatis, qui ad Mensam pervenientes Sanctissimo primùm genuflectebant, sinistramque deinde porrigentes ad codicem ut Sacramentum ferrent, tum unà schedulam immittebant in Arcam pronunciabantque: *Juro me eligere, quem secundùm Deum judico meliorem.* Tunc iterata genuflexione, à dextro latere Mensæ ad solium accedebant, & cum tertium genuflexissent Sanctissimi Pedes exosculati, stationes pristinas à lævo ejusdem latere Mensæ singuli repetebant.

Nullò penitus offendiculo Electores ducenti & nonaginta sex viam ejusmodi emensi sunt, dumque Schedulæ demum, censendo earum numerum, ex Arca in Labrum appositum extraherentur, ubi Electoribus compertæ pares, etiam disquiri continuò cœptæ sunt, & per gyrum à Cardinalium primo, ad nostrorum ultimum Disquisitorum fuerunt recognitæ ad vnam omnes, & suffragia simul ex ipsis quisque recognitor adnotavit. Hæc, Deo favente, multum supra exigitam medieta-tem in unum confluerant Eligendorum. Quo successu ab omnibus octo Disquisitoribus, per æquales singulis numeros deprehenso, ascenderunt ad solium tres Domini Cardinales (quartus enim de Comitibus ab apoplexia recenti hærebat infirmo gressu) gestantes solium singuli suarum Disquisitionum, in quibus ipsemet Summus Pontifex Electionem, ut vidit confectam esse, jussit ut ad formam redacta, quæ infra dabitur, Comitibus avidè præstolantibus ipsam de more denuncia-retur.

Per Disquisitorii scribam confestim id fuit præstitum, qui, cum loco abiturus Sanctissimo genuflexisset, Electionem ad formæ terminos exaratam recitans è suggestu, solemniter omnibus intimavit. Audita, verò Electione mirari fuit, eatenus omnes reverentiæ in Summum Pontificem constitisse, ut nihil prorsus vel obsequii vel gaudii ad alium ab uno ipso contingerit redundare, inter quam obsequentis modestiæ non invitam tantum exhibitionem, Neoelectus provolutus ad pedes Sanctissimi Præsidentis, toto seipso indignuit ut submitteret cervicem formidabili jugo, utque pro dignitate concurrentium rerum ex tempore proloqueretur, breviter enim his fermè verbis profatus est: *Beatissime Pater libenter huic, quam nec optavi, nec ambivi, obrenunciarem Dignitati, nisi timerem, ne novæ iurgia exorirentur, & dissidia, & scandala, ad quæ unice vitanda tanto oneri humeros subiicio, confisus in altissima Sanctitatis vestræ Protectione, quam una cum Sanctissima Benedictione suppliciter imploro.* Proinde Summo Pontifici volenti parens, accepit pronus Sigilla de manu ejus, tantisque auspiciis attoniti Electores, Præsulem suum videntes inauguratum, eruperunt demum in Acclamations perægrè jamdudum pressas, atque è statione sua cantorum altero præcinentes: *Sanctissimæ Trinitati laus, & gloria*, elata voce plenoque Choro ingeminarunt: *Laus, & gloria*; Tum cantor iterum: *Beatissimæ Virgini honor, & benedictio*, iterumque Electorum vox: *Honor, & benedictio*; Rursus cantor: *Beato Francisco Patri nostro decus, & gratulatio*, & Electores rursus: *Decus, & gratulatio*, Cantor demum: *Beatissimo Domino nostro Sanctæ, & universalis Ecclesiæ Pontifici Papæ Innocentio Tertio decimo, qui dignatus est in hoc Capitulo præsidere humiles gratiæ, multi anni, æterna memoria*; Electoresque similiter iterarunt Spiritu ferventiori: *Humiles gratiæ, multi anni, æterna memoria.*

Post effusum gaudium explicatamque gratiam in modum hunc, Summus Pontifex Indulgentias deindè

ad Electores singulos, etiam ipsorum consanguineos ad tertium gradum comprehendentes, aliasque ducentas ab unoquoque pro libito dispensandas, prout Domini Cardinalis Secretarii Brevium epistola præstitit, submissurus; Tunc ritu solemniori, precibus nimirum illis ab eodem præviè decantatis: *Adiutorium nostrum in Nomine Domini &c.* trino Crucis signo sub Augustissimæ Trinitatis Nominibus, ter nobis omnibus benedixit, & Primoribus dumtaxat Capituli, qui adveniendi obviaverant, sequentibus abeuntem, postquam tantum non quinque horas sic affuit rebus nostris, ut cum semel digredi è solio coactus esset, eas in suspensio haberi iusserit donec reverteretur, utque ob incurrentem Sanguinem à sinistro tumenti oculo dolorem perpetem toleraverit, discessit tandem relinquens præsentibus mœrorem subductæ præsentia suæ, desideriumque adeò impressum nobis præsentibus, & absentibus suæ diutinæ sospitatis, ut quod aliis Principibus alii perhibentur ad gratiam palam professi esse, id huic nos per silentium quidem, ut vehementiorum motuum, & profundioris obsequii elinguis natura est, sed revera, sed plenius, sed quàm cupidissimè succlamantibus animis testati fuimus: *Nil ultra optaremus sed Te immortalem haberemus.*





# ELECTIONES.



**I**MPRIMIS igitur, postquam Reverendissimus Pater Fr. Idelphonsus Biezma ex Provincia Castellæ, anno 1702. Reverendissimo Patri Fr. Ludovico de la Torre, ex Provincia S. Jacobi vita functo, in Vicarium Generalem Ordinis successus fuit, & titulo Generalis Ministri per Sedem Apostolicam decoratus, & postquam huic etiam sublato è vivis anno 1716., successit Reverendissimus Pater Fr. Joseph Garcia ex Provincia Immaculatæ Conceptionis, electus eodem anno Vicarius Generalis, & in sequenti anno 1717. ab eadem Apostolica Sede auctus Titulo Ministri Generalis; præsentis anno 1723. die 15. Maji Pervigilio scilicet Pentecostes, in hoc nostro Romano Templo S. Mariæ de Aracœli, præsentis & Præsidentis Comitii Generalibus Sanctissimo Domino Nostro Papa Innocentio XIII., electus fuit in Ministrum Generalem totius Ordinis S.P.N. Francisci Reverendissimus Pater Fr. Laurentius à S. Laurentio ex Romana Regularis Observantiæ Provincia, ejusdem Provinciæ Lector Jubilatus & Pater, olim sexennio Guardianus Sacri Montis Sion, & nuper sexennio item pro Observantibus Vice-Commissarius Generalis, & ipsius Electio formula quæ hic subnectitur publicata fuit.

In Nomine Patris, & Filii, & Spiritus Sancti. Jubente Sanctissimo Domino Nostro Papa Innocentio XIII., præsentis, & Præsidentis in hoc Capitulo Generali totius Ordinis Fratrum Minorum hodie celebrato, assistentibus S.R.E. Cardinalibus, Paulutio Episcopo Albanensi Congregationis Episcoporum & Regularium Præfecto, Corsino ejusdem Ordinis apud Sanctam Sedem Protectore, Sanctæ Agnetis Secretario Status, & de Comitibus Sanctitatis Sux secundum

carnem Germano Fratrem, specialiter à Sanctitate Sua pro Disquisitoribus quoque electis, promulgatur Electio Ministri Generalis, ut infra.

Hæc est electio Ministri Generalis totius Ordinis S. Francisci, canonicè celebrata per Fratres Vocales capitulariter, ac legitimè congregatos in præsentì Conventu Aracœlitano Urbis, die 15. mensis Maji Anni Domini 1723., in qua quidem Electione &c.

*Commissarius Generalis Familiæ Ultramontanæ.*

Reverendissimus Pater Fr. Joannes de Soto, Provinciæ Regularis Observantiæ Immaculatæ Conceptionis Lector Jubilatus, & olim Custos, Ex-Secretarius Generalis Ordinis, ejusdemque Ordinis Procurator Generalis, atque unâ Commissarius Generalis Indiarum.

*Pater, & Diffinitor perpetuus totius Ordinis.*

Reverendissimus Pater Fr. Joseph Garcia, Provinciæ Regularis Observantiæ Immaculatæ Conceptionis Lector Jubilatus & Pater, Ex-Secretarius Generalis Ordinis, & novissimè Minister Generalis.

*Patres, & Diffinitores perpetui Familiæ Cismontanæ.*

Reverendissimus Pater Fr. Cherubinus de Nardò, Provinciæ Reform. Sancti Nicolai Lector Emeritus & Pater, & Observantium atque Reformatorum Ex-Commissarius Generalis.

Reverendissimus Pater Fr. Cælestinus à Mediolano, Provinciæ Observantiæ Mediolani Lector Jubilatus, Ex-Secretarius Generalis Ordinis, iteratò Minister Provincialis & Diffinitor Generalis, & per decennium pro Observantibus Vice-Commissarius Generalis.

Reverendissimus Pater Fr. Joannes Cofinus à Monte-Miniano, Provinciæ Reform. Thuscæ Lector Sacræ Theologiæ, Ex-Secretarius Generalis, & Ex-Vice-Commissarius Generalis Reformatorum.

Reverendissimus Pater Fr. Franciscus ab Altamura, Provinciæ Observ. Terræ-Laboris Lector Jubilatus, & novissimè pro Observantibus Vice-Commissarius Generalis.

Reverendissimus Pater Fr. Joannes de Petrafitta, Provinciæ Refor. Calabriae Lector Emeritus atque Pater, Ex-Procurator Generalis Reformatorum, & eorundem novissimè Vice-Commissarius Generalis.

Reverendissimus Pater Fr. Antonius à Neapoli, Provinciæ Observ. Terræ-Laboris Lector Generalis, Ex-Secretarius Generalis Ordinis, & Rescripto Apostolico Ex-Commissarius Generalis.

*Procurator Generalis in Romana Curia.*

A.R.P. Fr. Matthæus à Pareta, Provinciæ Observ. Terræ-Laboris Lector Jubilatus & Ex-Minister, & nuper ejusdem Curia Commisarius Generalis.

*Commissarius Generalis Romanæ Curia.*

A.R.P. Fr. Hiacynthus Serrat Provinciæ Catalauniae Lector Jubilatus & Pater.

*Procurator Generalis in Curia Romana  
pro Reformatis.*

A.R.P. Fr. Benedictus à Castro-Arquato, Provinciæ Refor. Bononiae Lector Emeritus, & Pater, qui novissimè eodem Procuratoris Generalis Officio fungebatur.

*Procurator Generalis in Romana Curia  
pro Excalceatis, & Recollectis.*

A.R.P. Fr. Joannes Diaz, Provinciæ Excalceat.  
S. Didaci in Bæthica Lector Theologus, & Minister.

*Diffinitores Generales pro Familia Ultramontana.*

A.R.P. Fr. Joannes de Salazar Provinciæ Observ.  
Carthaginensis Lector Jubilatus & Minister.

A.R.P. Fr. Antonius Duro Provinciæ Burgenfis  
Lector Jubilatus & Pater, & Ex-Secretarius Generalis  
Ordinis.

A.R.P. Fr. Carolus Bourget Provinciæ Observ.  
Franciæ Parisiensis Lector Jubilatus & Pater, Doctor  
Sorbonicus, & per Gallias Commissarius Generalis  
Terræ Sanctæ.

A.R.P. Fr. Petrus Poisson Concionator Regis Chri-  
stianissimi, Provinciæ Obser. Franciæ Lector Jubilatus  
& Pro-Minister.

A.R.P. Fr. Saturninus Dirop, Provinciæ Britan-  
niæ Recollectorum Lector Emeritus, Pater, & Pro-  
Minister.

A.R.P. Fr. Michael Mosterz, Provinciæ Recollect.  
Coloniensis Lector Jubilatus, & Minister.

A.R.P. Fr. Franciscus Delamar Provinciæ Recol-  
lect. Hybæniæ Lector Jubilatus, & Minister.

A.R.P. Fr. Emmanuel de Remediis, Provinciæ  
Obser. Algarbiorum Lector Jubilatus, Pater, & Custos.

A.R.P. Fr. Thomas Montalbo, Provinciæ Excal-  
ceat. Granatæ Lector Theologus, & Minister.

A.R.P. Fr. Joseph de Sancta Theresia, Provinciæ  
Tertii Ordinis Lusitanæ Lector Jubilatus, Pater, &  
Custos.

*Diffinitores Generales pro Familia Cismontana.*

A.R.P. Fr. Carolus à Corleto, Provinciæ Obser.  
Ba-

Basilicatæ Lector Jubilatus, Ex-Minister, & Curiaë Romanæ Ex-Commissarius Generalis.

A.R.P. Fr. Bartholomæus à Vulfinio, Provinciæ Obsér. Romanæ Lector Jubilatus, Ex-Secretarius Generalis, & Minister Provincialis.

A.R.P. Fr. Gabriel à Venetiis Provinciæ Obsér. S. Antonii Lector Jubilatus, & Pater.

A.R.P. Fr. Albericus Balbianus à Liburno, Provinciæ Obsér. Thuscis Pater, & Provisor Capituli Generalis.

A.R.P. Fr. Joannes Franciscus à Sorexina, Provinciæ Obsér. Mediolani Lector Jubilatus, & iteratò Secretarius Generalis Ordinis.

A.R.P. Fr. Hilarius Maria de Ragusio, Provinciæ Obsér. Ragusii Lector Theologus, & Minister.

A.R.P. Fr. Andreas Pordagni Provinciæ Reform. Hungariæ S. Mariæ Lector Emeritus, & Minister.

A.R.P. Fr. Joannes Benedictus à Sarzana Provinciæ Reform. Genuensis Lector Emeritus atque Custos.

A.R.P. Fr. Serafinus à S. Fratelo, Provinciæ Reform. Siciliæ Pater, & Custos.

A.R.P. Fr. Michael Angelus à Gallipoli Provinciæ Reform. S. Nicolai Lector Emeritus, & Minister.

*Guardianus S. Montis Sion.*

R.P. Fr. Jacobus de Luca, Provinciæ Obsér. Romanæ Missionarius Apostolicus.

*Lectores Generales Sacræ Theologiæ.*

In Conventibus ad Jubilationem designatis.

*In Provincia Romana.*

In Conventu S. Mariæ de Aracœli.

P. Fr. Casimirus de Roma.

P. Fr. Joannes Carolus de Roma.

P. Fr.

- P. Fr. Joseph Maria ab Eboræ ?  
 In Conventu Paradisi Viterbii .  
 P. Fr. Joseph Maria ab Artio .  
 P. Fr. Vincentius Antonius de Caprarola .  
 P. Fr. Andreas à Furno Volasco .

*In Provincia S.P.N. Francisci.*

- In Conventu S. Francisci Montis Perusii .  
 P. Fr. Hippolitus à Coceto .  
 P. Fr. Franciscus Antonius de Brixia .  
 P. Fr. Mauritius Andreas à Portu Mauritio .  
 In Conventu S. Hieronymi Perusii .  
 P. Fr. Ludovicus de Venetiis .  
 P. Fr. Antonius Maria de Mediolano .  
 P. Fr. Vincentius Antonius de Roma .

*In Provincia Marchia .*

- In Conventu S. Francisci Anconæ .  
 P. Fr. Joannes Baptista de Albacina .  
 P. Fr. Franciscus Maria à Pifauro .  
 P. Fr. Dominicus Andreas de Ancona .  
 In Conventu S. Mariæ Novæ Fani .  
 P. Fr. Crescentius à Domobasciana .  
 P. Fr. Joseph Maria de Ancona .  
 P. Fr. Antonius Maria ab Utino .

*In Provincia Tuscia .*

- In Conventu Omnium Sanctorum Florentiæ .  
 P. Fr. Thomas Felix à Castrofranco .  
 P. Fr. Candidus de Pelago .  
 P. Fr. Angelus Cherubinus de Florentia .  
 In Conventu S. Francisci Luca .  
 P. Fr. Raphael à Barberino .  
 P. Fr. Leopoldus de Florentia .  
 P. Fr. Deodatus à Volaterris .

*In Provincia Bononiæ .*

In Conventu SS. Nuntiatiæ Bononiæ .

P. Fr. Aloysius à Carpo .

P. Fr. Jacobus à Finali .

P. Fr. Honorius de Bononia .

In Conventu S. Spiritus Ferrariæ .

P. Fr. Joseph Maria à Mirandula .

P. Fr. Joannes Baptista de Faventia .

P. Fr. Ægidius Antonius à Carpo .

*In Provincia Sancti Antonii .*

In Conventu S. Francisci Paduæ .

P. Fr. Michael Angelus de Venetiis .

P. Fr. Laurentius Antonius à Sumontio .

P. Fr. Joannes de Cadoro .

In Conventu S. Francisci Vinearum .

P. Fr. Joannes Petrus Antonius de Venetiis .

P. Fr. Joseph de Marostica .

P. Fr. Alexander Maria de Venetiis .

*In Provincia Genuæ .*

In Conventu Sanctissimæ Annunciatiæ Genuæ .

P. Fr. Cherubinus à Capriata .

P. Fr. Aloysius Cajetanus de Albinga .

P. Fr. Franciscus de Camulio .

*In Provincia Mediolani .*

In Conventu S. Angeli Mediolani .

P. Fr. Mauritius à Briantia .

P. Fr. Carolus Antonius à Lauda .

P. Fr. Ludovicus à Carcano .

*In Provincia Principatus .*

- In Conventu S. Didaci Neapolis .  
 P. Fr. Andreas ab Altavilla .  
 P. Fr. Cajetanus de Laurino .  
 P. Fr. Cajetanus Maria de Neapoli .

*In Provincia Sanctorum septem Martyrum .*

- In Conventu S. Mariæ Jesu Montis Leonis .  
 P. Fr. Hermenegildus ab Aci .  
 P. Fr. Salvator ab Aquaro .  
 P. Fr. Joannes Baptista de Francica .

*In Provincia Sicilia .*

- In Conventu S. Mariæ Jesu Messanæ .  
 P. Fr. Reginaldus ab Aci .  
 P. Fr. Seraphinus à Castania .  
 P. Fr. Rosarius à Paëtis .

*In Provincia S. Nicolai .*

- In Conventu S. Antonii Licii .  
 P. Fr. Franciscus Antonius à S. Vito .  
 P. Fr. Franciscus Maria ab Andria .  
 P. Fr. Jacobus à Locorotundo .

*In Provincia S. Bernardini .*

- In Conventu S. Bernardini Aquilæ .  
 P. Fr. Cajetanus ab Interaquis .  
 P. Fr. Angelus Maria de Spinetulo .  
 P. Fr. Fabritius Cajetan. à Vallemontana .

*In Provincia S. Angeli .*

- In Conventu Jesu Mariæ Fogiæ .  
 P. Fr. Nicolaus Antonius de Cuperfano .

P. Fr.



P. Fr. Angelus à S. Nicandro .  
 P. Fr. Joannes Baptista à Monte Gargano .

*In Provincia Dalmatiae .*

In Conventu S. Annæ Justinopolis .  
 P. Fr.  
 P. Fr.  
 P. Fr.

*In Provincia Corsicæ .*

In Conventu S. Francisci Bastiæ .  
 P. Fr. Isaias à Campo laureo .  
 P. Fr. Jacobus ab Ochiatana .  
 P. Fr. Petrus Nicolaus à Caprarola .

*In Provincia Ragusii .*

In Conventu S. Francisci Ragusii .  
 P. Fr. Ignatius à Ragusio .  
 P. Fr. Antonius à Ragusio .  
 P. Fr. Petrus Paulus à Placentia .

*In Provincia Brixia .*

In Conventu S. Joseph Brixia .  
 P. Fr. Franciscus Isidorus de Brixia .  
 P. Fr. Elifæus de Brixia .  
 P. Fr. Innocentius de Brixia .

*In Provincia Basilicata .*

In Conventu S. Antonii Titi .  
 P. Fr. Joseph de Craco .  
 P. Fr. Michael Angelus à S. Mauro .  
 P. Fr. Nicolaus à Lacunfigro .

*In Provincia Bosniae Argentinae .*

- In Conventu S. Francisci Budae .  
 P. Fr. Simon Micich à Postega .  
 P. Fr. Petrus à Mostaria .  
 P. Fr. Laurentius à Buda .

*In Provincia Terra Laboris .*

- In Conventu S. Mariae Novae Neapolis .  
 P. Fr. Michael à S. Marcellino .  
 P. Fr. Samuel de Neapoli .  
 P. Fr. Antonius de Capreis .

*In Provincia Calabria .*

- In Conventu S. Francisci Consentiae .  
 P. Fr.  
 P. Fr. Bernardinus de Morano .  
 P. Fr. Antonius de Terranova .

*In Provincia S. Didaci .*

- In Conventu S. Bernardini Alexandriae .  
 P. Fr. Angelus Joseph ab Alexandria .  
 P. Fr. Carolus Franciscus à Solerio .  
 P. Fr. Lucius à Solerio .

*In Provincia S. Thomae Apostoli .*

- In Conventu S. Thomae Taurini .  
 P. Fr. Paulus Franciscus à Monteforti .  
 P. Fr. Marcellus de Cuneo .  
 P. Fr. Ludovicus Octavius à Montevici .

*In Provincia Vallis Mazariæ .*

In Conventu S. Mariæ Angelorum Panormi .

P. Fr. Vvillhelmus de Sospello .

P. Fr. Ægidius à Marsalia .

P. Fr. Antonius Maria de Panormo .

*In Provincia Vallis Neti .*

In Conventu S. Mariæ Jesu Modicæ .

P. Fr. Constantius à Melita .

P. Fr. Joachinus à Melita .

P. Fr. Antonius Maria à Calatayerone .

*In Provincia Ruffiæ .*

In Conventu S. Andreæ Leopoli .

P. Fr. Joannes Maria à Montopoli .

P. Fr. Alexius de Roma .



## D E C R E T U M

SUMMI PONTIFICIS

## INNOCENTII XIII.

Prohibens in perpetuum Subrogationes  
Vocalium quacumque de causa  
ad Generale Capitulum  
non accedentium.

*Ordinis Minorum S. Francisci.*

**H**Umilibus exhibitis precibus Sanctissimo Domino Nostro Papæ Innocentio XIII. in præsentì Generali Capitulo Ord. Minorum S. Francisci Præsidenti, Minister Generalis ejusdem Ordinis F. Joseph Garcia enixè supplicavit ut Sanctitas Sua benignè sibi impertiri dignaretur facultatem subrogandi alios idoneos Fratres in suffragio præstando pro electione Ministri Generalis Successoris in eodem Capitulo facienda loco, sive vice absentium Vocalium, qui ex longinuis Regionibus ultra Mare tempore congruo accedere sive interesse non valuerunt, pluribus deductis causis rationibusque, & præsertim quia alias Summi Romani Pontifices instantibus Ministris Generalibus similibus precibus aliquando annuere dignati fuerunt, etiamque in præsentì, quod Convocatio huiusmodi Capituli Generalis à Sanctissimo facta in remotis illis Regionibus pervenerit tempore congruo, non constat.

Attamen Sanctissimus Dominus Noster re maturè perpenfa non sine animi sui angustia ejusmodi supplicationibus dicti Ministri Generalis erga Sedem Apostolicam, suamque Religionem optimè meriti minimè

annuere censuit, atque confidit, eo quo Minister ipse Generalis flagrat zelo, fore ut libenter patiat, quod Sanctitas Sua precibus ejusmodi non annuat; Sedulo perpendens à subrogationibus hujusmodi abstinere expediens omnino esse, ne intrinsecus, & extrinsecus libertatem in Capitulis Generalibus insultandi, & detrahendi, occasio, & exemplum vel etiam immerito defumatur; Sicque undequaque integra, illibata, & intacta Vocalibus convenientibus ad Capitulum remaneat eligendi facultas, in quibus juxta Juris, & Instituti Regulas consolidari jus eligendi debet, convenit & expedit; Ex quibus aliisque rationibus subrogationes hujusmodi fieri, nedum ipsa Statuta Ordinis expresse prohibuerunt, sed & Constitutiones Apostolicæ districtè interdixerunt: Quemadmodum in Constitutione Innocentii XII. Prædecessoris incipien. *Christifidelium §. Perpendentes* edita Romæ 16. Februarii 1694., in qua expresse absentium Vocalium vota, nec Protectoris, nec cujuscumque alterius, nec etiam ipsarum Cardinalium Congregationum Auctoritate, suppleri, seu alios Vocales eorundem absentium loco subrogari prohibuit.

Quapropter Sanctitas Sua pro suo in hunc particularem Gregem benedicente Domino, sub ejus oculis, & præsentia congregatum Pastoralis Zelo, & Apostolicæ dilectionis affectu, ut Sacrosancta libertas in electione omnino integra, prout juris est, Vocalibus in Capitulo congregatis conservetur, utque exemplo cæteris imposterum congregandis salubris hæc provisio fiat, eas omnes prohibitiones circa subrogationes nedum derogare noluit, sed confirmando, & approbando, omnino observari mandavit, & præcepit; atque iterum, quatenus opus sit, subrogationes, & suppletiones votorum loco, & vice Vocalium absentium prohibuit, & interdixit: itaut subrogationes, & dispensationes forsan impetratæ à Romanis Pontificibus in futurum subreptitiæ, & obreptitiæ censeantur, nisi facta de hujusmodi Decreto mentione, & speciali

ciali ejus derogatione. Insuperque Sanctitas Sua ad majorem cautelam omnes & singulos Juris, & facti defectus, si qui forsan intervenerint, sive interveniant propter Vocalium hujusmodi absentiam ob non fortasse perventam ad aliquas remotas Provincias Intimationis hujus Capituli notitiam ex plenitudine Apostolicae Potestatis motu proprio, ac certa scientia, hoc praesenti Decreto supplevit, & supplet.

Quod quidem Decretum provisionis, seu prohibitionis idem Sanctissimus expediri per Congregationem Episcoporum, & Regularium, ac in ejus Rege-  
tis transcribi, publicarique in praesenti Capitulo Generali congregato, ac inter ejus acta registrari ad perpetuam memoriam Sanctitas Sua mandavit, & indixit.  
Dat. Romae die 15. Maii 1723.

F. Cardinalis Paulutius.

V. Archiepiscopus Damascenus Secret.

## D E C R E T U M

### EJUSDEM SUMMI PONTIFICIS

*In ipso Capitulo Generali ab illo datum, quo scilicet  
Electionem advocabat sibi, nisi ea primo  
Scrutinio confecta esset.*

**I**N praesenti Generali Capitulo sub Praesidentia Sanctissimi Domini Nostri Papae Innocentii XIII., cum mox Scrutinium sit celebrandum pro Electione Ministri Generalis Ordinis S. Francisci, Sanctitas Sua paterno, quo flagrat, Zelo erga praedilectam hanc Religionem, enixe omnes, & singulos Vocales in Domino hortatur, & monet, ut proprii muneris conscii in eum conspirent votis, quem secundum Deum idoneum pro tanto munere ferendo summa maturitate cognoverint. Quod si Vocales sibi ipsis indulgentes, & partium adhaerentium studio distracti Electionem in  
hoc

hoc Scrutinio, iuxta Constitutionum tenorem non  
 perfecerint, ne diutius dissonantium animorum di-  
 scordia protrahantur, Sanctitas Sua motu proprio  
 movet, & declarat, electione Ministri Generalis non  
 facta in hoc primo Scrutinio, ipsam electionem sibi  
 ipsi assumere velle, sicut ex plenitudine Apostolicæ  
 Authoritatis, & præsentis Decreti tenore, nunc pro-  
 tunc ad se devolutam declarat atque decernit, itaut  
 aliud secundum Scrutinium amplius replicari, etiam  
 præsentis die non possit, nec debeat. Non obstantibus  
 Ordinis Constitutionibus, etiam specialiter à Sede  
 Apostolica confirmatis, aliisque Ordinationibus Apo-  
 stolicis, Statutis, & Consuetudinibus, cæterisque  
 contrariis quibuscumque. Quod Decretum Sanctitas  
 Sua in Actis Capitularibus registrari mandat = Dat.  
 in Capitulo Generali hac die 15. mensis Maji 1723.

G. Card. S. Agnetis.

B R E V E

SUMMI PONTIFICIS

INNOCENTII XIII.

Confirmans in forma specifica Statutum  
 Capituli Generalis de Precibus,  
 & Suffragiis pro Eodem in  
 Ordine persolvendis.

INNOCENTIUS PP. XIII.

*Ad perpetuam rei memoriam.*

**E**X iniuncti nobis divinitus Pastoralis Officii debito  
 illa quæ à Christifidelibus Altissimi Obsequiis sub  
 suavi Regularis Disciplinae jugo mancipatis uberesque  
 D bono-

honorum operum fructus benedicente Domino proferre jugiter satagentibus pio, unanimique constituta esse noscuntur consilio, ut perpetua firmitate perennentur, libenter Apostolici muniminis nostri præsidio, cum id à nobis petitur, roboramus. Exponi siquidem nobis nuper fecerunt dilecti Filii Minister Generalis, & Diffinitores etiam Generales Ordinis Fratrum Minorum S. Francisci, tam de Observantia, quam Reformatorem nuncupatorum, quod ipsi aliique ejusdem Ordinis Fratres in eorum Capitulo Generali novissimè in Conventu S. Mariæ de Aracœli Almæ Urbis nostræ celebrato simul congregati, ac secum reputantes peculiarem illum paternæ charitatis affectum, quo universum Ordinem prædictum in humilitate quippe, & paupertate fundatum, ac præclaris in Catholicam Religionem, & hanc Sanctam Sedem meritis fulgentem, prisco Gentis nostræ plurimumque de Sanguine, & Familia nostra Romanorum Pontificum Prædecessorum nostrorum, qui eundem Ordinem, illiusque Fratres plurimi semper fecerunt, more & instituto complectimur, necnon recolentes recentia, atque luculentæ Pontificiæ nostræ benevolentia argumenta, quæ eis, vel maximè perhibuimus occasione memorati eorum Capituli Generalis, quod non modo coram nobis convocavimus, sed præsentia etiam nostra decorari volumus, ac propterea aliquod grati, & devoti illorum in nos animi testimonium exhibere, ac perpetuum monumentum extare cupientes, communibus suffragiis decretum ediderunt, & promulgarunt tenoris, qui sequitur videlicet = Decretum = Cum Sanctissimus Dominus Noster Innocentius Divina Providentia Papa XIII. egregiam in nostrum Ordinem voluntatem à Majoribus suis etiam ad Apostolicam Sedem evectis jure quodam Sanguinis, ac indita suæ Genti pietate in se derivatam singulari beneficentiæ, atque amoris argumento comprobare volens universæ Familiæ nostræ Comitibus Idibus Maji in Ædibus S. Mariæ de Aracœli celebratis dignatus sit interesse, ac præ-



præsidere, tanta Optimi Principis humanitate, ac majestate simul, ut erumpentes præ gaudio lacrymas coram Apostolico Throno vix revocandi nobis potestas fieret; ne tam illustri beneficii memoria ulla unquam temporum injuria, aut asperitate nostrorum mentibus excedat, Generale Capitulum gratum animum, utut per Franciscanam paupertatem licet, exhibere cupiens, proponente Reverendissimo Patre Ministro Generali, approbantibusque Diffinitorii Patribus statuit, atque decernit, ut faustus ille dies, qui tanta ac tam insigni Clementissimi Principis dignatione honestatus est, inter festivos, & toti Ordini Sacros perpetuis futuris temporibus habeatur, singulisque annis eodem ipso recurrente die in omnibus utriusque Familiæ Conventibus pro longæva prosperitate Sanctitatis Suæ, atque inclytæ nobilissimæque suæ Domus incolumitate, ac sospitate Sacrum solemne peragatur, atque omnibus universi Ordinis utriusque sexus Fratribus, & Sororibus eadem pro re crebræ ad Deum preces fundantur. Ne autem hæc grati animi testificatio vna cum vita Sanctitatis Suæ, quam Deus Optimus Maximus ad Christianæ Republicæ felicitatem, & Nostri Ordinis compendium diù, multumque servare dignetur, finem aspiciat, Idem Capitulum Generale proponente eodem Reverendissimo Generali Ministro, probantibusque eisdem Diffinitorii Patribus, statuit, ac mandat, ut cum Sanctitas Sua viam universæ carnis ingressus mortales hæc exuvias reliquerit, pro ejus Animæ requie omnes, & singuli universi Ordinis Sacerdotes tres Missas celebrent, & in singulis Conventibus solemnis Missa cum integro Defunctorum Officio decantetur. Clerici verò, & Laici, Monialesque omnes, ac respectivè singuli, & singulæ tres, ut ajunt, Coronas B. Mariæ Virginis, & duas Stationes recitent, atque insuper, ut monimento numquam interituro tanti Pontificis memoria consignetur, in omnibus uniuersi Ordinis Conventibus perpetuò pro anima ejus fiat Aniversarium. Id autem in omnes tabulas Ordinis inscribi,

bi, ac inferri, & per uniuersum Franciscanum Orbem promulgari idem Capitulum Generale cavit, sanxit, ac decretum voluit in Comitibus Generalibus Ara-coelitanis hac die 17. mensis Maji anno Domini 1723. Fr. Laurentius à S. Laurentio Minister Generalis = Fr. Joseph Garcia Ex-Minister Generalis = Fr. Joannes de Soto Commissarius Generalis, & Indiarum = Fr. Cherubinus à Nardo Ex-Commissarius Generalis = Fr. Deodatus à Roma Ex-Vice Commissarius Reformato-rum = Fr. Franciscus ab Altamura Ex-Vice Commis-sarius Generalis Obser. = Fr. Antonius Blanch Discretus perpetuus Ordinis = Fr. Joannes Cosmus à Mon-te Miniani Discretus perpetuus Ordinis = Fr. Joannes à Petrasitta Ex-Vice Commissarius Generalis = Loco \* sigilli = Cum autem sicut eadem expositio subiungebat, ipsi exponentes Decretum hujusmodi à nobis approbari, & quo firmitus subsistat, Apostolica confirmationis nostræ patrocínio communiti plurimum desiderent: Nos sinceram Fratrum Ordinis prædicti in nos, & Sedem Apostolicam devotionem attendentes, plurimumque in Domino commendantes, enixis, ac iteratis supplicationibus eorundem exponentium, nomine nobis super hoc humiliter porrectis inclinati; Decretum præinsertum Auctoritate Apostolica harum serie approbamus, & confirmamus, ratumque, & acceptum habemus, illique inuolabilis Apostolicæ firmitatis robur adiicimus, ac omnes, & singulos Juris, & facti defectus, siqui desuper quomodolibet intervenerint, supplemus. Decernentes easdem præ-sentes litteras semper firmas, validas, & efficaces existere & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quandocumque spectabit, inuolabiliter observari, sicque in præmissis per quoscumque Judices Ordinarios, & Delegatos etiam Caesarum Palatii Apostolici Auditores judicari, & definiri debere, ac irritum, & inane, si secus super his à quoquam quavis auctoritate scienter, vel ignoranter contigerit atten-tari,

tari . Non obstantibus præmissis , ac Constitutionibus , & Ordinationibus Apostolicis , nec non quatenus opus sit , prædicti Ordinis , aliisve quibusvis etiam juramento , Confirmatione Apostolica , vel quavis firmitate alia roboratis Statutis , & Consuetudinibus , Privilegiis quoque , Indultis , & Litteris Apostolicis in Communi præmissorum quomodolibet concessis , confirmatis , innovatis ; quibus omnibus , & singulis , illorum tenores , præsentibus præ plenè , & sufficientè expressis , & ad verbum insertis habentes , illis aliàs in suo robore permanfuris , ad præmissorum effectum hac vice dumtaxat specialitè , & expressè derogamus , cæterisque contrariis quibuscumque . Volumus autem , ut ipsarum præsentium literarum transumptis , seu exemplis etiam impressis manu alicujus Notarii publici subscriptis , & sigillo Personæ in Ecclesia Dignitate constitutæ munitis eadem prorsus Fides in Judicio , & extrà illud habeatur , quæ haberetur eisdem præsentibus , si forent exhibitæ , vel ostensæ . Datum Romæ apud Sanctam Mariam Majorem sub annulo Piscatoris die 3. Junii 1723. Pontificatus Nostri anno Tertio .

F. Cardinalis Oliverius .



Fr. Laurentius à S. Laurentio Totius  
Ordinis S. P. N. Francisci  
Minister Generalis,  
& Servus.

*Universis, & singulis, Superioribus, & Subditis No-  
stra Cura subiectis, tam Observantibus, quàm Re-  
formatis, Recollectis, Excalceatis, Tertii Ordinis,  
vel alio quocumque nomine nuncupatis Textam Regulæ  
Seraphicæ sub uno capite profitentibus, salutem, &  
Seraphicam Benedictionem.*

**Q**UÆ nuper à summa, ac penè incredibilem Sanctif-  
fimi Domini Nostri Innocentii, Divina Provi-  
dentia Papæ XIII. beneficentia preclarè sunt, ac in-  
signiter gesta ad decus nostri Ordinis sempiternum, &  
si neminem Vestrum latere posse arbitramur, tum  
quod res ipsa suomet nomine celebris per silentium  
abscondi minimè patitur, tum quod ingens nostro-  
rum frequentia ex toto ferè Terrarum Orbe collecta  
grati animi debito, ac religioni ducit ubique illa præ-  
dicare, placuit tamen parvitati nostræ eadem Vobis  
per litteras renunciare, ut qui licèt immeriti ad totius  
Ordinis regimen fuimus, Deo disponente, promoti,  
ex nostra insinuatione excitetur in Vobis communis  
causa lætitiæ, & una sit cum capite omnium membro-  
rum in pia exultatione consensus. Et sane Nobis ma-  
gnoperè lætandum est, quod hac temporum conditio-  
ne Eum Divina Clementia Ecclesiæ Sanctæ Suæ Pasto-  
rem, ac toti Christiano Orbi Principem dederit, qui  
non solum ex illa gente ortus est, quæ sicuti egregios  
Apostolicæ Sedi Pontifices, ac præclaros Christianæ  
Reipublicæ Instauratores, & Vindices identidem pe-  
perit, ità ob ingenitam inclyto sanguini pietatem,  
eosdem Protectores eximios, Parentesque benignis-  
simos præformavit, Fraternitatem nostram tener-  
rimè

rimè diligentes, honestantes, ac modis studiisque omnibus coufoventes, sed qui etiam domesticis hisce exemplis admonitus omnium majorum suorum pietatem in se unum cumulatius derivatam singularibus in dies humanitatis, ac benignitatis documentis nititur comprobare. Illud equidem insigne egregiæ in nos voluntatis suæ argumentum est, quod inter primas Apostolici pectoris curas de toto Orbe solliciti illam, nec respuerit, nec reliquam fecerit, sed ex animo fo-  
 verit, qua uniuersæ Familiæ Nostræ splendori, unicuique verò nostrum commodis, utilitati, omnique bono studeret. Hinc illa Paterni amoris dignatio, qua non tantum generalia nostra comitia temporum asperitate diu intermissa coram se indicere, nobisque de nostris rebus conferendi consilia, Magistratus nostros creandi potestatem facere voluit, quæ magna humanitas est, sed etiam (quod vota nostra excedere possit) Eisdem Comitiiis interesse, ac præsidere per se ipse non est dedignatus, non insueto quidem Pontificiæ comitatis exemplo, si Superiorum ætatum consuetudinem inspiciamus, sed novo, ac planè mirabili, si præsentis ævi magnificentiæ, ac Romanorum Pontificum Majestatis rationem habeamus. Hæc autem, & si Vobis omnibus perspicua esse putamus, jubemus ad memoriam revocari, ut quantum totus Seraphicus Ordo, ac unusquisque nostrum Optimo Benignissimoque Principi debeamus, quantumque nos felicitatem temporis hujus nobis ipsis gratulari oporteat, ex nostris litteris intelligatis. Neque tamen ignoramus, inter tot communis gaudij argumenta id unum fortè permolestum vobis contingere potuisse, quod iis in Comitiiis humilitas nostra totius Ordinis clavo admoda sit, in quibus pro rei dignitate, ac splendore Pontificiæ præsentia eum decebat Supremum Vestri Moderatorem renuntiari, quæ omni Virtutum genere ornatus non solum oneri par esset, sed etiam eo majorem omni expectatione se ipse probaret, quod tam præclaris est inauguratus auspiciis. Sed quanquam

exiguitatis nostræ memores, Nos tales non esse noscimus, qui huic muneri dignè exequendo pares simus, alacres tamen demandatum nobis onus suscepimus, cùm Divini Numinis præsidio, cujus sapientiæ consilio tenuitas nostra ad summum tam illustri Ordinis regimen erecta est, tum Vestra confisi virtute, qui vocati in partem hujus sollicitudinis pondus nostræ insufficientiæ commissum ea ratione levare potestis, quod aliis Fratribus prædentes in grege vobis concredito severioris instituti propositum custodiendi, Sancti, ac Seraphici P. N. Francisci præcepta consiliave instaurandi, majorum nostrorum exempla fovendi vestris hortamentis, doctrinis, exemplis facultatem habetis. Quod enim nostris viribus assequi non valemus, ut in tota, ac tam magna Ordinis Nostri amplitudine Sanctæ Nostræ Regulæ forma ubique inviolata servetur, Regularis Disciplinæ rigor nullibi laxetur, honestæ, ac ingenuæ artes undique excitentur, instituta denique, ac jura omnia facta tactaque custodiantur, id omne solertia, vigilantia, sollicitudine eorum, quibus aliis præesse à Domino datum est, facile nos consequuturos esse speramus. Hortamur propterea Provinciarum Ministros, ac Prælatos omnes, ut ita Subditis suis imperare norint, ut filiis non mancipiis præesse se cogitent, *neque ut dominantes in cleris, sed forma facti gregis ex animo, in omnibus seipsos præbeant, secundum Apostoli monitum, exemplum bonorum operum in doctrina, in integritate, in gravitate.* Eam autem optamus adhibeant ægris animis medicinam, quæ piam Matrem deceat, non quæ imperiosi Domini sapiat austeritatem, formam illam præ oculis habentes, quam Seraphicus Pater Noster Franciscus Prælati suis servandam præscripsit, ut sint *in mandatis moderati, in peccatores misericordes, in condonando faciles, in verbis mansueti.* Sic enim exulceratæ mentes facilius ad sanitatem revocantur, cum asperitas correctionis oleo lenitur mansuetudinis. Id autem nullus Prælatorum consequi se posse præsumat, nisi quos corrigit ex charita-

1: Petr. cap. 5:

Ad Tit. cap. 2:

B: Franci in  
Opusc. Epist. 9. ad  
Provinciales Mi-  
nistros:

rita-

ri tate diligit . Enim verò , ut vere divinè Seraphicus Patriarcha Noster scriptum reliquit , *tolerare non poterit , quos amare deserit* . Ante omnia itaque Fratres charissimi , quibus à Domino Fratrum Vestrorum regimen commissum est , nolite esse sapientes in oculis vestris , nec vestræ inniti prudentiæ , sed illam potiùs à Deo petite , quæ deforsum est , sapientiam habitantem in consilio , & ea , non quæ carnis sunt , sed quæ spiritus suggerentem . Hanc enim , quæ summè necessaria est animarum rectoribus , vos adeptos esse , iudicio erit , si humanis affectionibus vacui , privatiq; studiis spoliati mansuetudinem , lenitatem , suavitatem in præcipiendo , hortando , arguendo adhibueritis . *Benignus est enim* , ut sapiens ait , *Spiritus sapientia* . *Quod si zelum amarum habetis* , admonet vos in sua Canonica Epistola B. Jacobus , *& contentiones sint in cordibus vestris , non est ista sapientia deforsum descendens , sed terrena , animalis , diabolica* . Qui ergo estis Deo pro Fratribus vobis conceditis rationem reddituri in id sedulò curas vestras intendite , ne ad iracundiam provocetis Filios vestros , sed potius bonorum operum , & Sanctæ conversationis exemplo formam eis præbeatis , ad quam mores suos componere valeant : Custodientes fidelitèr in eis depositum Patrum Nostrorum . *Propter quod ut Apostolus monet* , *remissas manus , & soluta genua erigite , & gressus rectos facite pedibus vestris , ut non claudicans quis erret , magis autem sanetur* , pro virili contententes , ne super vos prophetica illa exprobratio descendat : *Quod infirmum fuit non consolidastis , & quod agrotum non sanastis , quod contractum non alligastis , & quod abiectum non reduxistis , & quod perierat non quaesistis : Sed cum auctoritate imperabatis eis , & cum potentia* . Hæc , si pro vestra prudentia memoria repetere vos non pigeat , haud dubitamus , quin , quod in votis habemus , ut de sollicitudine vestra gloriemur , tanquam de gaudio , & corona nostra , Nobis ex Sententia succedat . Universos autem Vos , ac singulos Fratres per

B. Franc. 11. l. 6.  
Opusc. Epist. F.  
ad F. Litam.

Sapient. 1.

Jacob. 3:

Ad Hebræos 12;

Ezech. 34:

viscera charitatis Christi obsecramus, & obtestamur, ut memores sitis Sancti Instituti Vestri, & Sacramenti, quò vos ipsi adegistis ad serviendum Deo viventi, *ut abnegantes impietatem, & secularia desideria, sobriè, justè, & piè vivatis in hoc seculo, Apostolicum illud vobiscum identidem reputantes, quod nemo militans Deo implicat se negotiis Sæcularibus.* Non sint inter vos autem in potestatum officiorumque dissimilitudine, animorum dissidia, non contentiones, non simultates, non odia; *Quod si invicem, ut præmonet Apostolus, mordetis, & comeditis: Videte ne ab invicem consumamini.* Discordia enim maximas quasque res dilabi, ac penitus frangi, nemo est, qui nesciat. *Induite vos ergo, liceat nobis Apostolica verba usurpare, sicuti electi Dei, Sancti, & Dilecti viscera misericordiæ, benignitatem, humilitatem, modestiam, patientiam, supportantes invicem, si quis adversus aliquem habet querelam.: Sicut, & Dominus donavit vobis, ita & vos. Super omnia autem hæc charitatem habete, quæ est vinculum perfectionis.* Neque tamen velimus, vos tantùm metipsis indulgeatis, ut dignam nominibus Vestris, & Ordine, cui nomen dedistis, vivendi rationem Vos inire credatis, quod vestris in Cænobiis Deo vacatis, nisi etiam proximorum saluti, exterorum ædificationi, Catholicæ Ecclesiæ utilitati solerter prospiciatis. Non ad hoc enim instituti estis à B.P.N. Francisco, ut vobis solis vivatis, sed magis, ut aliis proficiatis, ut Christi bonus odor ubique sitis, talibusque moribus in edito Ecclesiæ loco præfulgeatis, *ut is qui ex adverso est vercatur nihil habens malum dicere de vobis.* Hoc vos monet Regula, quam Domino promissistis, hoc Patrum, ac Majorum Nostrorum exempla, hoc denique singularis in Nos, Ordinemque Nostrum Sanctissimi Universalis Ecclesiæ Pastoris Clementia, quam in dies promereri debemus illustribus pro ipsa Ecclesia operibus gestisque præclaris, ut digni habeamur, in quibus tot, & tam specialia illius beneficia dignè, ac decentè collocata reputentur. Hæc sunt Fratres Char-

rissi-

Ad Tit. 2.

2. Timoch. 2:

Galat. 5.

Ad Colos. 3:

Ad Tit. 2:



rissimi, quæ humilitas nostra æqui bonique facit generatim Charitati Vestre suggerere, ut nostro, quo Vos Paterno Amore complectimur, & unicuique Vestrum decori, quantum cum Domino possumus, consulamus. Cætera verò, quæ nostris in Comitibus communi sunt consensione firmata, & quæ Nos specialiter pro publico bono ducimus præscribenda, in alia encyclica nostra, Domino favente, accipietis. Interea verò crebras ad Deum preces fundite pro longæva prospere Sanctissimi Domini Nostri incolumitate, & sospitate, pro Christianorum Principum pace, & concordia, pro Eminentissimo Cardinali Protectore Nostro, & pro nobis tandem, qui Seraphicam Vobis impartimur benedictionem. Datum Romæ ex Nostro Aracelitano Conventu nonis Junii millesimi septingentesimi vigesimi tertii.

Fr. Laurentius à S. Laurentio.  
Minister Generalis.

Loco ✕ sigilli.

*De mandato Suae Paternitatis  
Reverendissimæ*  
Fr. Antonius à Mazaria Secretarius Generalis Ordinis.

# STATUTA

## PRO UTRAQUE FAMILIA.

1. **P**rotestatur Capitulum Generale se profiteri, ac observare Regulam S.P.N. Francisci secundum suam omnimodam puritatem juxta declarationes Nicolai III., & Clementis V., & si quis ausu temerario docere intentet, præcepta ipsius sub peccato obligatoria non esse, tamquam suspectus doctrinæ prævæ tractetur, & puniatur.

2. Renovatur pro Cismontana Familia, & ad Familiam extenditur Ultramontanam, Statutum Capituli Generalis Romani Anni 1688., quo tolluntur omninò de medio quarti Lectores Theologiæ sub iisdem pœnis, & clausulis in eo appositis, imò quantum ad Cismontanam Familiam statuitur, ut illicò auferantur.

3. Si Lector Jubilatus de numero alio æquali, aut potiori titulo gaudeat privilegiis, quibus uti Lector de numero gauderet, occupet locum ejus Lector antiquior de non numero, & ad privilegia tamquam Lector de numero admittatur, modo præfatus alterius titulus sit permanens perpetuusque; idemque esto si Lector aliquis Jubilatus de numero, perpetuò abdicet se privilegiis suæ jubilationis.

4. Districtè injungitur, & in virtute Sanctæ Obedientiæ omnibus, & singulis Provinciarum Subditis, & Superioribus, ut servant, atque servari faciant Conventuum antiquos limites, & laudabiles secundum nationes usus pro Eleemosynis colligendis, qui quidem limites si uspiam, aut prorsus inversi, aut nondum stabiliter firmati sunt, præcipitur itè Diffinitoriis, vel ejusdem, vel diversarum Provinciarum, prout nempè Conventus, vel ad eandem, vel ad diversas Provincias spectant, ut amicabiliter inter se agant de præ-

præfatis limitibus assignandis, & injungitur si concordiam assequi nequeant, ut ad Superiorem Generalem utrimque transmittant rationes suas, utque demùm talium limitum compositiones à Diffinitoriis ejusdem, vel diversæ Provinciæ, aut à Superioribus Generalibus opportuno consilio adhibito sancitæ, ac demandatæ tamquam ex nunc prò tunc à Generali Capitulo ratihabitæ perpetuo observentur.

5. Minister Provincialis, etsi legitimè institutus, quacumque de causa numquam exercitium inierit sui Ministeriatus, semper, & quoad omnia ultimum locum habeat inter illos, qui non modo fuerunt, ut ipse, Ministri legitimi Provinciales, verum etiam sese in propriæ suæ Provinciæ gubernio exercuerunt, quod quidem Capitulum Generale in posterum servari præcipit, sine præjudicio gaudentium actu præcedentiã sublata per legem hanc.

6. Si quis Guardianus mediatè, vel immediatè pecunias, aut schedulam pro pecuniis det suis Subditis, vel motivo indumentorum comparandorum, vel aliarum necessitatum succurrendarum ipso facto à suo munere deponatur, & Minister Provincialis negligens infligere ipsi pœnam hanc per Superiorem Generalem omninò à suo Officio suspendatur.

7. Qui Guardiani sollicitam curam non gesserint Infirmorum, & in hoc charitatis, & Regulæ nostræ præceptum non adimpleverint, primum à Provinciali Ministro feriò, ac publicè admoneantur, tum nisi à desidia resipuerint omninò Guardianatu priventur.

8. Ad vitanda jurgia, & dissidia ob Diffinitoratus Generales vacantes oriri nata, statuimus primùm, quod pro utraque Familia aliàs statutum fuit, ut nimirum Patres Ordinis in sua natione, & suo Ordine in vacantias hujusmodi subrogentur, illi scilicèt, qui fuerint biennio, aut Procuratores Generales, aut Commissarii Romanæ Curiæ, aut Diffinitores Generales, qui quidem Patres, si apud nationem Diffinitoratus vacantis desiderentur, aut Diffinitora-

Cum per Constitutionem SS. D. N. Benedicti Papæ XIII. Universalis Ecclesiæ regimini, qui fuerunt Superiores Generales non amplius votum habeant, isti in sua Natione ante alios sunt subrogandi.

tus iterum vacet postquam per subrogationem ipsorum impletum fuit, tunc nullius alterius ante Capitulum, aut Congregationem subrogatio fiat, sed tantum pro Generali, aut Congregatione, aut Capitulo substitutio, quæ, sicut dum Diffinitor Generalis subrogatus tantum est absens à Capitulo Generali, cadere debet in Ministrum, aut Vicarium, aut Pro-Ministrum, aut Custodem Provinciæ Diffinitoris Generalis subrogati absentis, ita quando Diffinitoratus Generalis est vacans cadere debet in eosdem Vocales non Provinciæ Diffinitoris Generalis subrogati, sed Provinciæ Diffinitoris Generalis electi, & si accidat, aut Diffinitore Generali absente, aut Diffinitoratu Generali vacante, abesse à Generali Capitulo etiam vocales illos, quos in casibus istis statuimus esse substituendos, tunc substituantur, qui est dignior Minister, seu antiquior Nationis suæ, & quatenus non innotescat quis inter Nationis Ministros antiquior sit, substituantur demum Minister Provinciæ antiquioris.

9. Si actualis Minister Provincialis eligatur in Officium Romanæ Curie, non possit in posterum adire, tale Officium, & exercere ipsum, nisi prius cum effectu renuntiet suo Ministeriatui, & cum effectu Vicarius Provincialis in locum ipsius sufficiatur, definitur enim, & declaratur duo hæc munera in eodem esse, impossibilia.

10. Si Minister Provincialis sit una Diffinitor Generalis, & ad Generale Capitulum ipsi accedendum, sit, non possit ad idem Capitulum Provincia mittere Pro-Ministrum, sed unus, & idem unum in illo suffragium ferat, ut Minister Provincialis, & ut Diffinitor Generalis.

11. Ubi cumque impertienda sit benedictio, & aqua lustralis Fratibus aspergenda, si non adsit Pater Guardianus Conventus, non id præstetur à Patre digniori Communitatis, sed ab eisdem Conventus Vicario si præsens sit.

12. Dum aliquis in Choro est incensandus, ille omninò præferri debet, qui sedem occupat dignior: quamobrem existente in Choro Patre Ordinis, qui Guardianum, vel Ministrum Provinciale actum præcedat, non Guardiano, vel Ministro, sed Ordinis Patri honor incensationis adhibeatur.

Ex mandato SS. D. N. Benedicti Papæ XIII. a. i. d. i. s. Cæremoniæ Apostolicarum Præfecto, & Ordinis Patribus.

13. Absente Reverendissimo Patre Superiore Generali à residentia sua, Pater Minister Provincialis præcedat omnes Patres Reverendissimos quamvis majores se; & similiter etiam Patre Ministro Provinciali absente à Residentia sua, Pater Guardianus Conventus eodem pacto, & in eisdem circumstantiis præcedat eosdem Patres Reverendissimos.

14. Ministri Provinciales, qui ex legitima causa, Capitulo Generali probata non accesserunt ad idem Capitulum Generale, dispensantur à pœnis pro hac vice contra non accedentes determinatis.

15. Institutio in Prædicatorem nemini concedatur nisi ultra præscriptum Capituli Gener. Vallisolet. 1593. quod indispensabiliter observari præcipimus, sex vicibus saltem concionatus fuerit in publica refectione, & testimonium habuerit à peritioribus, & Discretis de sua idoneitate ad munus hujusmodi exercendum.

16. Quod competit votum, quodque denuò confirmatur Procuratoribus Generalibus, sive Ordinis, sive Reformatorum, sive Recollectorum, & Excalceatorum, Commissariis Generalibus Romanæ Curiae, Diffinitoribus Generalibus Ordinis etiam Excalceatis, & Recollectis in omnibus cujuscumque naturæ Diffinitoriis, Congregationibus, atque Capitulis suarum, Provinciarum, competere declaratur ipsis statim ac possessionem inierint respectivè prædictorum suorum Officiorum.

Abrogatum per Constitutionem SS. D. N. Benedicti Papæ XIII. Universali Ecclesie Regimini 16. Novembris 1724. juxta quam habebunt tantum jus subrogandi, ut Patres Ordinis ante omnes Patres Provinciae, statim ac electi sunt.

17. Confirmatur, & extenditur ad utramque Familiam, etiam quantum ad Reformatos, Recollectos, & Excalceatos Statutum illud de Diffinitoribus Generalibus, quod in Generali Capitulo anni 1700., confectum fuit, quodve conceptis verbis est tenoris sequen-

quentis . *Insistendo declarationi authentica , quam circa precedentiam ex Diffinitorum Generalium , & ex Ministrorum Provincialium ( perpensis , & examinatis Statutis antiquis , & illo de anno 1639. consilioque habito aliquorum gravium Ordinis Patrum ) fecit Reverendissimus Pater Bonaventura Poerius tunc temporis Minister Generalis pro Ex-Diffinitoribus Generalibus , & ad cujus sententiae executionem Apostolicas suas litteras expeditit Sanctissimus D. N. Innocentius PP. XII. incip. Ex parte Dilecti &c. sub dat. 14. Kal. Junii 1696. statuitur ex Diffinitores Generales , qui ante non fuerunt Ministri Provinciales , qui post Diffinitoratus munus expletum ad Ministeriatum sunt promoti , seu Ministros futuros , sed etiam illos , qui ante electionem , vel promotionem Diffinitorum Generalium ad Ministeriatum electi , vel assumpti fuerant .*

18. Statuitur Bononiae Civitas in Insubria in locum pro Generali Capitulo proximè celebrando .

19. De omnibus Postulatoribus Causarum nostrorum Servorum Dei apud Apostolicam Sedem Observantibus , Reformatis , Recollectis , & Excalceatis decernitur nullam eos expensam posse facere , nisi approbantibus respectivè vel Superiore Generali , vel Curiae Officialibus juxta nationem suam , schedulaeque ipsorum ad Syndicum Apostolicum nullius valoris sint nisi respectivè , vel Superioris Generalis , vel Officialis Curiae Chirographo consignentur , moneanturque , Syndici Apostolici quod praedictae Schemulae in rationes Causarum non inferentur , nisi praefato respectivè Chirographo fuerint validatae .

20. Gratiae aguntur Eminentiss. Domino D. Cardinali Laurentio Corsino Nostro Protectori , quod opera , & elemosynis egregiè promoverit , & adjuverit istud Capitulum Generale . Gratulatum etiam fuit Reverendissimo P. F. Josepho Garzia , quod multam impenderit operam eidem Capitulo Generali .

21. Quoniam ex infractione silentij nocturnis horis, quod sub præcepto Sanctæ Obedientiæ per constitutiones Segovienses mandatum est, in Religiosis ultramontanæ Familiæ scrupuli exoriuntur, Capitulum Generale concedit eiusdem Familiæ Ministris Provincialibus, ut tale præceptum mutare valeant in aliam, pœnam temporalem, sed taxandam ab ipsis de consensu Provincialis Capituli, & promulgandam.

22. Si quis Ordinis nostri Lector, vel actu obtinet, vel in posterum obtinebit in universitate Majoricensi Cathedram publicam Theologiæ, tempus, quod infumet in ipsa ultra consuetos annos duodecim ad jubilandum, non computetur penitus ei ad ulteriorem, ullam prærogativam.

23. Ad petitionem octo Provinciarum Excalceatarum ad Lusitaniam pertinentium, qua postularunt, ut decerneretur unum Diffinitorem Generalem assumi ex ipsis; Propterea statuit Capitulum Generale illam non esse audiendam, quod eadem Provinciæ à Diffinitoratu Generali pertinente ad suam nationem exclusæ nequaquam sint.

24. Cum Provinciæ ultramontanæ Familiæ juxta suorum Conventuum necessitatem, instabunt ad tenorem Statuti victoriensis anni 1694., ut sua Missarum onera pro elemosynæ merito imminuantur, iniungitur Patri Commissario Curix, ut sedulò curet ipsas, agatque apud Sanctam Sedem, quantum fieri poterit, ut rescripta tanti momenti petentibus concedantur.

25. Supplicante Provincia Cantabriæ, ut declaretur quodnam sit specimen gubernii commendabilis exigitum, ut in Provinciale Ministerium eligi quicumque possit, & an etiam Diffinitores Provinciales, necnon Custodes, & Lectores Jubilati sub hoc prærequisito comprehendantur: Statuit Capitulum Generale tale specimen esse Guardianatum ad minus exer-

42  
ctum per duos annos, & etiam præfatos sub obligatione huius speciminis comprehendi.

26. Reprehenditur Provincia Canariensis propter loquendi modum, quo in dubiis, & petitionibus Capitulo Generali porrectis usa fuit; Non enim habent Provinciæ jus Constitutionibus Generalibus ( ut ipsa loquitur ) contradicendi, sed habent tantummodo supplicandi.

27. Eadem instante Provincia Canariensi, ut sibi adiudicetur Conventus Sanctæ Mariæ de Jesu situs in Luciferi Fano, quod San-Luchar indigenis appellatur, qui quidem Conventus à Provincia Bæthica Observantium jam à duobus, & ultra sæculis possidetur, Capitulum Generale re maturè considerata decernit Provinciam Bæthicam in possessione prædicta tenendam esse, & Provinciam Canariensem in puncto isto non amplius audiendam.

28. Considerato per Generale Capitulum labore vocalium Canariensium, dum ad ipsum accedunt in his cismontanis partibus celebrandum, ad eosdem extendit omnia Privilegia concessa in Capitulo Tolitano anni 1658. Indiarum Custodibus, & Pro-Ministris ad quodcumque Generale Capitulum accedentibus, dummodo quantum ad Pro-Ministros conditiones habeant Canarienses, quæ pro Pro-Ministris Indiarum ad obtinenda privilegia antedicta in Romano Capitulo anni 1700. fuerunt determinatæ.

29. Expenso libello supplici P. F. Eusebii Gonzales de Torres Chronologi Generalis prærogativas petentis in Cismontana Familia hujusmodi Chronologis attributas; Capitulum generale intuitu laborum ejus illa Privilegia dumtaxat concedit ipsi, quæ per leges ultramontanas pro Jubilatis taxata sunt, qui duos Tomos Theologiæ in lucem publicam emiserunt.

30. Extenditur ad ultramontanam Familiam Statutum hujus Cismontanæ Familiæ, quo cautum fuit, ut elapso triennio, & semestri à Capitulo ultimo Provinciali, atque adeò tunc Diffinitorio, & Guardianis  
activa



activa voce pro insequenti Capitulo destitutis, per Superiorem Generalem omnibus, & singulis restitui possit præfata vox, de consilio, & consensu graviorum Provinciæ Patrum, in qua tunc temporis existere accidet eundem Superiorem Generalem.

31. Statuitur de Concionatoribus Catholici Regis, quod concurrentibus conditionibus per Constitutiones Generales exigitis, non gaudeant privilegio Patrum, Provinciæ ex illo munere concionandi, nisi sexennio integro ipsum opere exercuerint.

32. In Causa Provinciarum Angelorum de Observantia, & Sancti Michaelis Excalceatorum, utra scilicet habeat majorem proximitatem ad Curiam Matritensem, & quænam propterea vocanda sit ad Generales Congressus Matriti habendos, ad tenorem Constitutionum viciniore Provincias designantium, statuitur Provinciam Angelorum manutenendam esse in possessione, quam ad vocari pro congressibus antedictis obtinuit usque huc, interimque partes ante Generale Capitulum immediatè futurum ostensionem facere satagant præsentis majoris proximitatis.

## PRO GALLIS.

33. Cum ad notitiam pervenerit Capituli Generalis in Provincia Sancti Antonii in Arthesia abusum invaluisse, quod scilicet Superiorissæ suorum Monasteriorum in officio sine termino ullo continuantur; Statuit idem Capitulum Generale, quod tam in memorata Provincia, quam in omnibus aliis præfate Superiorissæ triennales dumtaxat sint, aut sexennales ad summum accedente opportuna dispensatione: Electionesque ipsarum ultra triennium irritas, atque nullas declarat esse habendas, & judicandas, & mandatque Superioribus, quorum muneris illud erit, ne eas audeant ratas habere, & confirmare.

34. Ad supplicationem Provinciæ Turoniæ Pictaviensis, petentis à Generali Capitulo Novitiatum,

imminutionem, quos obtinent in eadem Provincia, Conventus Recollectionis, necnon translationem de uno Conventu ad alium quorundam aliorum ad eam pariter pertinentium; Decernit Capitulum Generale, ut Provincia ipsa utatur jure suo quo ad utrumque hoc, imò & uti præcipit, si revera cessurum sit in publicam suam utilitatem.

35. Lecta Epistola Serenissimi Ducis Lotharingæ postulantis, ut Custodia Sancti Nicolai sita in Dominis suis in Provinciam per Generale Capitulum erigeretur, statutum fuit, quod cum septem Conventus dumtaxat habeat, & Ordinis Constitutiones exigant ad minus duodecim, ut ad erectionem Provinciarum liceat devenire, deputetur à Reverendissimo Patre Ministro Generali Rev. P. Fr. Joseph Paticier, Pater Provinciæ Franciæ Parisiensis, qui de statu illorum Conventuum informationem sumat, sicut & de numero existentium in illis Religiosorum, instetque pro multiplicatione Conventuum apud suam Regiam Celsitudinem, ac demum curet de omnibus rationem reddere Congregationi proximæ Generali, ut de istius erectione Provinciæ in obsequium Regii Principis ultimo resolvatur.

36. Statuta Familiæ ultramontanæ pro Custodum privilegiis in ultramontano ipsis Generali Capitulo suffragantium decernit Generale Capitulum etiam pro Custodibus Provinciæ Franciæ Parisiensis, executioni mandanda esse.

37. Admittitur protestatio Provinciæ Britanniæ Recollectæ, contra Provinciam Sanctæ Mariæ Magdaleniæ pariter Recollectorum, quoad Conventum, & Hospitium San-Macloviense, & ut constet de ipsa præcipitur inferi Actis Capitularibus.

### PRO GERMANO-BELGIS :

38. In Cauſa Provinciarum Sancti Andree, & Flandriæ de Conventibus nimirum inter utramque

controverfis, referente Reverendissimo Patre Commissario Generali ultramontano, fuit representatum, Ministrum Flandriæ judicium Diffinitorii, quantum ad votum ab eodem ferendum apud Sacram Congregationem, subterfugisse, motiva incognita allegantem, quare eidem Diffinitorio non proferat rationes suas; & super hoc decrevit idem Diffinitorium representandum esse eidem Sacræ Congregationi, quod Minister Flandriæ ob motiva Diffinitorio ipsi, (ut asserit) non prodenda noluerit coram illo rationes producere pro sua Causa; Votum tamen dandum eidem Sacræ Congregationi decretum fuit istud debere esse, nempe Conventus, de quibus lis excitatur, in statu relinquendos esse, in quo sunt, quod idem decretum fuit à potremo Capitulo Generali.

39. Quoniam Diffinitorum Generalium Officia, ideo in Nationes fuerunt providè distributa, ut in Congressibus Generalibus negotia curare possint, quæ suæ Nationis sunt, declaratur tales Diffinitores ad Nationem Germano-Belgicam pertinentes, ex Provincia Sancti Andreæ Recollectorum eligi nequaquam posse, cum hæc à multis jam annis præfatæ Nationis Regimini, & Corpori se subduxerit, seque ipsam inter Gallicanas Provincias posuerit, & permaneat.

40. Protestationes Provinciæ Flandriæ Recollectorum adversus ablationem plurium Conventuum ab eadem injuria avulsorum, & Provinciis partim Sancti Andreæ, partim Sancti Antonii in Arthesia applicatorum: item Provinciæ Sancti Andreæ contra Provinciam Sancti Joseph in Comitatu Flandriæ Conventus Aldenardensem, & Cortracensem, qui spectaverunt olim ad illam, occupantem: rursus præfatæ Provinciæ Sancti Joseph adversus Provincias Sancti Andreæ, & Sancti Antonii in Arthesia contra jus multos suos Religiosorum, & Sanctimonialium Conventus detinentes: Similiter Provinciæ Argentinensis, contra Provinciam Colonensem habentem Conventus Lutrensem, Crucenacensem, Oppenneimensem, &  
Flai-

Flaidelbergenfem , ad Provinciam , quæ eos repetere instat , primitus pertinentes : & tandem Provinciæ Sancti Antonii in Arthesia adversus præmemoratum Provinciam Sancti Joseph tanquam Conventus Gravelingianum , Casletensem , & Dunkercanum , quia sibi ( ut ait ) autoritate Ordinis traditos , indebitè repentem : has igitur protestationes , ideo Capitulum Generale inferi præcipit istis actis , ut de ipsis , & ut per ipsas constet Ordini universo , quibus agitationibus , atque inconvenientibus Provinciæ pateant , si antiqui earum limites sine autoritate legitima transferantur. Declarat proinde se præmissas distractiones Conventuum , Monasteriorum , Residentiarum autoritate , incongrua factas nullatenus approbare , mandatque in virtute sanctæ obedientiæ , ut cum primum licebit per Principes sæculares respectivè suis Provinciis omninò omnia restituantur , exceptis Conventibus Aldenardensi , & Cortracensi , si ultrò Provincia Sancti Andree concesserit eos Provinciæ Sancti Joseph in sua primæva institutione , & exceptis similiter quos à Provincia Coloniensi restitui tibi postulat Provincia Argentinensis , si Dominus habens Jus patronatus in ipsos , disposuerit eos Coloniensi Provinciæ addictos esse .

41. Pro eadem Natione statuitur etiam hoc , ut nempe Custodes , & Pro-Ministri ad Generalia Capitula accedentes , privilegiis , & præcedentia gaudeant post habentes Votum in Capitulis Provincialibus , & post Lectores Jubilatos , dummodò requisita concurrant in præfatis Custodibus , & Pro-Ministris , quæ per ultramontana Generalia Statuta ad prærogativas ejusmodi postulantur .

42. Strictè injungitur Subditis , & Superioribus Provinciæ Argentinensis , ne excursus vel faciant , vel permittant ad eleemosynas in Provinciæ Bohemiæ terminis colligendas , & qui secus fecerint possint per opportunos recursus & Juris , & facti remediis coerceri .

43. In singulis Provinciis novæ Hispaniæ, atque Pervani Regni instituatur unus, vel alter Linguarum Lector pro utilitate Missionariorum, qui post exactos duodecim annos in hujusmodi Lectoratu privilegiis gaudeant Concionatorum sexennialium.

44. Qui per omnes antedictas Provincias Novæ Hispaniæ, atque Pervani Regni in Parochiis actualium conversionum extiterint Parochi duodecim annis, gaudeant omnibus Concionatorum Generalium prærogativis.

45. Decernitur alternativam Provinciæ Limanæ duodecim Apostolorum, quæ inter Ministros, & Custodes ipsius fuit jam introducta, etiam ad eisdem Custodes, & Pro-Ministros, qui destinandi erunt ad Generalia Capitula, extendendam.

46. Confidens Generale Capitulum, quod Reverendissimus Pater Commissarius Generalis Indiarum, quantum ad Visitatores Provinciæ S. Helenæ in Florida, & quantum ad Præsidentes Capitulorum ipsius pro conscientia sua acturus sit, relinquit arbitrio ejus, ut ex aliis Provinciis non evocentur, si id esse cognoverit è præfatæ Provinciæ utilitate.

47. Quoad alternativam in Provincia Sancti Evangelii de Mexico stabilitam, & nunc ad controversiam denuò revocatam, citentur partes idoneæ ad proferendas in invicem rationes suas.

48. Capitulum Generale perpensis supplicationibus Provinciæ Assumptionis de Paraguay, decernit ad primum, non posse Provinciam eximi à consuetis expensis, quantum Provinciæ vires eas præferre possunt. Ad secundum, Capitula Provincialia de triennio in triennium celebrari debere, ut juris, & moris est. Ad tertium, concedi posse ex eadem Provincia Commissarium Visitatorem, nisi aliquando Reverendissimo Patri Commissario Generali Indiarum videatur ex alia destinandus. Ad quartum: quoad Lectores actuales

45  
Ss Sacrae Theologiae in Guardianos ( uti petitur ) eli-  
endos, servari oportere Constitutiones Generales id  
fieri prohibentes .

## PRO EXCALCEATIS .

49. Alternativam in Provincia Immaculatae Con-  
ceptionis in Brasilia inter Lusitanos, & Brasilianos  
ipsius Provinciae consensu inductam, ac novissimè San-  
ctissimi Domini Nostri Innocentii PP. XIII. Literis  
confirmatam, Capitulum Generale sic admittit, ut  
injungat omnibus futuris temporibus mandari execu-  
tioni, nullumque ejusdem Provinciae Alumnum eidem  
nullatenus refragari .

50. Cum SS. D. N. Innocentius PP. XIII. Provin-  
ciae Sancti Antonii in Lusitania indixerit alternativam  
per Breve suum ab eadem Provincia jam acceptatum,  
voluit Capitulum Generale innui Breve hujusmodi in  
actis istis, ejusque perpetuam observantiam eidem Pro-  
vinciae imperari .

51. Quoniam Provinciarum Excalceatarum, non  
modò Indiarum Occidentalium, & Orientalium, ve-  
rum etiam Hispaniae, & Lusitaniae Custodes, & Pro-  
Ministri ad Generalia Capitula accedentes, quia eos-  
dem, quos ceteri, anfractus, atque labores adeunt,  
digni etiam sunt, ut equè, ac ceteri remunerentur,  
Generale Capitulum extendit quoque ad ipsos omnes,  
& singulas praerogativas, quae hoc intuitu Pro-Mini-  
stris, & Custodibus Provinciarum Observantium re-  
spectivè pro distantis antedictarum Regionum taxatae  
sunt sub iisdem tamen conditionibus pro Observanti-  
bus ad eas praequisitis, quamvis idem Capitulum  
Generale pro hac vice tantum dispenset super condi-  
tionibus istis, si fortè aliquis Pro-Ministrorum, & Cu-  
stodum Excalceatorum eas non plenè habuerit, ut in  
memorandum omnium beneficium redundet clemen-  
tia summa per SS. D. N. Innocentium PP. XIII. eidem  
Generali Capitulo impertita .

52. *Residentia ordinaria* Admodum Rev. Patris Procuratoris Generalis Excalceatorum Hispaniæ, & Recollectorum Galliæ statuitur in Conventu Romano Sanctæ Mariæ de Ara-Cœli; cumque alternis iidem Recollecti, & Excalceati Procuratores, & Secretarii agere debeant, adeo ut dum Procurator est Excalceatus, Secretarius sit Recollectus; propterea sicut pro Recollectis Procuratoribus, & Secretariis Domicilium infervit, quod ad eorum Agentes antiquitus pertinebat in Conventu præmemorato, ita pro Excalceatis Procuratoribus, & Secretariis in eodem Conventu assignatur Domicilium illud, quod situm est à regione mansionum spectantium ad Terram Sanctam, adeo ut ab Hispanis dumtaxat Procuratoribus, & Secretariis Excalceatis, ex quacumque demum Hispana Provincia eos contigerit eligi, debeat inhabitari.

#### PRO CISMONTANA FAMILIA.

53. *Lecturas Philosophiæ, ac Theologiæ à Provinciis conferri solitas, statuitur, ut per oppositiones, seu concursus indispensabiliter conferantur, adeo ut Judices sint Pater Minister Provincialis, actuales Patres Diffinitorii, qui aut Jubilati, aut sexennales, vel actualis Lecturæ Theologiæ sint, Patres Ordinis, & Patres ex Provinciales Jubilati similiter, vel sexennales, & duo antiquiores Patrum Jubilatorum, atque in deficientia alicujus è Diffinitorio, cui nimirum conditiones hujusmodi non assistant, ipsorum loco actuales totidem Lectores Theologiæ in Judices advocentur, & quotiescumque dato tali defectu contingat hos pariter desiderari, eorum loco totidem alii, qui Theologiam docuerint, assumantur.*

54. *Modus autem istarum oppositionum, seu concursuum erit sequens. Omnibus oppositionibus habitis Judices congregabuntur, primumque collatione sedulo habita de concurrentium habilitate, jurabunt singuli tacto pectore more Sacerdotali, quod judicium*

de ipsis secundum suam conscientiam laturo sint ; Tum intra mensuram dumtaxat punctorum decem , incipiendo ab ultimo Judicum puncta singuli oretenus palam ferent , quæ censuerint singulorum concurrentium merito convenire , hisque per Secretarium scripto exceptis , & adnotatis , ac demum in summam actis , ita preferentur ad Lecturas , qui punctis prælati deprehendentur , ut incidente paritate punctorum , antiquior habitu sit aliis anteposendus , utque punctis quo ad aliquem concurrentem non excedentibus medietatem numeri summi idest conflati ex punctis decem Judicum singulorum talis concurrens ad Lecturam inhabilis declaretur , & ad iterandum concursum non amplius admittatur .

55. Ad conservandam studio Aracælitano de Urbe , quam obtinuit semper specialem aliquam dignitatem , reservatur arbitrio Superioris Generalis , ut Artium Lectura in illo functum , etiam sine ullo concursu prævio , Lectorem Generalem instituire possit in quolibet Studio Generali , licet si reperitur in propria ipsius Provincia Lecturæ locus , eidem Superiori , ut præfatum Lectorem ad illam , & non ad alium destinet , enixius commendatur .

56. Studiosi omnes Clerici , & Sacerdotes in suis respectivè Provinciis ad Studia detineantur exceptis ob deficientiam Studiorum Provinciis ultramarinis , exceptisque quatuordecim Sacerdotibus , & sex Clericis ad hoc Studium Aracælitaneum ex aliis Provinciis evocandis ; statuimus enim studium istud constare debere duodecim Clericis in Professorio ejusdem operam dantibus Philosophiæ , quorum sex sint ex Provincia Romana , & sex ex aliis , ut modo decretum fuit , & constare item debere Sacerdotibus viginti quinque vacantibus Theologiæ , quorum septem sint ex eadem Provincia Romana , quatuor ex Provinciis quatuor Sancti Ladislai , Poloniæ minoris , Russiæ , & Poloniæ majoris , & quatuordecim demum ex aliis Provinciis ad istam Familiam pertinentibus .



57. *Studia Theologiæ dicta secundæ Classis reducuntur, ut olim ad duos Lectores tantum, atque adeo qui primo vacabit in ipsis Lecturæ locus vacuus relinquatur; sublata Generali Ministro facultate aliter providendi.*

58. *In Studiis primæ Classis Romæ, Neapolis, Sancti Didaci, & S. Mariæ Novæ Mediolani, Venetiarum, Florentiæ, Genæv, Panormi, Messanæ, Taurini, Bononiæ, Perusiæ, Anconæ, Lirii, & Lucæ, deputet Superior Generalis ad legendas Fidei controversias unum ex actualibus tribus Lectoribus approbatis.*

59. *Nullus admittatur ad oppositionem pro Cathedra Theologiæ, nisi adimpleverit triennium solare Lecturæ Philosophiæ, & quantumlibet ingenio præstans nullus ad Lecturæ concursum recipiatur, nisi reverà moribus probatus sit.*

60. *Cum singulis mensibus Conclusiones, quas dicunt Mensiles, haberi debeant, teneantur Lectores mittere ad Superiorem Generalem testimonium Diffinitorii, quod respectivè Conclusiones istas habendo impleverint munus suum, aliàs ab eodem Superiore Generali à Lectura prorsus amoveantur.*

61. *In Studiis non habentibus Studium primæ Classis, sufficiat ad jubilationem legisse tempore debito in Studio secundæ Classis.*

62. *Lectores actuales Philosophiæ, & Theologiæ à Provinciis juxta Constitutiones Generales institui soliti, à suis Lecturis amoveri possint ab integro Diffinitorio in Capitulis, & Congregationibus tantum, & à Superiore Generali etiam extra præfatum tempus, modo causa interveniat eidem Superiori Generali cognita, & respectivè ad talem effectum cognita integro Provinciæ Diffinitorio, sed ipsi Lectori amovendo non necessario manifestanda.*

63. *Studia Generalia recens erecta una cum antiquis in Provinciis omnibus confirmantur, & quantum opus sit, virtute præsentis Statuti denuò eriguntur.*

64. In Provincia Sancti Patris Nostri Francisci Studium Generale secundæ Classis, quod in Conventu Tipherni extitit à multis annis, transfertur Perusiam, per Capitulum Generale, ibique in Conventu Sancti Hieronymi collocatur. Ad Conventum Catanensem in Provincia Siciliæ transfertur aliud secundæ Classis, quod nunc in Conventu Hadranensi existens est. Et in Provincia S. Angeli Studium item secundæ Classis, quod ad Conventum Pietatis Luceriæ translatum fuerat, Conventui S. Mariæ Gratiarum Campibassi denuò restituitur.

65. Si Lectores actuales, tam futuri, quam existentes de quorumcumque Superiorum vel permisso, vel jussu, etiam ad negotia Ordinis, vel Provinciæ aut jam distracti fuerant, aut in posterum distrahentur, tempus, quo cum effectu aut non vacaverunt, aut non vacabunt deinceps Lecturæ suæ, computetur ad Jubilationem eisdem tamquam non interruptum, sed non computetur tamquam realitèr adimpletum.

66. In Provincia Russiæ Studium Theologicum Lublinense erigitur in Studium Secundæ Classis: In Provincia Poloniæ Majoris Studium Generale Posnaniense constituitur primæ Classis: Et in Provincia Dalmatiæ transfertur Justinopolim Jatreense Studium, & Generale secundæ Classis statuitur, & declaratur.

67. In unoquoque Studio Generali collocentur de familia duo saltem Lectores Jubilati, sive de numero, sive non, quorum alter arbitrio Superioris Generalis semper aut præfectus, aut vicem gerens Præfecti sit.

68. Fiat à Reverendissimo Patre nostro Ministro Generali tabula omnium Lectorum Generalium, ut in Capitulis Generalibus usus obtinuit eam confici, possitque pro hac vice formare ipsam eos removendo, confirmando, transferendo, instituendo, prout nimirum censuerit expedire.

69. Statutum Generale concedens Patribus Guardianis præcipuorum Conventuum, si biennio continuò fungantur hujusmodi munere, certas quasdam præroga-

gativas, declaratur suffragari debere Guardianis Sancti Francisci Lucae, cum inter Conventus præcipuos veniat numerandus.

70. Conceditur Provinciæ Bosnæ Argentinae, ut in Conventus possit erigere residentias, quas obtinet in Territoriis Themefvarino, & Belgradensi, nempe Foelduarinensem, Tolnensem, Czernichinensem, Moachsinensem, Vvalcovarinensem, Themefvarinensem, & Belgradensem, modò collocentur de Familia saltem duodecim Fratres in unaquaque.

71. Ministris Provincialibus Austriae, Bohemiae, Bavariae commendat Generale Capitulum Provinciam Bulgariae, ut scilicet aliquot Sacerdotes linguae Germanicae, Bohemicaeque peritos, & ad laborandum in Vineis Domini aptos, & inclinatos ad praesentiam Patris Ministri ejus mittere non graventur, qui post navatam Proximorum salutem, & Fidei Catholicae operam, aut ad proprias annuente praefato Ministro reverti poterunt, si voluerint, aut antedictae Provinciae accedentibus opportunis consensibus, & duorum annorum experimento, etiam à die habitus incorporari.

72. Committitur Reverendissimo Patri Ministro Generali, ut pro Provinciae Albaniae opportunum Ministrum eligat, ad eamque transmittat toties, quoties opus sit.

73. Singulae Observantium Provinciae Terrae-Laboris, & Principatus Provinciae finitimae, quae propterea ex Statutis Generalibus mittere suos ad eas possunt, decernitur ne uno, & eodem tempore mittant Neapolim plusquam tres, & ne mittant nisi ad negotia Conventuum, & Provinciae, ut iisdem Statutis sancitum est; imò injungitur, ut etiam à tribus abstineant transmittendis, quotiescumque plura negotia vel ab uno, vel à duobus commode tractari possint, tribusque ad summum, uti praemissum est, Neapoli jam degentibus, omninò ipsis ulteriora negotia, quae ingruant, committantur; alias, & qui accesserint ad negotia publica ultra tres, & qui ad negotia

tantum privata fuerint destinati, & qui ex tribus ipsis concessis non in Conventu Neapoli vitam ducent, & Apostatæ sint, & Apostatæ habeantur, scriptisque in Apostatas pœnis omninò subiciantur.

74. Eleemosynæ, quæ Concionatorum laboribus acquiruntur, tantummodò in servitium publicum Provinciarum, & ad unicum quidem totius Diffinitorii placitum infumantur.

75. Guardiani expensam decem aureos excedentem, non impetrato prius Diffinitorii consensu facere nequaquam possint, & qui contrafecerint, ultra Statutarias pœnas, ad ejusdem Diffinitorii arbitrium puniantur.

76. Religiosi omnes degentes extrà Provincias suas, sine individuali, & expresso permisso Superioris Generalis, confestim ad proprias revertantur; & quatenus huic mandato eorum aliquis non obtemperet, qui Clerici, & Laici sunt declarantur Apostatæ, & ipso facto à Divinis, qui Presbyteri fuerint, suspenduntur.

77. Lecto libello supplici R. P. Fr. Hieronymi à Monte-Fortino, Reformatæ Provinciæ Romanæ Patris super summa Theologica subtilis Doctoris Nostri ab eodem juxtà summam Doctoris Angelici concinnata, statuitur ut imprimatur primus Tomus expensis Religionis.

78. Declaratur Provinciæ Excalceatorum Sancti Petri de Alcantara in Regno Neapolitano gaudere voce activa, & passiva ad omnia, sicuti aliæ Provinciæ omnes in nostro Capitulo Generali.

79. Minister Provincialis, qui in aliena Provincia tali Officio functus fuit, redûx ad propriam in omnibus sit illi posterior, qui biennio in propria fuit Vicarius Provincialis.

80. Cum Litteris Apostolicis SS. D. N. Innocentii PP. XIII. concessum fuerit Vice-Commissarios Generales Observantium, & Reformatorum gaudere Privilegiis suorum respectivè Officiorum quamvis non

per-

permanentes in ipsis nisi usque ad hoc Capitulum Generale, non abfolverint integrum tempus ad id exigitam per Ordinis Constitutiones; decretum fuit, ut referretur hoc annuendo in tabulas capitulares.

81. In gratiam Sanctissimi Domini Nostri, qui præsidere in hoc Generali Capitulo dignatus est, ut etiam Pro-Ministri, & Custodes hujus Cismontanæ Familiæ percipiant aliquod emolumentum, inherendo benignitati Sacritatis Suæ, qui nos omnes favore amplissimo cumulavit, statuitur prædictos Custodes, & Pro-Ministros, tam Observantes, quam Reformatos debere gaudere pro hac vice privilegiis illis, quæ si accessissent ad Generale Capitulum ultra montes, ex Constitutionibus Ordinis percipere debuissent.

82. Lecto libello supplici Monialium S. Claræ Lycopolis in Carniola, quo petunt aggregari Ordini nostro quantum ad beneficia spiritalia, aggregantur uti desiderant, quamvis eidem Ordini nequaquam subiciantur.

83. Nullus Concionator titulo, & præminentis clarissimi decoretur, nisi suggestis emensis, quæ Congregatio Romana 1679. ad istud determinavit; & dum insigniores Collegiæ admittuntur pariter ad hunc effectum, de illis Collegiatis id erit tantum intelligendum, quæ sitæ sunt ubi ad minus in duabus Ecclesiis per Quadragesimam quotidie concionatur.

84. Conceditur facultas Patri Ministro Bulgarie, ut ad Provincias etiam non finitimas mittere possit Alumnos suos ad præsentiam nimirum Ministrorum Provincialium, qui assignent ipsis in studiis suis collocationem, subministrantque indumenta, & per Superiores Locales alia necessaria, adhortaturque Capitulum Generale tam illarum Provinciarum Ministros, qui charitatem hanc eisdem hætenus impenderunt, quam alios, ad quos Religiosi prædicti in posterum destinabuntur, ut eos benignè recipiant, curentque sedulo erudiri.

85. Ad petitionem Patris Fratris Bernardini à Vul-

finio prætendentis titulos admodum Reverendi, & Lectoris Arabici Jubilati, nec non præcedentiam supra Lectores de non numero Jubilatos, ratione suæ Lecturæ Arabicæ, exercitiique Apostolici Missionariatus; decernitur primum titulum non convenire ipsi, secundum non esse in Ordine usitatum, & antelationem supra Lectores prædictos non debitam ei esse.

86. Dum Alumnus unius Provinciæ in carceribus alterius Provinciæ detinetur, teneatur Provincia, cujus Alumnus est, tot Sacra legere in levamen Conventus, in cujus carceribus custoditur, quot erunt dies detentionis illius, atque sustentationis.

87. Ad subveniendum Provinciæ Albanicæ pro necessariis indumentis, statutum fuit, ut solvantur quot annis in favorem ipsius centum aurei, à reliquis observantiæ Provinciis pro rata subministrandi, atque hi colligentur prout disposuerit Superior Generalis, & ad nutum ipsius, prout expedire dignoverit, expendantur.

88. Quantum ad præcedentiam inter Ex-Custodes, Ex-Diffinitores, Lectores Generales, & Lectores Jubilatos servantur respectivè consuetudines Provinciarum.

89. Cavetur sub nullitate electionis, ut nullus eligatur in Custodem, aut Diffinitorem, nisi aut sit Lector Jubilatus, aut Guardianus extiterit per sexennium, aut in Domibus principalioribus nimirum Studiorum Generalium, & Novitiatum ad minus per completum quadriennium, aut Lector sexennialis triennio functus Guardianatu, aut sexennio Magister Novitorum & triennio Guardianus, aut Concionator clarissimus cum triennio Guardianatus, aut triennio Guardianus, & triennio Provinciæ Secretarius, aut Lector Generalis actualis habens sexennium Lecturæ Generalis. A qua tamen lege ob Fratrum paucitatem, Provinciæ Ultramarinæ excipiuntur, sicut etiam, qui actu inserviunt in Officio amanuensium Superioribus

Generalibus, aut infervierunt, & quo ad hoc sub antiquis tantummodo legibus conservantur.

90. Motis dubiis circa ex Secretarios Generales; Primò, an sufficiat ipsis explevisse biennium, ut privilegiis frui possint, & triennium Secretariatus tantummodo inchoasse; Secundò, an privilegiis suis in propriis dumtaxat Provinciis gaudere debeant, an etiam in aliis omnibus; Tertio, an præcedentiam in aliis, & propriis habere debeant supra Lectores de numero Jubilatos: decisum fuit per Capitulum Generale, imo de novo etiam statuitur quatenus opus sit: ad primum, sufficere ipsis ad privilegia triennium tantummodo inchoatum: ad secundum, eosdem gaudere debere privilegio præcedentiæ etiam extra Provincias proprias, ultimum tamen ibi tenendo locum suæ Categoriæ: ad tertium, eis debitam esse præcedentiam supra Lectores Jubilatos de numero, non modo in Provinciis propriis, sed etiam in alienis.

91. Ad Jubilationem assequendam Lectores Generales dicent omninò duodecim continuos annos Theologiam ultra triennium prævium Philosophiæ, & Lectores Provinciales Theologiæ, ut aggregationem ad illos, qui fuerunt Diffinitores obtineant, post dictatam triennio Philosophiam dicent etiam octo continuos annos Theologiam; quod quidem statuitur non de Lectoribus actualibus Theologiæ, qui nunc in Studiis five Generalibus, five Provincialibus eam dicant, sed de illis, qui post publicationem Statutorum istorum in iisdem Studiis Theologiæ Lectores instituentur. Et de omnibus Lectoribus istis tam presentibus, quam futuris injungimus, ut quoties vel Concionibus, vel itineribus, vel rebus aliis incumbendo, aut Theologiæ, aut Philosophiæ Lecturam interpolabunt, tot diebus arithmetice omninò eadem supplere debeant, quot ipsam realiter, & cum effectu, infirmitatibus dumtaxat exceptis, non exercuerint, & Jubilationes, atque aggregationes prædictæ in posterum nullæ erunt, si non cum præfato supplemento arithmetico fuerint impetratæ.

92. Supplicetur Sanctissimo ab Officialibus Curie pro moderatione Privilegiorum Missionariis, eorumque Procuratoribus, atque Lectoribus concessorum.

93. Renovantur Statuta de conficienda nova compilatione omnium Statutorum Familię Cismontanę, & hoc negotium committitur Patri Diffinitori Generali Fr. Joanni Francisco à Sorrexina, qui debeat incumbere ipsi ad mentem Statutorum compilationem hujusmodi prescribentium.

94. Injungitur Ordinis nostri Predicatoribus, ut per loca non erigant viam Crucis, quę jurisdictioni Generalis Ministri non sint subjecta; & qui secus fecerit priventur munere predicandi.

95. Compromittitur in Patrem Reverendissimum Ministrum Generalem per Observantes, & Reformatos, ut consilio aliquorum adhibito respectivę possint resolvere, & definire quędam puncta, quę remanent indecisa, suasque resolutiones, & definitiones inferre Statutis istis.

### PRO REFORMATIS.

96. In Provinciis Reformatorum, in quibus non existunt Conventus Recollectionis, continuo tales Conventus instituantur, neque ipsarum ulla Novitios vel induat, vel recipiat, in qua Conventus isti prius non fuerint instituti.

97. Concordiam limitum pro Eleemosynis nonnullorum Conventuum colligendis inter Provincias nostras Sancti Salvatoris, & Sanctę Marię in Regno Panonicę fitas in Gyongyosensu Conventu die 26. Septembris anni 1720. per utriusque Provincię Diffinitorium initam, & subscriptam, & exemplari authentico Generali Capitulo presentatam, idem sic approbat, & confirmat tamquam si de verbo ad verbum his actis infereretur; & injungit omnibus, & singulis utriusque Provincię Subditis, & Superioribus, ut eam perpetuo ratam habeant, non modo sub pœnis expressis,



& utrimque acceptatis in Instrumento præfatæ compositionis, verum etiam sub aliis pro merito refractoriorum ad Superioris Generalis arbitrium infligendis.

98. Ad petitiones Custodiæ Transylvaniæ decernitur; Primò, eandem Custodiam non posse in Provinciam erigi, utpote ad id opportuno Conventuum numero destitutam; Secundò, neque Hospitia, neque Residentias, neque Conventus, sive à Bulgaris Observantibus in Transylvania sive à Reformatis Transylvanis in Bulgaria, vel procurandos in posterum esse, vel admittendos, nisi aliter postulaverit ob desidiâ alterutrius Nationis vel Catholicorum fervitium, vel Catholicæ Fidei propagatio; Tertiò, statuta municipalia ipsius exhibita Capitulo Generali in iis dumtaxat servanda esse, quæ non adversantur Statutis Urbani VIII., & quæ Constitutionibus Generalibus Ordinis non opponuntur; Quartò, juxta Summorum Pontificum declarationes, illicitum, atque adeò vetitum esse Eleemosynas pecuniarias in suis Domibus aservari; Quintò, Commissarium Visitatorem ipsius Custodiæ Filium posse in eodem Capitulo, cui præsidet, eligi Custodem Provinciam, secus vero si alterius aut Custodiæ, aut Provinciæ Alumnus sit; Sextò, etiam quo tempore Missionarii exercent Missiones actu, tenentur incumbere puriori Observantiæ regulæ quantum possunt, ac proinde ab omni contumacitate pecuniæ pro viribus abstinere.

99. Quoad Provinciam Hungaricam Sanctæ Mariæ Reformatorum decernit Capitulum Generale, in Catalogum Studiorum Generalium inferendum iterum esse Conventum ejus Tyrnariensem Sancto Jacobo Apostolo nuncupatum: & nullam Sæculi monasterialem Monasterii S. Claræ ejusdem Civitatis Tyrnariensis, titulo, & prærogativis Maternitatis augeri posse, nisi prius Abbatissæ, vel Priorissæ Officium debite administraverit.

100. Conceditur Provinciæ Sancti Salvatoris in Hungaria, ut Nationibus Slavonica, atque Hunga-

rica consentientibus per utriusque discretos, alternativa inter utramque, licet ad gradus totius Diffinitorii tantum formari possit: & Generale Studium etiam pro Natione Slavonica designari: & sicut dum assignabitur hoc, ex nunc pro tunc haberi præcipitur approbatum, ita cum primum firmabitur illa, reputari jubetur ex nunc pro tunc per Generale Capitulum, ratihabita, & ad perpetuam Provinciæ pacem mandari perpetuæ executioni.

101. Provinciæ Reformatæ Sancti Nicolai in Apulia conceditur Almæ titulus, quoniam numerum Conventuum obtinet pro hujusmodi titulo requisitum.

102. Quoad præcedentiam Lectorum Actualium, Sacræ Theologiæ servetur Decretum claræ mem. Eminentissimi Cardinalis Barberini Ordinis Protectoris, quod dedit die 20. Augusti 1678. facultate sibi attributa a Sacra Congregatione, videlicet quod dumtaxat in Conventibus illis præcedentia gaudeant, in quibus exercent munus Lecturæ suæ, nec non in Capitulis, & Congregationibus tam Provincialibus, quam Generalibus, ad quæ, ut exercitationes Scholasticas habeant, evocantur.

103. Patres Discreti Provinciæ, seu Carniolæ, seu Boliæ Croatiae, variè scilicet hæcenus appellatæ, agant in Provinciali Capitulo proximè celebrando, ut conveniat inter ipsos de uno titulo determinato, qui stabili nomenclatione Provinciæ in posterum attribuantur: cumque ante publicationem presentium Constitutionum nuntiatum fuerit eos jam consensisse, ut dicatur Provincia Sanctæ Crucis in Croatia, & Carniola, iste ipsius titulus promulgatur.

104. Non existentibus Guardianis intra limites suis Conventibus assignatos Vicarii eorum præcedant in omnibus Patres Diffinitores actuales, imò & omnes Provinciæ Patres; qua tamen præcedentia non gaudeant Guardianis intra præfatos limites existentibus, quamvis ad eosdem Vicarios spectet Benedictionem ferre, sicut & aquis Sacris Communitatem aspergere, quoties-

tiescumque , & quomodocumque Guardiani non  
adsunt , dum talia de more præstanda sunt .

## PRO TERRA SANCTA.

105. Statuitur Patrem Guardianum Hierosolymitanum nullam jurisdictionem in Sanctam Custodiam exercere posse quoad usque patentes littere institutionis sue , aut confirmationis inibi formiter publicentur .

106. Eidem interdicitur ne Syndicos Terræ Sanctæ , aut Procuratores instituat in partibus Christianorum , sive ad eleemosynas pro Sanctis Locis excipiendas , sive ad negotia Sanctæ Custodiæ in Tribunalibus promovenda .

107. Comitatus ipse in Terram Sanctam proficiscens non excedat quatuor Religiosos , & hi quidem probi , & idonei erunt , sed ad ejus placitum eligendi .

108. Cum primum poterit , Visitationem instituat localem , & personalem , prout Constitutionibus Generalibus præscriptum est , & præsertim in Conventibus Sanctissimi Salvatoris Bethleem , Nazareth , & Sancti Joannis in Montana , & ad Superiorem Generalem , quamcitiùs poterit , Transumptum authenticum , mittat ejusdem Visitationis , ut utrique innotescat , quo pacto servitium Terræ Sanctæ melius curari possit .

109. Prohibetur eidem ne in gravibus rebus se solo judicium ferat , & ne quidquam proprio Marte , Discretis inauditis , in momentosis negotiis exequatur .

110. Renovantur Statuta Generalia quoad Equites Sanctissimi Sepulchri ex Concessione Apostolica per Patrem Guardianum instituendos ; eidem præcipitur in virtute sanctæ obedientiæ , & sub pœnis ad Superioris Generalis arbitrium infligendis , ut nullum instituat talem Equitem , nisi ex prævio consensu unanimi omnium .

omnium Discretorum , nisi adhibitis consuetis solemnitatibus ad talem institutionem , & nisi latis in elemosynam centum zecchinis venetis per Equitem instituendum, iisque ad conservationem SS.Sepulchri unice applicandis .

111. Conceditur Patri Procuratori Generali Terræ Sanctæ , ut prudenter invigilet super Ministris Officiorum Sacristiæ , Cellariorum, Coquinæ, Procurationis, ne quidquam contra sanctam paupertatem perdat, vel distrahatur , & quatenus vel minus fidelem , vel minus attentum aliquem deprehenderit , de hoc Patrem Guardianum certiore reddat , ut remedium ab ipso adhibeatur .

112. Idem Procurator Inventarium habeat rerum omnium primum , quæ in Officinis existant suæ Procurationis, tum etiam earum, quæ in Sacristiis, Cellariis, & Coquinis Conventuum SS.Salvatoris, S. Joannis in Montana , Bethleem , & Nazareth asservantur, illudque à Patre Guardiano , & à Discretorio subscriptum sit , ut rationem de omnibus reddere possit , & debeat , si aliquando expediat ipsum ad eam reddendam expostulari ; & singulis Officiorum Ministris singula inventaria tradantur earum rerum , quas respective in Officio credito illis continget adinveniri , ut eodem rationabiliter instante Patre Procuratore , ad rationem ipsi quoque per P. Guardianum coram Discretis vocari possint .

113. Pro servitio Conventuum omnium , atque Hospitiorum Custodiæ Terræ Sanctæ sexaginta Laici, & Sacerdotes centum , idest Fratrum centum , & sexaginta numerus assignatur , qui tamen non sic arithmeticus erit neque impræteribilis , ut admonente Discretorio à Superiore Generali augeri nequaquam possit , utque supra prædictos non alii aliqui ibidem in promptu habendi sint ad occurrendum fortuitis necessitatibus ab epidemiis , aliisque infortuniis oriri natas ; atque adeò certus præfatus numerus idcirco figitur , ut normæ sit prudentiæ Superiorum ad ipsum im-

modicè non excedendum, & in eundem hunc finem injungitur Patri Guardiano, ut possessione inita Officii sui, Cathalogum ad Superiores Generales transmittat degentium ibi Religiosorum, subnectendo cuique juxtà taxatas moras, quo tempore ad propriam dimittetur, & informando singulis annis, quot ipsorum è vivis sublatis sint, ut opportuniùs providentia, quæ convenit, impendi possit.

114. Statuitur iterum, ut Fratribus redeuntibus è Terra Sancta post exhibitum ipsi triennio consueto servitium commendabile, Pater Procurator ad trium piastrarum sumptum Sanctuaria concedere teneatur, reddere libros, si quos secum iidem illuc comportaverunt, & assignare ipsis unum illud, ni admodum consumptum fuerit, cum quo ad Terram Sanctam pervenerant, indumentum.

115. Litteræ patentes indeterminatæ, seu *in albo*, ut vulgo dicitur, pro Religiosis in Terram Sanctam mittendis omninò prohibentur.

116. Quæcumque patentes Litteræ recognosci debeant à Patre Provinciali cum Diffinitotibus, quatenus ii apud ipsum inveniuntur, & insuper cum Discretis Conventus, in quo moram fecerit ille, cui concessæ sunt, quandoquidem idem Pater Provincialis, Diffinitores, & Discreti attestationem facere debent, an Religiosus, pro quo patentes Litteræ sunt expeditæ, moribus iis præditus sit, ut ad benè inserviendum Sanctis Locis capax, & idoneus reputetur.

117. Ut autem hæc ordinatio non frustretur effectu suo, mandat Capitulum Generale, ut testimonia præfata Diffinitorii, & Discretorii, profecturo tradantur ab eo cum Patentibus asseruanda, utque Superiores eidem progredi non permittant, nisi ab illo una cum Patentibus ipsis Testimonia præfata exhibeantur.

118. In quibusvis Patentibus litteris exprimatür conditio hæc = *Dummodo antecedenter in servitium*  
Terra

*Terræ Sanctæ Religiosi ejusdem Provinciæ non reperiantur, jam destinati; exceptis tamen Missionariis ejusdem Terræ Sanctæ.*

119. Quilibet Religiosus completo termino in suis Litteris Patentibus expresso ad Christianas Regiones, & ad propriam Provinciã, sub pœna privationis perpetuæ vocis activæ, & passivæ redire debeat ad nutum Patris Guardiani Hjerusalem; moram autem ulterius in Locis Sanctis protrahere, quoad illos Religiosos, qui permanere cupient, ac Terræ Sanctæ proficui invenientur, arbitrio Discretorii ejusdem Terræ Sanctæ relinquitur.

120. Nulli Religioso, Missionariis exceptis, ac Eleemosynarum Transvectoribus, titulo devotionis ad Terram Sanctam, postquam aliàs, tempore sibi in suis Litteris Patentibus præscripto, ibi moram fecerit, redire permittatur. Si verò Pater Generalis, aut Commissarius Generalis erga aliquem Religiosum illuc redeundi cupidum propendeat, prius Discretorium Terræ Sanctæ de moribus, & idoneitate illius exquirat.

121. Quolibet anno Pater Guardianus Hierosolymæ ad Patrem Generalem, sive ad Patrem Commissarium Generalem Familiæ, Cathalogum omnium Religiosorum actu in Sanctis Locis permanentium, mittat, eorundem Provinciã specificando, & simul quando tempus eorum permanfioni præfixum expiret, ad hoc ut prædicti Pater Generalis, sive Commissarius Generalis Familiæ tot dumtaxat Religiosos, quot ad servitium Terræ Sanctæ erunt opportuni, dimittat.

122. Ad effectum exonerandi quantum fieri poterit Commissionem Tusciæ ab onere imponendi in Naves exteros Religiosos in Terram Sanctam profecturos, quilibet eorum ingressum in Naves curet in Portu viciniore propriæ Prouinciæ, dummodò ibi aliquis ejusdem Terræ Sanctæ Commissarius existat.

113. Receptæ Eleemosynarum, quæ à Patribus Commissariis Terræ Sanctæ ex Christianis Regionibus  
Hjero-

Hjerofolymam mittuntur , fiant deinceps , & fubfcribantur à Patribus Guardiano Sacri Montis Sion , & Difcretis Terræ Sanctæ pro tempore præfentibus .

124. Eleemofynæ omnes , quæ ad Sancta Loca , ut fuprà tranfvehuntur , ip Arca fub tribus clavibus afſerventur , quarum una fit penes Patrem Guardianum Hjerofolymitanum pro tempore , altera penes Patrem Vicarium , tertia denique à Patre Procuratore detineatur ; quod decretum Pater Guardianus omnimodæ executioni demandari curet , fub pena fufpenſionis ab Officio in cafu inobſervantiæ per ipſum incurrenda .

125. Nullatenus in poſterum quacumque de caufa cuique pecunias , & mobilia Terræ Sanctæ diſtrahere , ſeu alienare , aut ædificia conſtruere , vel extra ordinarios ſumptus facere permittatur , abſque prævia approbatione ejuſdem Guardiani , & Diſcretorum pro tempore præfentium , ſeu faltem majoris partis .

126. Vicarius Guardiani Hjerofolymitani nominetur tantùm Vicarius Sacri Montis Sion , & nullo modo Vicarius Generalis appelletur , qui in functionibus , quæ fiunt conveniente Communitate Sancti Salvatoris , abſente , vel impedito P. Guardiano , præſideat , & præferatur , ipſeque tum in SS. Sepulcro prædictas functiones exequatur .

127. Præcedentiæ ordo inter Vicarium Montis Sion , & P. Procuratorem Generalem Terræ Sanctæ ſervetur ubique per Terram Sanctam , qui Hjerofolymis ſancitus eſt .

128. Pater Vicarius Montis Sion in Proceſſionibus procedat ante indutos Superpelliceis , etiam dum Patris Guardiani præſentia deſideratur .

129. Chori Moderatores S. Salvatoris , SS. Sepulcri , Nazareth , Bethleem , & Sancti Joannis in Montana , ſic ſucceſſivè in præfatis Conventibus permutentur , ut ſinguli inſerviant ſingulis faltem per unum annum ; Cumque ſexennium integrum in tali

Officio elaboraverint, fruantur in suis respectivè Provinciis privilegio illo, quod Moderatori annorum totidem Chori Ara-Celitani concessum est.

130. Prohibetur omnibus Religiosis, quicumque illi sint, sub pœna Excommunicationis majoris ipso facto incurrenda, necnon privationis perpetuè vocis activæ, & passivæ, ne ullo pacto, nec scilicet vendendo, nec permutando, nec alio quovis genere negotiationis agendo distrahere audeant, vel per se, vel per alios Coronas, Rosarios, & alias id genus Devotiones Hjerosolymę.

131. Spolia Defunctorum consistentia in Rosariis, Crucibus, aliisque hujusmodi Devotionibus, & omnia quęcumque alia, uti extracta fuerunt ex peculio Procurationis, ita non nisi eidem restituantur.

132. Pater Guardianus Terrę Sanctę non utatur facultatę, aut mittendi, aut vocandi ex Provinciis Fratres in Terram Sanctam, nisi Superiorem Generalem præmoneat de unoquoque ipsorum, ipsique permissio ab eodem concessa sit.

133. Extenditur Privilegium Commissariorum Terrę Sanctę existentium in Curiis Principum ad Procuratorem Generalem Terrę Sanctę Hjerosolymis commorantem, postquam hic expleverit illorum instar duodecim continuos annos suę Procurationis.

134. Pater Guardianus, & Pater Vicarius, & Pater Procurator teneantur respectivè Discretum eligere Nationis suę.

135. Ex unaquaque Commissione Terrę Sanctę non destinetur nisi unus Frater quantum fieri poterit ad Eleemosynas earumdem Hjerusalem transfuehendas.



PRO TERTIO ORDINE SÆCULARI.

136. Declarat Capitulum Generale illos omnes, qui in Civitate Sancti-Sebastiani Fluminis Januarii in Brasilia recipiunt habitum Tertii Ordinis S.P.N. Francisci independenter à Commissario Primi Ordinis ad id legitimè deputato, nec habendos esse, nec posse præfati Tertii Ordinis Professores, nec ullo pacto Indulgentiis, & Privilegiis gaudere posse veris tantùm. Alumnis ejus per Summos Pontifices impertitis, nec præstare aliud quidpiam, quod Professoribus veris concessum est: idemque Generale Capitulum injungit Patri Commissario Curiae, ut Sanctissimo supplicet pro confirmatione istius declarationis, inhærendo aliis Constitutionibus Apostolicis desuper emanatis, utque dignetur Sanctitas Sua innovare mandatum suorum Prædecessorum ad Congregationes præfati Tertii Ordinis Sæculares, de subjectione per ipsos Ministro Generali totius Ordinis, aliisque subalternis ejusdem Ordinis Superioribus in iis, quæ disposuerunt Summi Pontifices, exhibenda.

137. Commissarius Tertii Ordinis in Urbe degens, vel alius quicumque gerens ipsius vices non concedat consuetas Patentes litteras, nisi illis, qui vel de sua in Tertium Ordinem receptione testimonia ipsi authentica exhibebunt, vel proferent litteras validas obedientiales à Ministris Provincialibus sibi formiter expeditas.

*Ex Sacris Congregationibus.*

Mandato Sacræ Congregationis Disciplina Regularium præpositæ præcipitur Ministris Provinciarum Regularis Observantiæ constitutæ intrâ Italiam, & Insulas adjacentes, ut sedulam navent operam Disciplinae augendæ, & conservandæ, utque invigilent observantiæ puritatis Regulæ nostræ, necnon generalium

Confirmatum, & extensum per Bullam Innoc. XIII. -- Ordines & Congregationes &c. 23. Januarii 1724.

Impetrata fuit Bulla SS. D. N. Benedicti Papæ XIII. -- Paterna Sedis Apostolica &c. 4. Idus Decembr. 1725, luculentissime disponens de toto Tertio Ordine, quoad subjectionem ejus Superioribus Primi Ordinis.

ralium nostrarum Constitutionum, illarum præsertim, quæ pro Recollectionum Conventibus præscriptæ sunt, omniumque demum illarum Ordinationum, quæ Bulla sa: me: Innocentii XI. = *Militantis Ecclesiæ* &c. = expressè comprehenduntur.

Ejusdem Sacræ Congregationis auctoritate injungitur Ministris omnium Provinciarum Strictioris Observantiæ, ut quisquis in Provincia sibi credita omnino Conventus secessus erigat, idest Conventus, qui *di Ritiro* Italicè appellantur ad normam Epistolæ Encyclicæ quondam Patris à Montebuso, quæ per eandem Sacram Congregationem die 27. Maii anni 1708. approbata fuit in omnibus, & confirmata, assignaturque ipsis terminus mensium sex à publicatione istarum Constitutionum, ad mandandum executioni Decretum istud, docendamque authenticè præfatam Sacram Congregationem, quod re ipsa fuerit adimpletum.

Etiam jussu ejusdem Sacræ Congregationis præcipitur quoque Ministris Provinciarum omnium Regularis Observantiæ, ut similiter Conventus in Provinciis suis instituant ad hunc secessum, moneantque authenticè intra sex mensium terminum prædictam Sacram Congregationem, quod in talium Conventuum institutione reverà fuit obtemperatum.

Jubente Sacra Congregatione negotiis Episcoporum, & Regularium præposita ex mandato speciali SS. D. N. D. Innocentii PP. XIII. intimantur sequentia Statuta executioni omnimodæ demandanda.

I. In Fratres denarios, vel apud se quomodolibet retinentes, vel propriis manibus expedentes, innovantur pœnæ omnes, quæ per Capitula Generalia Aflif. 1354., Salm. 1553., & Vallif. 1593. fuerunt olim in ipsos determinatæ.

H. Siqua, vel Provincia, vel Domus, vel Bona immobilia, vel quodlibet aliud habeat fructum illicitum nobis ferens, sive ea connexa certa onera teneant, sive non, injungitur primum, ut ad formam

per Capitulum Victor. 1694. indictam ad perqui sit ionem, & abdicationem ipsorum illicò procedatur; tum præcipitur, ut abdicatio horum Bonorum nullis oneribus obligatorum, si primo legantium non adfit hæres, & commodè possit fieri, eo pacto mandetur executioni etiam apud nos, quo per Congregat. Tolet. 1583. Hispanis præcepta fuit; Sin minus tam horum Bonorum, quam aliorum certis oneribus connexorum, eo modo abdicatio fiat, qui præscriptus fuit per Congreg. Rom. 1603., quique per Sacram Congregationem particularem negotiis nostris à tel: rec: Urbano VIII., præpositam, & approbatus fuit die 14. Junii 1628., & fusius explicatus; ac demum jubetur ad mentem Capitulorum Generalium Genuen. 1302., & Allif. 1304. sub Excommunicationis majoris latæ sententiæ pœna tam Subditis, quam Superioribus Locorum, & Provinciæ, Superioribus quidem, ut exequantur tales abdicaciones, & quando, & quomodo præscribuntur; Subditis verò, ut moneant Superiorem Generalem, si quidpiam quoad abdicaciones hujusmodi, vel omitti resciverint à Superioribus, vel cæleri, qui etiam à Generali, cõstituto quod verè deliquerint, à suis muneribus deponantur.

III. Contra ludentes quamcumque rem, innovantur pœnæ, à Capitulo Generali 1374., & Aquil. 1495. olim præscriptæ, & quamvis ad levamen animi statis horis, atque temporibus ludi aliqui permittantur, observetur, quoad hoc ordinatio Capit. Vallis. 1593., & rem aliquam ludere vetitum semper sub pœnis prædictis intelligatur.

IV. Disponatur de Fratrum spoliis, prout à Capit. Tolet. 1606. sancitum fuit, & prout functionem hujus Capituli Congreg. Rom. 1679. pressius explicavit, ad quem effectum explicatio hujus Congregationis in Constitutionem perpetuam stabilitur, & sub pœnis quidem à prædictis Congregatione, & Capitulo constitutis, quæ sanè pœnæ, aliæque ad Superioris Generalis arbitrium imponendæ statuuntur in Superior-

periores illorum Conventuum, & Provinciarum, qui Fratrum Infirmorum spolia professioni nostræ non cohærentia, vel suis privatis usibus applicant, si decedunt, vel iterum ipsis Fratribus tribuunt, si convalescunt.

V. In substituentes pro arbitrato suo Syndicis Apostolicis alias Personas particulares, in quorum manibus pecunias fervent, innovantur pœnæ Congregat. Messanen. 1532., & Capit. Vallisfol. 1593.

VI. Quoniam observantia Regulæ nostræ plurimum ex eo pendet, quod per Superiores Locales necessaria Fratribus quoad vestitum, & victum subministrantur, statuuntur pœnæ in eosdem id non præstantes, & in Superiores Provinciales eas exigere negligentes, quæ per Generalia Capitula Vallisfol. 1593., Tolet. 1633., & 1682., & Victor. 1694. decretæ sunt.

VII. Charitas erga Infirmos in aliquibus Provinciis auditur ita refriguisse, ut ex hoc vel Seculares ipsi scandalum pati perhibeantur, ac proinde ad eliminandum pro viribus defectum adeo abominabilem renovantur contra ipsum Statuta omnia generalia. Assis. 1354. 1430. 1547., Salmat. 1553., Aquil. 1559., Neapol. 1590., Vallisfol. 1593., Tolet. 1633., & Victor. 1694., & strictè injungitur, ut pœnæ contentæ in illis mandentur executioni.

VIII. Renovantur Statuta omnia, & præsertim anni 1337. 1590., & 1593., de Officio Divino quoque die in unoquoque Conventu sanctissimè recitando disciplina Chori servata, & Fratribus omnibus ad ipsum convenientibus, prout iisdem Statutis pœnis etiam indictis præceptum est: nullum prorsus negotium, vel per totam Communitatem, vel per Fratres particulares, quod vel ante, vel post recitationem Officii commodè tractari possit, statis ad Officium horis sub quocumque pretextu assumi possit: Si quando in Officii horam incidat negotium aliquod, quod per Communitatem vel differri nequiverit, vel preveniri, tunc

tunc per eandem Officium Divinum devotione , qua-  
 convenit , vel antea omnino , vel postea celebretur :  
 omnibus , & singulis horis interesse omnes , & singu-  
 li adeo teneantur , ut dumtaxat Lectores , & Prædi-  
 catores , quo die legunt , & prædicant exempti sint ,  
 ut hi ipsi si notabiliter negligent interesse à suis etiam  
 muneribus absolvi possint , ut demum omnes , vel ha-  
 bitualibus morbis impediti , vel indevotionis contem-  
 ptu culpabiles notabiliter quoad hoc , ad nullum  
 prorsus Officium , & gradum Ordinis , vel deputari ,  
 vel suffragari , vel eligi valeant , sub nullitate Ele-  
 ctionum , Subrogationum , atque deputationum ,  
 quoad usque per duos continuos annos à notorio defe-  
 ctu Chorum , uti præmittitur , frequentaverint . Hanc  
 eandem inhabilitatem fortius adeant Superiores Con-  
 ventuum , qui culpabiliter præfatos defectus , vel in  
 tota Communitate , vel in aliquibus Fratribus aut  
 permiserint , aut dissimulaverint , ipsosque Superior  
 Provinciæ , etiam à superioritate , quam obtinent ,  
 extrudere teneatur , subiiciendus , & ipse pœnis ad  
 Superioris Generalis arbitrium , si adimplere negle-  
 xerit Statuta hæc ; quorum observantia cum primis  
 injungitur Patribus Visitatoribus , ut disciplina adeo  
 contingens de proximo cultum Dei , aut firmetur , aut  
 restituatur .

IX. Oratio mentalis quotidie in omni Conventu  
 ab omnibus habeatur , & quidem horis , modo , &  
 tempore per generalia Statuta prædefinitis , nempe  
 Salmant. 1553. , Parisiens. 1579. , Rom. 1587. , Nea-  
 pol. 1590. , Vallis. 1593. , Rom. 1600. , & 1612. , To-  
 let. 1633. , necnon sub pœnis in Superiores , & Sub-  
 ditos per eadem Statuta latis .

X. Quæ salubriter à majoribus nostris in Capitulis  
 Salmant. 1553. , Vallis. 1593. , Rom. 1603. , &  
 1612. de Silentio statis horis , & locis pulsando , &  
 observando mandata sunt , injungitur , ut in unoquo-  
 que Conventu , plenum effectum habeant , sub pœnis  
 arbitrariis quidem , sed omnino infligendis , & his  
 etiam

etiam gravibus quatenus opus fuerit ad licentiam oppositam compescendam, & Superiores Locales à Superioribus Provincialibus pro negligentia modo, prout disciplinæ congruere noverint, castigentur.

XI. Etsi Capitulum Vallisfol. 1593. congeffit multa, quæ in offerendo Sacrosancto Sacrificio Missæ devotionem simul injungerent, & inspirarent, commendantur adhuc modestia, & gravitas, quæ tantam actionem decent, quæque infra dimidium horæ nequaquam, ut convenit, impendi possunt, & præcipitur Superioribus primùm, ut sedulò invigilent huic rei, tum ut quos vel inconditè, vel celerius facere deprehenderint, pro prima vice disciplinæ per integrum Miserere subiiciant in plena Communitate, pro secunda in publica Refectione de genu in pane tantum, & aqua habeant, pro tertia utriusque correctioni prædictæ signa probationis adiiciant, nullatenus adimenda ipsis, donec stabilitè emendentur; & quatenus aliquis se adhuc præbeat incorrigibilem omninò à Sacris Altaribus arceatur, & suspendatur, & aliis servitiis applicetur; & de Patribus gravibus laborantibus de vitio isto Superiores Majores, ut omninò efficax remedium adhibeant per Superiores Locales admoneantur, & informentur, qui si desides fuerint in præmissorum adimplemento voce activa, & passiva sexennio careant, quin possint redintegrari.

XII. Qui equitaverint, bigaverint, quadrigaverint, vel sine probata necessitate, vel non servato in necessitate ipsa præscripto nostrarum Constitutionum, puniantur irremissibiliter prout iisdem injunctum fuit anno 1337. 1416. 1430. 1514. 1521. 1541. 1553. 1590. 1593., & prout etiam præceptum fuit per Apostolicas Constitutiones, & Superior Generalis illis iisdem, animadvertat in alios subalternos, qui vel in se, vel in aliis, aut foverint, aut neglexerint abusum hunc.

XIII. Calceamenta, & Caligæ, & quæcumque alia, vel Crurium, vel pedum operimenta eodem vigo-

vigore, & tenore affatim prohibentur, quo ipsis interdicitum fuit per Capitula Generalia Affif. 1526., Salmant. 1553., Vallifol. 1593., & Rom. 1603., & præcipitur, ut Constitutio fa: mem: Innocentii XI. = *Sollicitudo Pafioralis &c.* = quoad hoc, & alia omnia, quæ continet mandando, & declarando, adamuffim, & attendatur, & obfervetur.

XIV. Poenę in largitores munerum à fel: rec: Clemente VIII. in Constitutione fua, quæ incipit = *Religiofa Congregationes &c.* = quęque per Capitulum, Rom. 1600. Fratribus quoque accipientibus à Fratribus munera conftitutæ per Capit. item Rom. 1612. translatae etiam funt ad Fratres munera Fratribus impertientes, extendantur præfertim in Superiores Provinciarum, & in Commiffarios Vifitatores earum, fi denarios maximè, & à Guardianis maximè accipere non perhorrefcant, & Superior Generalis eas omninò ipsis infligere teneatur.

XV. Superiores Generales, qui denarios quomolibet contrectare, eofque vel apud fe, vel in Conventu, vel alibi retinere, aut contractus emendo, vendendo, commutando facere aufi fuerint, vel aliud quidpiam, vel per alios, vel per fe ipfos exequi, quod tantum per Syndicos Apoftolicos præftandum eft, aut fe folis determinare rem aliquam, pro qua aut confilium, aut confenfum, vel Difcretorii Conventus, vel Diffinitorii Provinciae attendere adiguntur, poenis afficiantur per Constitutiones Apoftolicas, & Statuta Ordinis in ipfos latis, & in perpetuum voce activa, & paffiva privari poffint.

XVI. Quæ de Concionatorum ftipendiis non modo per Ordinis Constitutiones, fed per Concilium, ipfum Tridentinum, & per Summos Pontifices Clementem, & Urbanum VIII., poenis etiam taxatis in transgreffores fancita funt, adedò intimantur, ut fi qui Miniſtri Provinciales approprient fibi partem talium ftipendorum, & partem eorundem relinquunt Concionatoribus ipsis appropriatam, iifdem poenis,

quibus tunc Concionatores ipsi obnoxii sunt, Ministri quoque subiiciantur.

XVII. Præcipitur eisdem Superioribus Provinciarum, ut Bullam fel: rec: Urbani VIII. de restituendo candore, præsertim quoad cibum, & potum ipsi cum primis servant, utque proinde nulla Promptuaria ciborum reposita sibi habeant, unde hanc disciplinam opere in se ipsis, & scandalo in aliis labefactent; qui autem in utroque, aut in altero culpabiles se præbuerint, taxatas ibi à Summo Pontifice pœnas luant, quas etiam dent alii quocumque gradu polleant præfatum Bullam non observantes, Superioresque Locales, qui non eundem victum, & sibi, & aliis administraverint.

XVIII. Visitatio Cellarum in menses singulos Superioribus Localibus in iuncta à Rom. Capitulis 1625., & 1676. mandetur executioni duobus Discretis adhibitis, & ministrando necessarias res, sicut etiam superfluas auferendò, & qui Superior omiserit tertium obire ipsam, & vel superflua tollere, vel necessaria addere non curaverit, det pœnam à Congregatione Rom. 1615. in ipsum latam, fatagantque Ministri, & Commissarii Visitatores inquirere, an Superiores Locales huic Statuto obtemperaverint, visitentque Cellas, & ipsi ad præscriptum Capituli Generalis Rom. 1571. Neapol. 1590., Vallisfol. 1593., & Rom. 1612., ut emendent si quid à Superiore Locali neglectum fuit, & ut exigant pœnas in ejus desidiam præstitutas.

XIX. Cum pecunia quam maximè per Regulam nostram explosa sit, atque in ipsam omnia ferè Generalia Capitula conclamaverint, statuitur, ut quicumque Superior eam Subditos suos professos, vel non professos mendicare aut iusserit, aut permiserit, aut dissimulaverit, ipse quidem à superioritate, quam obtinet, illicò deponatur, & vocis active, ac passive privatione, atque inhabilitate perpetua condemnatur, Subditi verò si professi sunt, Proprietariis pœnam



nam inflictam luant, & si professi non sunt à consortio nostro perpetuùm amendantur.

XX. Qui plures quam duas tunicas, vel plusquam unum Caputium habuerit extra Communitatem Conventus ad usum suum, si ad id Superioris permisso expresso, veraque careat necessitate, statim privetur ipsis, & ad ejusdem Superioris arbitrium puniatur. Si autem vera necessitate adactus expressa tantum careat facultate, prout id vel incogitantia, vel contumacia fecerit, vel secreto, vel palam corripiatur.

XXI. Intimantur prohibitiones, quæ ordinatæ fuerunt etiam, atque etiam, & præsertim à Capitulo Victorienfi 1694. thoracium, subucularum, induffiorum, aliorumque omnium id genus indumentorum, & præcipitur ut eadem Sanctio Victorienfis non quoad substantiam modò, verum etiam, quoad cautelas, & pœnas mandetur executioni, & similiter quod statuit F. R. Nicolaus III. contra non dormientes cum habitu non sibi concessa licentia per Medicum, & Superiorem.

XXII. Computus exigant ab Aromatariis Superiores Locales, & Provinciales prout à Capitulo Tollet. 1606. pœnis etiam in obluflantes conscriptis statutum fuit; & si quis pharmaca venderè contra præscriptum Sacræ Congregationis particularis præpositæ negotiis nostris 14. Junii 1628., aut etiam capsulas ad nummos vel accipiendos, vel asservandos contra statutum Congregationis Romanæ 1615. ausus fuerit retinere, det Superiori locali pœnas ab eadem Congregatione assignatas, & Commissarii Visitatores perquirant quo pacto Aromataria fuerint administrata, atque in Superiores tam locales, quam Provinciales, qui indormierint defectibus istis, severè animadvertant.

XXIII. Cum habere capsulas apud nos ad Eleemosynas Missarum recipiendas non modo per Congreg. Affis. 1526. vetitum prorsus fuerit, sed eatenus non

probaverit Capit. Rom. 1700. ut supplicari præceperit, ne per Bullam novissimam Innocentianam ad eam habendam coarctaremur, cumque rogata Sacra Congregatio Concilij, an, & quomodo Minores Observantes valeant retinere capsulas pro Missis celebrandis ad 7. Julii 1708. responderit negativè; injungitur Superioribus localibus ne hujusmodi Capsulas, vel in Sacrario, vel alibi audeant constituere, & contrafacientes pænæ se noverint subiectos esse, quæ in Statutorum compilatione edita Anno 1694. nominè statutorum Vallisöl. 1593. hic pluries usurpata in ipsos sancita est.

XXIV. Visitationes Conventuum, & Provinciarum inculcatur, ut methodo, & zelo fiant, qui præsertim per Constitutiones Assis. 1443. Salmat. 1553., & Vallisöl. 1593. præscriptus fuit; quod quidem maximum Disciplinæ Regularis momentum ut maximè instauretur, Ministri Provinciales, qui authenticè remedia defectibus in Visitationibus non applicaverint, vel audito ea successum non habuisse Superiores Locales non castigaverint, a Superioribus, & Visitatoribus Generalibus adeo puniantur, ut pro negligentia modo etiam deponi possint; Commissarii autem Visitatores, qui pariter in forma probante defectus tollere non curaverint, & Superiorem Generalem minutim de Provinciæ statu, decretisque in visitatione à se factis non admonuerint, Regestumque de omnibus ipsis ad novi Diffinitorii notitiam non reformaverint, nec eligi ad propriæ Provinciæ Ministerium, nec ad alterius Visitationem transmitti unquam ulterius possint.

XXV. Præferre in omnibus Ædes nostras pauperum debere, quod ab usque Capit. Assis. 1219. fuit injunctum, & commendatum, in memoriam revocatur etiam nunc, ut ubique, & ab omnibus impleatur, & signanter præcipitur Guardianis, Ministris, atque Visitatoribus, ut Ædificia publica, quæ Paupertatem, & simplicitatem nostram Seraphicam non

præferunt, omninò reforment prout à Capit. Aſſis.  
1304. Statutum fuit addita in Auctorem ipſorum pri-  
vacione actuum legitimorum. Injungitur etiam, ut  
nullæ privatæ Fratrum habitationes, vel pluribus  
conſtent Cellis, vel aliquo uno ſpatio in plures Cel-  
las commode diviſibili, magiſque, ut neque mar-  
moratis, neque picturis ornatae ſint, neque alia ulla  
ſtructura, vel re noſtræ contraria humilitati, & præ-  
cipitur per Sanctam Obedientiam tam Subditis, quam  
Superioribus antedictis, ut in præmiſſis omnibus ap-  
ponant ſtatim remedium permanens, & opportunum,  
cui ſi Subditi mediatè, vel immediatè reſtiterint,  
iſo facto excommunicationem incurrant abſque ul-  
teriori alia declaratione, & ſi Superiores defuerint, &  
irremiſſibilitè, & gradatim ad aliorum majorum,  
arbitrium puniantur.

XXVI. Si quis (quod abſit) adedò immemor ſuæ  
Professionis extiterit, ut mediatè, vel immediatè  
exerceat mercaturam, incurrat iſo facto pœnam ex-  
communicationis majoris, à qua, donec non ſe reve-  
ra correxerit, per neminem abſolvi poſſit, & nihi-  
lominus ſi citra notabile ſcandalum inſtitui cauſa in  
iſtum queat, proprietarii pœnam luat ſine ulla diſpen-  
ſatione, aut diminutione, vociſque active, ac paſſi-  
væ damnetur perpetua privacione.

XXVII. Provinciæ, in quibus Lanificia extant ad  
conſciendum pannum pro induendis Fratribus ſuis,  
permittuntur dumtaxat erogare aliis Provinciis eun-  
dem pannum, in quibus ad prædictum effectum La-  
nificia huiusmodi non exiſtunt, ſicuti & Novitiis ſuis  
ad habitum Ordinis admittendis, cavendo in utro-  
que caſu, ne tales erogationes quæſtum redoleant,  
mercaturamque, ne Eleemoſynæ pecuniariæ ab aliis,  
quam à Syndicis Apoſtolicis tractentur, aut recipian-  
tur; ne demum pannum diſtrahant in Fratres, ſive  
Profefſos, ſive Novitios aliarum Provinciarum, quæ  
& ipſæ Lanificiis ſuis inſtructæ ſint, & Deputati La-  
nificiorum, qui contraſecerint, deponantur à ta-

si deputatione nunquam amplius in ipsam restituenti.

XXVIII. Omnibus autem Provinciis districtè injungitur ne pannum in Fratrum usum elaboratum sub quocumque pretextu directè vendere audeant Sæcularibus, fortiusque ne alium cujuscumque generis pannum fabricent in Sæculares, vel alios alienandum. Qui Ministri permittendo, jubendo, dissimulando in abusus consenserint adeò detestabiles, districtè puniantur à Superiore Generali usque ad depositionem ipsorum, si opus fuerit, & qui deputati ad Lanificia curanda, in aliquo eorum culpabiles apprehendentur, actibus legitimis, ad quos rehabilitari non possint, decennio careant, & inhabiles perpetuò sint ad exercendam eandem deputationem. Visitatorum autem sit disquirere sedulò omnia hæc, & præsertim qua æquitate, & fidelitate Lanificiorum negotium administraretur, ut de Provinciæ discretorum consilio melius ipsum instituant, si æquitas minor sit, utque in reos omnes ad pœnam Proprietariorum procedant, si fortassis fidelitas desideretur, etiam aggravando juxtà modum hujus delicti eandem pœnam, eamque infligendo etiam Ministris actualibus, & Patribus gravibus, non quoad Carceres, sed quoad privationem actuum legitimorum, si hujus criminis vel rei, vel complices apprehendantur.

XXIX. Breve, quod incipit, *Admonemur Pastoralis Officii* editum à F. R. Urbano VIII. contra Procurantes favoribus Officia Ordinis, intimatur iterum prout à Cap. Rom. 1700. fuerat intimatum, & injungitur publicari, & servari prout ab eodem Capitulo junctum fuit, & extenduntur prohibitiones, & pœnæ constitutæ in ipso etiam ad procurantes favoribus ibi vetitis Officium Visitationis.

XXX. Renovantur Statuta Assis. 1526., & 1547. nec non Salmat. 1553., & Vallisfol. 1593. de Carceribus in unaquaque Provincia extruendis, iisque pluribus, vel paucioribus prout necessitas postulabit,

qui

qui tamen cum ad eorundem Statutorum præscriptum debeant humani esse, præcipitur, ne subterranei sint, aut luce penitus destituti; & si qui tales usquam inveniuntur, vel reducantur ad formam hanc, vel aliis excitatis, qui ferri possunt, penitus deferantur.

XXXI. Quoad suspensiones, privationes, aliasque pœnas, & præsertim, carceribus mancipationes servetur præscriptum Generalium nostrarum Constitutionum, & Superiores in his aliter procedentes pœnis, & ipsi subsint, quæ contra malè punientes à Constitutionibus ipsis taxatæ sunt.

*Defunctorum numerus à postremo  
Capitulo Generali.*

In Ultramontana Familia obierunt in Domino Fratres 26971., Sanctimonialia verò 14114., & in Familia Cismontana Fratres 16854., Sanctimonialia autem 3055.: atque adeo omnes Fratres defuncti sunt 43825., & Sanctimonialia 17169.

*Sequuntur Suffragia.*

Pro Sanctissimo Domino Nostro Innocentio Papa XIII., ejusque ad multos annos incolumi sospitate, ultra preces jam statutas à Nobis, & ab eodem Apostolicis literis confirmatas, singuli Sacerdotes tres Missas legant.

Pro omnibus Principibus Christianis Ordinem nostrum in Ditionibus suis tuentibus, & promoventibus, singuli Sacerdotes legant similiter Missas tres.

Pro Eminentissimo & Reverendissimo Domino D. Laurentio Cardinali Corsino apud Sanctam Sedem Ordinis Protectore, unusquisque Sacerdos recitet unam Missam.

Pro Eminentissima Congregatione Dominorum  
Car-

Cardinalium una Missa legatur à quolibet Sacerdote.

Pro Excellentissima Familia de Comitibus Ordini nostro impensè addicta quisque Sacerdos recitet Missam unam.

Pro Excellentissimo Comite de Chinchon, cujus beneficentia expensæ pro Generali Capitulo fuerunt factæ, Sacerdotes omnes celebrent unam Missam.

Pro felici statu nostræ Seraphicæ Religionis, & Apostolici Ordinis Prædicatorum, duæ Missæ à Sacerdotibus omnibus recitentur.

Pro pace inter Principes Christianos, extirpatione Hæresum, Fidei propagatione, victoria contra Infideles, & Ecclesiastici Ordinis prosperitate, duæ Missæ legantur à quolibet Sacerdote.

*Ita est.*

Fr. Laurentius à S. Laurentio Minister Generalis.

Fr. Joseph Garzia ex Minister Generalis.

Fr. Joannes de Soto Commissarius Generalis, & Indiarum.

Fr.

Fr. Joannes à Petrasitta ex Vice-Commissarius Generalis Reformatorum,

Fr. Cherubinus à Nardo ex Commissarius Generalis.

Fr. Deodatus à Roma ex V. Commissarius Reformatorum.

Fr. Joannes Cosimus à Monte Miniano ex Vice-Commissarius Generalis.

Fr. Antonius Blanch Discretus perpetuus Ordinis.

Fr. Matthæus à Pareta Procurator Generalis Ordinis.

Fr. Hyacinthus Serrat Commissarius Generalis Curia.

Fr. Be-

Fr. Benedictus à Castro Arquato Procurator Generalis Reformatorum .

Fr. Joannes Diaz à Conceptione Procurator Generalis Discalceatorum , & Recollectorum .

Fr. Bartholomæus de Vulfinio Diffinitor Generalis .

Fr. Carolus à Corleto Diffinitor Generalis .

Fr. Gabriel Maria de Venetiis Diffinitor Generalis .

Fr. Seraphinus à Sancto Fratello Diffinitor Generalis .

Fr. Joannes Benedictus de Sarzana Diffinitor Generalis .

Fr. Andreas Pordanes Diffinitor Generalis .

Fr. Michael Angelus à Gallipoli Diffinitor Generalis .

Fr. Hilarius Maria à Ragusio Diffinitor Generalis .

Fr. Albericus Balbiano Diffinitor Generalis .

Fr. Saturninus Dirop Diffinitor Generalis .

Fr. Antonius Duro Diffinitor Generalis .

Fr. Carolus Bourget Diffinitor Generalis .

Fr. Emmanuel à Remediis Diffinitor Generalis .

Fr. Franciscus Delamar Diffinitor Generalis .

Fr. Thomas Montalbo Diffinitor Generalis .

Fr. Michael Mosterz Diffinitor Generalis .

Fr. Joannes Salazar Diffinitor Generalis .

Fr. Petrus Poisson Diffinitor Generalis .

Fr. Joseph à S. Theresia Diffinitor Generalis .

Ita est Fr. Joannes Franciscus à Sorexina  
Diffinitor Generalis Secretarius .

Supremo Sanctissimi D.N. Benedicti Divina Providentia Pape XIII. imperio parendo supradicta Statuta totius Ordinis Minorum à Celebrissimo Capitulo Generali Romano anno 1723. Præsidente san. mem. Innocentio XIII. condita , ea , qua potuimus sedulitate , & accurato studio perlustravimus , omniaque

in illis contenta nedum Seraphici Patriarchæ Regulis uniformia, & consentanea recognovimus, verum etiam maximam universo, publicoque Ordinis bono, recto Provinciarum Regimini, ac exoptato Fratrum omnium profectui utilitatem allaturâ fore censemus, proindeque, quatenus eidem Sanctissimo Domino Nostro placuerit, confirmationis Apostolicæ ob solemnitates rigoroſe forſan non adhibitas robur elargiendum fore credimus. Datum Romæ hac die 18. Decembris 1728.

L. Cardinalis Corsinus Protector.

F. Laurentius Cardinalis Cozza.

BENEDICTUS PP. XIII.

*Ad perpetuam rei memoriam.*

**A**D pastoralis Dignitatis fastigium meritis licet imparibus, divina dispositione evecti, illa, quæ pro felici, prosperoque Religiosorum Ordinum uberes bonorum operum fructus in Ecclesia Dei assidue proferre satagentium gubernio, & progressu providè constituta, & ordinata esse noscuntur, ut firma semper, atque inviolabilia persistant, Apostolici muniminis nostri patrocinio, cum id à Nobis petitur, libenter constabilimus. Exponi siquidem nobis nuper fecit dilectus filius Josephus Maria ab Eborâ Procurator Generalis Ordinis Fratrum Minorum Sancti Francisci de Observantia nuncupatorum, quod pro salubri totius Ordinis hujusmodi illiusque Fratrum, regimine, & directione diversæ Constitutiones in Capitulo Generali ipsius Ordinis novissimè, videlicet anno MDCCXXIII. in hac Alma Urbe celebrato, cui fel. rec. Innocentius PP. XIII. prædecessor noster præſedit; editæ, ac subinde jussu nostro à  
Vene-



Venerabili Fratrem nostro Laurentio Episcopo Tusculano Corsino, Ordinis præfati apud nos, & Sedem Apostolicam Protectore, & bon. mem. Laurentio Cozza, dum viveret S. R. E. Cardinalibus nuncuparis revisse, ac per eos in meliorem, clarioremque formam redactę fuerunt. Cum autem, sicut eadem expositio subungebat, prædictus Josephus Maria, Procurator Generalis illas pro firmiori earum subsistentia, exactiorique observatione Apostolicę Confirmationis nostrę præsidio communiti summopere, desideret. Nos ipsius Josephi Marię Procuratoris Generalis votis hac in re, quantum cum Domino possumus, favorabiliter annuere volentes, eumque à quibusvis excommunicationis, suspensionis, & interdicti, aliisque Ecclesiasticis Sententiis, Censuris, & pænis, à Jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, Constitutiones præfatas in iis tantum, quę Sacris Canonibus, Concilii Tridentini Decretis, Constitutionibusque, & Ordinationibus Apostolicis, præsertim Reformationem dicti Ordinis, illiusque Fratres Reformatos, seu Recollectos, vel Discalceatos nuncupatos quomodolibet concernentibus, & quandocumque editis non adversantur, auctoritate Apostolica tenore præsentium confirmamus, & approbamus, illisque inviolabilis Apostolicę firmitatis robur adiicimus, ac omnes, & singulos Juris, & facti defectus, si qui desuper quomodolibet intervenerint, supplemus. Decernentes easdem præsentis literas, ac Constitutiones, ut præfertur, semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit plenissime suffragari, & ab eis respectivè inviolabiliter observari; Sicque in præmissis

per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari. In contrarium facientibus non obstantibus quibuscumque. Datum Beneventi sub annulo Piscatoris die secunda Maii MDCCXXIX. Pontificatus Nostri Anno Quinto.

F. Cardinalis Oliverius .



CONSTITUTIONES

P E R C E L E B R I S

CAPITULI GENERALIS

Totius Ordinis Fratrum Minorum

C E L E B R A T I

*In Vigilia Sacri Festi Pentecostes,*

Juxta Præscriptum Seraphicæ Regulæ

S. P. N. F R A N C I S C I

*Anno 1729. die 4. Junii in Conventu  
S. Angeli Mediolani.*

CONSTITUTIONES

FRANCICAE

CAPITULI GENERALIS

IN ANNO DOMINI MDCCLXXII

IN URBE

ROMANA

IN PALATIO APPOSTOLICO

SAEPISSIMO

IN CONGREGATIONE

SECRETARII



IN DEI NOMINE AMEN.

*Hec est Tabula celeberrimi Capituli Generalis  
totius Ordinis Fratrum Minorum celebrati  
in Conventu S. Angeli Mediolani in  
Vigilia Pentecostes anno 1729.  
die 4. Iunii.*



LAPSO sexennio ab novissimo Capitulo Generali, cum, Reverendissimo Patre Fr. Laurentio à S. Laurentio totius Ordinis Ministro Generali infra quartum gubernii sui annum ad apicem Cardinalatus evecto, ex speciali dispositione Sanctissimi Domini

Nostri BENEDICTI Papæ XIII. per suffragia Patrum, & Discretorum Ordinis Romæ commorantium in Vicarium Generalem assumptus fuisset, & successivè ex Pontificio Rescripto Ministri Generalis titulo insignitus Reverendissimus Pater Fr. Matthæus à Pareta Lector Jubilatus, Provinciæ Observantium Terræ laboris Ex-Minister, & in Romana Curia Procurator Generalis actualis, suffecto in idem Procuratoris Generalis Officium Adm. Rev. P. Fr. Josepho Maria ab Eboræ Secretario Generali Ordinis: in hoc demum Generali Capitulo ( quod quidem juxtâ Sanctionem Capituli  
Ro-

Romani 1723. Bononiæ celebrandum erat, rationabilibus tamen de causis cum placito Sedis Apostolicæ in hac perampla Civitate coactum est) præside eodem Reverendissimo P. Matthæo de Pareta Generali Ministro ex speciali dignatione Sanctissimi, qui quantum etiam ad præsentiam hanc pro sua in pusillum gregem nostrum verè mirifica benignitate, omissa alia deputatione, Constitutionibus Ordinis locum fecit, conspirantibus omnium suffragiis in Ministrum Generalem totius Ordinis S. P. N. FRANCISCI ritè, & canonicè electus est Reverendissimus Pater Fr. Joannes de Soto Provinciæ Regularis Observantiæ Immaculatæ Conceptionis Lector Jubilatus, Ex-Secretarius Generalis Ordinis, ejusdemque Ex-Procurator Generalis, & Familiæ Ultramontanæ, ac Indiarum Commissarius Generalis actualis.

*Commissarius Generalis Familiæ Cismontana.*

Reverendissimus P. Fr. Franciscus à S. Severino Lector Emeritus, Ex-Procurator Generalis Reformatorum, & Minister actualis Provinciæ Principatus.

*Pater utriusque Familiæ.*

Reverendissimus P. Fr. Matthæus à Pareta Lector Jubilatus, & Ordinis Ex-Minister Generalis immediatus.

*Procurator Generalis Ordinis.*

A. R. P. Fr. Bernardus Monverde actualis Minister Provinciæ Aragoniæ Observantium.

*Commissarius Generalis in Romana Curia.*

Reverendissimus P. Fr. Joseph Maria ab Eboræ Provinciæ Romanæ Observantium Lector Jubilatus, Ex-Procurator Generalis immediatus, Congregationis  
Con-

Confistorialis, & Supremæ, atque Generalis Inquisitionis Consultor.

*Procurator Generalis Reformatorum.*

A. R. P. Fr. Fulvius à Bononia Provinciæ Bononiensis Reformatorum Lector Emeritus.

*Procurator Generalis Excalceatorum,  
& Recollectorum.*

A. R. P. Fr. Gildaldus Dulfos Provinciæ Sancti Andreae in Belgio Custos.

*Diffinitores Generales Ultramontani.*

A. R. P. Fr. Joannes Lasso Lector Jubilatus, Provinciæ Bethicæ Observantium Ex-Minister, & Custos.

A. R. P. Fr. Petrus Polo Lector Jubilatus Provinciæ Valentiaë Observantium Ex-Minister, & Custos.

A. R. P. Fr. Vincentius Zendra Lector Theologus, & Minister Provinciæ Excalceatorum S. Jo: Baptistæ.

A. R. P. Fr. Godifredus Stave Minister Provinciæ Recollectorum S. Crucis in Saxonia.

A. R. P. Fr. Andreas Augustinus Bondet Doctor Sorbonicus, & Magni Conventus Parisiensis Guardianus.

A. R. P. Fr. Albertus Couñac Minister Provinciæ Aquitaniæ inferioris.

A. R. P. Fr. Chryfogonus Castien tertio Minister Provinciæ Recollectorum Immaculatæ Conceptionis in Gallia.

A. R. P. Fr. Romuldus Vandemale Lector Jubilatus, & Minister Provinciæ Recollectorum Germaniæ inferioris.

A. R. P. Fr. Fernandus à Sancto Antonio Lector Theologus, & Minister Provinciæ Immaculatæ Conceptionis Discalceatorum in Brasylia.

A. R. P. Fr. Andreas Cavallo Minister Provinciæ  
Tertii Ordinis in Bethica .

*Diffinitores Generales Cismontani .*

A. R. P. Fr. Matthæus de Atina Lector Jubilatus,  
& Provinciæ Terræ laboris Observantium Ex-Mi-  
nister .

A. R. P. Fr. Joannes Maria de Augusta Lector Ju-  
bilatus, & Provinciæ Observantium Vallis Netti Ex-  
Minister, & Custos .

A. R. P. Fr. Joannes Jacobus de Vallico Provinciæ  
Romanæ Observantium Lector Jubilatus, Ex-Secreta-  
rius Generalis Ordinis .

A. R. P. Fr. Camillus de Breno Lector Theologus,  
& Minister Provinciæ Brixix Observantium .

A. R. P. Fr. Cherubinus de Capriata Lector Jubi-  
latus, & Provinciæ Observantium Genuæ Minister .

A. R. P. Fr. Joannes Capistranus Jovenski Lector  
Jubilatus, & Provinciæ Observantium Poloniae Majo-  
ris Ex-Minister & Custos .

A. R. P. Fr. Franciscus Maria Spinelli Provinciæ  
Reformatorum S. Angeli Ex-Minister, & Ex-Secreta-  
rius Generalis .

A. R. P. Fr. Caròlus Maria de Novocomo Lector  
Emeritus, Ex-Minister, & Custos Provinciæ Medio-  
lani Reformatorum .

A. R. P. Fr. Gentilis à Nicça Lector Emeritus,  
Ex-Minister & Custos Provinciæ S. Thomæ Reforma-  
torum .

A. R. P. Fr. Crescentius Krisper Lector Emeritus,  
& Provinciæ Reformatorum Austriæ Minister .

*Guardianus Hierosolymitanus .*

A. R. P. Fr. Aloysius à S. Angelo Lector Jubila-  
tus, & Provinciæ Principatus Observantium Ex-Mi-  
nister .

Ante-



91

Antequam hæc Typis mandarentur, è vivis sublat-  
tus est Adm. Rev. P. Fr. Franciscus Maria Spinelli:  
Cumque ob ejus surrogationem quæstiones oriri præ-  
viderentur, Sanctitas Sua, ut iis locum præcluderet,  
surrogandum censuit in Diffinitorem Generalem, prout  
per suum Breve surrogavit, & surrogatum declaravit  
Adm. R. P. Fr. Bernardinum à Pisticio Lectorem Eme-  
ritum, & Ex-Ministrum Provinciæ Basilicatæ Refor-  
matorum.

FR. JOANNES DE SOTO  
Lector Jubilatus,  
Catholicæ Majestatis pro Regali  
Immaculatæ Conceptionis  
Congressu Theologus,  
ac  
Totius Ordinis Fratrum Minorum  
Minister Generalis,  
& Servus, &c.

*Omnibus Fratribus, & Monialibus, Prælati, ac Subditis  
nostræ curæ, & jurisdictioni ubique gentium  
commis, & subjectis, utramque salutem  
in eo, qui est vera salus, &  
plenam in Spiritu Sancto  
consolationem.*

Monituri vos, dilectissimi Fratres, de electione  
nostra in Ministrum Generalem totius Ordinis Fra-  
trum Minorum communi, ac unanimi consensu Voca-  
lium ex toto Terrarum Orbe confluentium facta in  
Capitulo Generali Mediolani celebrato in Vigilia Pen-  
tecostes præsentis anni juxta Seraphicæ Regulæ nostræ  
prescriptum, illud in primis à Vobis efflagitandum  
duximus, ut qui nos inter tot præclarissimos Viros, de

Religione optimè meritos, eximiis, & virtutum, & sapientiæ ornamentis affatim cumulatos, ad tantum munus, & onus extulistis, vires pariter auxilii vestri ad ipsum comportandum admoveatis, quam diligentissimè. Id quo eo operosius à vobis impensum iri certè confidimus, quo studiosius sincerè pensitamus non tam favorem arbitrii, quam confidentiam iudicii vestri, quo tenuitatem nostram tanto oneri, ac honori idoneam potissimum iudicastis.

Ut autem apertius os nostrum pateat ad vos, & cor nostrum dilatetur, Sanctissimi Antecessoris nostri D. Bonaventuræ verba in sua Pastoralis Epistola Vobis subicere veriùs cogimur, iidem compellamus ingenui animi omnimoda sinceritate: *Sarcinæ gravi, & quasi importabili humeros supposuimus imbecilles, sperantes de adiutorio virtutis omnipotentis, & confidentes de adminiculo vestræ sollicitudinis in idipsum. Nam etsi sit impossibile quantumcumque forti, industrio, & experto totam tanti oneris sarcinam suis humeris bajulare; Si tamen divisa in partes, & humeris imposita diversorum viriliter à quolibet portetur, non est quantumcumque debili Capiti horrore quodam rei insolitæ desperandum.* Certè quidem multa fiducia nobis est in vobis, nec aliam, quam de suis Subditis quondam jure merito præsumebat idem Sanctissimus Præsul, modo Nos de Vobis fidenti animo concipimus, & ob easdem, *& zeli vivacitatem, & sollicitudinem, & industriam* multis jam dudum nobis comprobatis argumentis, quod nimirum *prompti sitis ad extirpanda mala, promovenda bona, fovenda debilia, & fortia conservanda.*

Modo autem nostra clavum regiminis Seraphicæ, & amplissimæ tantæ Fraternitatis tenentium potissimum interest, & vestrum auxilium enixius, impensiusque implorare, & sollicitudinem vestram vehementius commonere, ut super oves curæ vestræ concreditas sedulò invigiletis, excubiasque pervigiles agatis, injuncti Officii ministerium implentes in omnibus, assidue laborando cum obsecrationibus, tum increpa-

tionibus, in omni patientia, & doctrina, tum in primis operum exemplis, & factis desides, & pigrescentes primum excitando, & paternè admonendo; à bono verò opere torpentes, cum opus fuerit, arguendo cum imperio, ut refecatis sentibus, culta undique revirescat Religionis hæreditas, species illa plagiferi Jacob P. N. Francisci, quam singulariter dilexit Deus, ac foetu novæ Sanctitatis Prolis quotidie mirificè multiplicat, & apprimè exornat. Ea propter cavendum vobis præfertim est, nè ob segenem diligentiam, & curam, aut ob minùs sedulam vigilantiam, vestram in Pomorum custodiam positam, velut olim Hierusalem, se derelictam ingemiscat, aut minus cultam, & sylvescentem deploret. Idcirco vestrum est, ut pervicaces, & obstinati omninò compescantur, & sylvescentes herbæ penitùs eradicentur à florentissimo Religionis Viridario, ne immista malorum obscuritas fulgentissimam Ordinis claritatem obtenebret, aut insicere valeat. Nec minus vestri muneris est, totis viribus fovere, & juvare eos, qui promissa in Regula examussim servantes Dei opus in Religione faciunt, quin etiam eo unanimitatis studio super eos ad eximium laborem instare debetis, quo olim *Filii Juda quasi vir unus instabant super eos, qui faciebant opus in Templum Dei*: Ut magisterio vestro copiosiores ad Dominum ascensiones in cordibus suis disponant, & ad fastigium perfectionis ascendant, præstito juvamine, & adjutorio vestro.

Sanè quasi vir unus in commune Religionis bonum perficiendum tunc instare meritò judicabimur, cum in primis charitatis vinculis perfectè uniti, fraternam charitatis non fictæ pacem studiosè inquiremus, firmiter insequemur, & si fortè fugiat, velociter persequemur juxta Davidicum monitum; cum sine illa, nec religio firma subsistet, nec ullum diù perstabit spirituale ædificium. Unde commonere vos, & obsecrare cum Apostolo Paulo compellimur, *ut nulla sint in vobis schismata, sed sitis perfecti in eodem sensu,*

& in

*& in eadem sententia, & supportantes invicem in charitate solliciti sitis servare unioem in vinculo pacis.*

Etenim verò cum pax Christiana belligeratrix esse debeat, ut veram pacem in Religione servetis, fictam diaboli pacem è medio tollere studete, perpetuum bellum fortiter gerentes, & gladio strenuè pugnantes contra Leviathan illud, *cujus corpus quasi scuta fusilia, & compactum squammis se prementibus*, graphicè designat ex D. Bernardo cohærentium nexum, & unitatem aliquorum Fratrum tepidè, & remisè conversantium, quibus si quid honestatis, aut insigne cujusdam consuetudinis persuadere velis, promptiores sunt majori dispendio, ac difficultate graviore resistere, quam facili compendio assequi, quod rectum esse constiterit.

Profectò Nobis, qui Apostolicam vivendi formam ex regula profiteamur exactiùs servandam, potissimùm incumbit, ut per bona opera proximis nostris lucis exempla monstremus, *providentes bona, ut monet Apost. non solum coram Deo, sed etiam coram hominibus*. Id quod eò vigilantius, & operosius observabimus, quo reverentius, & formidolosius memoria recalemus fædus illud initum, & commercium celebratum inter Fratres nostros, & Mundum, testante, ac indubiam fidem faciente SS. P. N. Seraphico, ut nimirum, *quando ipsi retraxerint bonum exemplum, fide mentita, retrahet mundus manus, justa censura*. Certè sanè metuenda nimis est maledictio, quam Seraphicus Patriarcha noster imprecatur fædifragis, & iis qui suo malo exemplo confundunt, ac destruunt, quod per Sanctos Fratres huius Ordinis Deus edificavit, & edificare non cessat.

Cum scientia pariter ad Religionis decorem exitium, & vocationis nostræ munus adimplendum, necessaria, nedum utilis, potculdubio censenda sit, omni prorsus diligentia curandum est, ne ullo modo langueant, quinimò vernantissimè floreat, & accuratissimè excolantur earum litterarum studia, quæ &  
viros

viros Religiosos apprimè decent, & ad populorum instructionem, Fideliumque Spiritualem directionem, nec non Ecclesię Catholicę defensionem, ac hęresum confutationem necessaria sunt. Hęc enim, dum Sanctę orationis, & devotionis Spiritum Fratres non extinguant, nedum non à Seraphicę Regulę nostrę amussi defiscere noscuntur, quin potius vocationi nostrę cęlitus inspiratę prorsus consentanea jure censentur, & necessaria. Quapropter ea omnia, quę in Constitutionibus Ordinis providè circa litterarum studia conservanda, & promovenda ordinata sunt, seriò precipimus ad unguem servari, de eorumque diligenti observatione summo studio curabimus, desideres, & ineptos à lectura repellentes; digniores, & aptiores ad magisterii lauream promoventes, & honores.

Nec minus sedulam curam adhibebimus, ut Ordinis munia, Dignitates, & Honores ii dumtaxat assequantur, qui suffragantibus meritis, cęteris anteflare, ac verè digniores legitimè probati sint, & aptiores, omnes vires maximè exerendo, ut via ambitiosis omnino præcludatur, imò & prorsus exturbentur illi, qui instar pessimi Acham pallium Hyerico furantis, per Sęcularium protectionem, & conquistos favores contra sacras leges subripere conantur Ordinis Officia, & Dignitates, Religionem Sanctam scandalo perturbantes, ac nefas magnum facientes in Israel, & Dei populum anathemate contaminantes.

Ad hęc cum Superiores in primis monere debeamus his nostris paternis litteris, sæuè salubriora consilia illis dare minimè valemus, quàm ea, quę Sacrosanctum Concilium Tridentinum Ecclesię Pręlatis sapientissimè præstitit Cap. primo de reformatione, eos, nimirum, primùm admonendo ut *se Pastores, non percussores esse meminerint, atque ita præesse sibi Subditis oportere, ut tamquam filios, & Fratres diligant, elaborentque, ut hortando, & monendo ab illicitis deterreant, ne ubi deliquerint, debitis eos pœnis coercere co-*

*gatur : Quos tamen si quid per humanam fragilitatem peccare contigerit, illa Apostoli ab eis servanda, est præceptio, ut illos arguant, obsecrent, increpent in omni bonitate, & sapientia, cum sæpe plus erga corrigendos agat benevolentia, quam severitas, plus exhortatio, quam comminatio, plus charitas, quam potestas.*

Subditis vero nostris ea verba D. Pauli paterno affectu submittimus: *Obedite Præpositis vestris, & subiacete eis. Ipsi enim pervigilant quasi rationem reddituri pro animabus vestris, ut cum gaudio hoc faciant, & non gementes. Igitur diligentissimè advertite, Fratres charissimi, quod vobis ipsis detrimentum infertis non modicum, ac super vos ipsos onus grave imponitis, dolore in caput vestrum converso, dum non sponte, sed quasi coacti subiecti estis, laborantes ut servi mercede conducti, non tamquam filii liberè, promptè, & spontanè. Sanè Prælati jure gemunt ab onere regiminis, dum suos labores irritos, & frustraneos esse vident, vel ob duritiam Subditorum, vel ob neglectam legum observantiam, & debitam reverentiam. Fugite itaque quàm longissimè illorum vestigia, qui, ut quondam ajebat Bonaventura, monstruosum quemdam statum eligentes inter vitam activam, & contemplativam, non tam carnaliter, quam crudeliter sanguinem comedunt animarum. Ergo noscite militiam, cui nomen dedistis, fortitèr dimiccate, & contendite per angustam portam intrare, licet enim arcta sit via, & alta, quæ ducit ad vitam, si tamen duci vos libenter sinatis per semitas equitatis, cum ingressi fueritis, non arctabuntur gressus vestri, & currentes non habebitis offendiculum, ut dicitur quarto Proverbiorum. De cætero, Fratres, quæcumque sunt vera, quæcumque pudica, quæcumque amabilia, quæcumque bonæ fæmæ, si qua virtus, si qua laus disciplinæ, hæc cogitate, ut faciatis, & sequamini.*

Cum etiam Pastoralis muneris sollicitudo ad revoçandas oves, quæ perierint, intendere maximè debeat,

beat, & ex inventis ovibus gaudium boni Pastoris accrescat plurimum, omnes Apostatas nostræ Religionis, qui tamquam deperditæ oves vagi, & profugi per devia errant, paternis misericordiæ visceribus amplecti desideramus, & ad caulam gregum revocare, condonantes eis omnes pœnas ratione apostasiæ ex præscripto legum infligendas, dummodò intra spatium quatuor mensium ab harum litterarum publicatione se præsentent suis Provinciis: quibus elapsis, nulli præsens suffragabitur gratia, sicut nec illis, qui inconfidentiam harum litterarum, post eas intimatas, deliquerint; quinimò tam contra ipsos, quam contra alios quoscumque sui status desertores omni juris rigore procedemus.

Denique ut gratitudinis nostræ debita pro viribus persolvamus, cum Religio nostra eo magis adstricta sit beneficiis Principum, quò in Terris degens pauperior ab p̄sis cumulatiùs muneribus oneratur, & gratiis, omnes curæ nostræ subjectos exhortamur vehementer in Domino, & præcipimus, ut omnes, continuis apud Deum effusis precibus, maximè commendatos habeant. In primis autem Deum exorare debemus pro incolumitate, ac diutina conservatione universalis Ecclesiæ Pastoris, Sanctissimi Domini Nostri BENEDICTI XIII., cui potissimum Religio nostra se devinctam quam arctissimè agnoscit ob eius singularem, paternamque erga ipsam dilectionem, cum gratiarum, & beneficiorum ingenti effusione conjunctam: deinde sine intermissione orare pro Fidei exaltatione, pro victoria contra Infideles, pro pace Christianorum Principum, ac pro eorum salute, felicitate, prosperoque gubernio. Postremo pro majori spirituali incremento Religionis nostræ humillimas Deo effundite preces, & iussà in Statutis Generalibus Ordinis suffragia exactè implete, ac memores nostri sitis in Orationibus, & Sacrificiis. Interea Nos in nomine SS. Parentis N. Francisci Vobis omnibus Seraphicam impartimur benedictionem in Nomine Patris, & Filii, &

Spiritus Sancti . Dat. Mediolani in hoc Conventu Sancti Angeli die 15. mensis Junii anni 1729.

Fr. Joannes de Soto Minister Generalis .

Loco ✱ Sigilli .

*De mandato Reverendiss. in Christo Patris*

Fr. Hilarius Maria Banduri Secretarius  
Generalis Ordinis .

# CONSTITUTIONES

## GENERALES

### PRO UTRAQUE FAMILIA .

1. **R**edduntur gratiæ à toto Capitulo Generali Sanctissimo D.N.D. BENEDICTO Papæ XIII. pro innumeris beneficiis universo Ordini collatis ; ejusque impensissimo , ac verè Pontificio amori se debere gaudet marmoreum Simulacrum S.P.N. Francisci in Vaticano Templo excitatum , Ordinis fastos multiplici Beatorum , ac Sanctorum apotheosi decoratos , & auctos , Sacræ Purpuræ decus Generali Ministro bonæ memoriæ Eminentissimo Cozzæ , ac per ipsum Ordini universo concessum , innovatam Bullam Pii Quinti pro omnimoda à vectigalibus exemptione , Prædecessorum privilegia Apostolicæ confirmationis munimine restituta : & quia operosum foret singula commemorare , tanto Pontifici , ac Patrono iterum , iterumque gratias exhibet immortales , quod inter cætera suæ beneficentiæ testimonia , regularem disciplinam per suam Bullam : *Universalis Ecclesiæ regimini* egregiè adjuverit , Ipsiusque clementia rogatur pro sua in Nos  
benc-



beneficentissima voluntate , ut juxta Constitutiones Ordinis eandem Bullam à nobis fervari velit .

2. Statuta facta in præterito Generali Capitulo , & à Sanctissimo Domino Nostro confirmata executioni mandentur , & imprimantur .

3. Decernitur supplicandum esse Sanctissimum Pontificem , ut reducatur ad antiquum statum deputatio Officialium Curix casu quo intra tempus Officii ex hac vita decedant vel renuncient .

4. Supplicetur Sanctissimus ab Officialibus Curix pro moderatione vacantix Officiorum Generalium à minoribus ad majora , nec non pro moderatione Bullæ expulsionis incorrigibilium ad normam Statutorum antiquorum .

5. De mandato Summi Pontificis Definitorium Generale statuit , ut omnes Sancti , qui ex hac vita migraverunt ante divisionem Ordinis , denominentur solummodo Sancti Ordinis Minorum absque alio addito ; Qui verò postea decesserunt inter Observantes , Excalceatos , Reformatos , Recollectos , Conventuales , & Capucinos denominentur nomine appropriato cuique membro .

6. Intimantur denuò Statuta generalia omnem tantum præter Gregorianum nostris Fratibus prohibentia : cumque de hoc habeatur mandatum Sanctissimi Domini Nostri Benedicti Papæ XIII. de mense Decembris 1726. encyclicis Reverendissimi P.N. Ministri Generalis præteriti per omnes nostras Provincias promulgatum sub die 8. Martii anni 1727. statuitur , ut omnes Religiosi tam Observantes , quam Reformati , Discalceati , Recollecti , ac Tertii Ordinis Ministro Generali subjecti in Officio , & Missa Conventuali præfato cantu Gregoriano utantur saltem diebus festis , præsertim solemnibus , sub pœna privationis vocis activæ , ac passivæ Superioribus localibus , si contrafecerint .

7. Commendat summopere Capitulum Generale Superioribus Generalibus , & Officialibus Curix , ut

apud Sanctam Sedem Apostolicam promoveri studeant causam Venerabilis Doctoris nostri Mariano = Subtilis Joannis Duns Scoti in ordine ad Beatificationem, & Canonizationem.

8. Statuantur pro utraque Familia Agentes Generales pro Causis Beatificationis, & Canonizationis Sanctorum nominandi à Superioribus Generalibus respectivè, qui habeant curam, & directionem in ipsis Causis, eisdemque reddatur ratio semel in anno à Postulatoribus particularibus de expensis factis, & de elemosynis perceptis, quas communicare debent etiam Superioribus Generalibus, & Officialibus Curiae.

9. Reformetur Breviarium Ordinis quoad Officia propria, & ritus; itemque Missale, & Rituale disponantur ad usum nostrum: quorum cura committitur Reverendissimo Patri Josepho Mariae ab Eborâ Commisario Generali Curiae.

10. Praecipitur insuper, quod pluries praecipitum fuit, Observantia nimirum Ceremonialis Ecclesiasticae pro toto Ordine olim promulgati: Cumque expediat, ut etiam quantum ad ceremonias in Conventibus; Choris, & Refectoriis observandas habeatur congrua methodus, & conformitas universalis; mandatur ut in Compilationibus Statutorum apto loco inseratur conformiter ad Statuta jam facta, & ab utraque Familia inviolabiliter observetur.

11. Promoveatur in omnibus Conventibus Confraternitas Immaculae Conceptionis Ordinis nostri Patronae, & fiat methodus pro illius directione.

12. Statuta item pro Tertio Ordine Seculari dirigendo, cujus incrementum Superioribus enixè commendatur, sint in omnibus Provinciis communia juxta Bullam novissimè emanatam.

13. Quamvis Fratres Minores ex instituto omnia exercitia charitatis, humilitatis, & modestiae erga omnes Personas Ecclesiasticas, Regulares, & non Regulares, ita exhibere debeant, ut in nostra conversatione nihil aliud experiantur, quam humilitatis indi-

cia,

cia, & Officia servitutis, & reverentiæ obsequia; tamen cum præclarissima Religione Prædicatorum speciale, tenentur habere fraternitatis commercium, tum ob Sanctissimorum Patriarcharum conjunctissimæ sacre amicitie nexum, tum ob utriusque Ordinum simultaneum, ac eundem finem; ortum, & progressum, quos ut gemellos in Mundi reparatione Ecclesia Sancta, ut fecunda Mater, produxit.

14. Hinc Sanctissimum Patrem nostrum Dominicum majori Nobis permisso cultu celebrare debemus, ejusdem Sanctissimi Patriarchæ Successori Generali Magistro eandem obedientiam; reverentiam, & obsequia, quæ Ordinis nostri Ministro à nostris exhibetur, impendi exoptamus.

15. Hinc quoque præcipimus omnibus Prælatiis nostri Ordinis, ut quoties prædictus Reverendissimus Pater Magister Generalis accesserit ad Civitates, aut Oppida, in quibus Conventus habemus, si in eis non fuerit Conventus sui Ordinis ab eo enixè petant, ut in nostris sic, ut in propriis hospitari velit, cui adhuc majora reverentiæ, & servitutis obsequia præstabunt, quam nostro Ministro accedenti exhiberent: Si verò Conventum sui Ordinis habeat, & ad eum accedat, tota Communitas Conventus nostri in illum opportuno tempore pergat ad eum excipiendum, ipsi obedientiam præstandum, & ab eodem Benedictionem S.P.N: Dominici recipiendum.

16. Similiter quotiescumque Fratres Ordinis Prædicatorum quicumque ad nostros Conventus, ut Hospites accesserint, velut Fratres nostri Ordinis benignè recipiantur, & charitative, ac perhumaniter tractentur. Et ne nimia ipsorum modestia accessum retardet, à Prælatiis localibus non solum invitentur, sed suppliciter cogantur accedere.

17. Obsequia autem nostræ servitutis, & fraternitatis indicia erga hunc Sacrum Ordinem, non sunt collocanda in rebus, quibus abuti potest etiam injuriosus affectus, sed in illis, quæ possint sinceritatem,

osten-

ostendere, charitatem radicare, firmare societatem, corroborare pacem, & mentes unire in Dei placitum, & ædificationem Fidelium : Proindeque Fratres Minores tenentur Religionis Prædicatorum progressus, incrementa, & honorem verbo, & opere sollicitare, quasi utrique Religioni jure fraternitatis communia.

18. Et ne ex parte nostra ulla cujuscvis discordiæ occasio detur, præcipimus omnibus Fratribus nostri Ordinis sub pœna privationis Officiorum, & aliis Superiorum arbitrio infligendis, nè deinceps in controversiis Scholasticis verbo, aut scripto minus reverenter taxent notis, censuris, aut exaggerationibus opiniones à Thomistica Schola communiter secutas, nec alicui illarum notam ullam impingant; nam multoties inimicus ludit Scholarum ludis in præjudicium fraternæ societatis; negotia namque Scholastica non sunt tractanda exasperatione puerili, sed candore, mentis cum modestia verborum, & ponderatione rationum.

19. Si autem aliquis Frater nostri Ordinis (quod Deus avertat) tentaret scribere, aut loqui contra Sacrum Ordinem Prædicatorum, aut inter eum, & nostrum zizaniam, aut discordiam seminaret, in eisdem pœnas censeatur incurfus, quæ in nostris Statutis contra turbatores pacis, & infamatores nostri Ordinis sanciantur.

20. Statuitur, ut quælibet Provincia deputet Religiosum capacem, qui componat Chronicam propriæ Provinciæ.

21. Deinceps nullum opus Typis mandetur ab ullo Religioso nisi revisum de licentia Superioris Generalis tum sub expresso nomine, cum etiam sub nomine palliato sub pœnis taxatis per Statuta generalia, & aliis Superiorum arbitrio.

22. Quoniam invaluit apud non satis compotes stâtus nostri, quod Religiosi, qui profitentur Regularem Observantiam S. P. N. Francisci, ob æquivocationem ex vocabulis oriri natam, appellentur etiam

in tribunalibus, ac scripturis publicis, Fratres Minoris Observantiæ S. P. N. Francisci; præcipitur, ut in futurum relicta simplici appellatione Minorum de Observantia se ipsos nomenent, & ab aliis appellentur juxta Bullam Unionis vel absolutè Fratres Minores, vel Fratres Regularis Observantiæ ejusdem Seraphici S. P.

23. Declarat Capitulum Generale, ut Officialès Curix Romanæ pro itinere ad Capitula Generalia subsidium recipiant à suis respectivè Provinciis, sicuti pro Definitoribus Generalibus cautum est.

23. In omnibus materièbus arduis, & gravibus tam Minister Generalis, quàm Commissarius Generalis consulant Patres Ordinis, si commodè haberi possint.

25. Dum ad subrogationes per Statuta vocatur Pater dignior in Provinciis cum illa clausula: *Dummodo non sit perpetuò impeditus*; declaratur impedimentum illud, quod faceret Patrem hujusmodi non posse, eligi, non debere pariter facere, ut nequeat subrogari.

26. Statuitur, ut Scriptores, qui inserviunt Curix Superiorum Generalium per octo annorum spatium, connumerentur inter Patres aggregatos, & pariter illi, qui deinceps per id tempus inservient. Qui verò inservient inter Reformatos, habilitentur ad gradus usque ad Custodiatum.

27. Pro Tertiarijs nostris Conventibus inservientibus statuitur, ut adhibitis circumstantiis debitis Novitiatum faciant, & Professionem emittant Tertii Ordinis S. P. N. Francisci: idque inchoent post quatuor annos à sui habitus susceptione, usque dum gravi aliquo motivo expellendi sint à Conventibus, vel Provinciis; uti justa causa urgente eos à Ministris Provincialibus expelli præcipitur, subtrahatur eis habitus, quo in Religione utebantur, & sub Seculari vestitu etiam post Professionem prædictam dimittantur.

28. Decernitur, quod decedente ex hac vita Illu-

stris-

strissimo Garzia Episcopo Seguntino, & olim Ministro Generali, fiant suffragia pro ipsius anima, sicuti solent fieri talibus ex Ministris decedentibus à vita in Religione: & deinceps fiant omnibus, qui Ministri Generales fuerint, etsi ad Episcopatum ascenderint, vel Cardinalatum.

29. Statuitur, ut morientibus Duce de Infantado, ejusque Conjuge inter Fratres Ordinis adscriptis, Superiores Generales commendent eorum animas omnibus Fratribus, quatenus pro iisdem suffragentur.

30. Locus designandus pro futuro Generali Capitulo relinquatur arbitrio Reverendissimi Patris Ministri Generalis.

### PRO CISMONTANA FAMILIA.

Sanctissimus ap-  
probavit.

31. Proposita ex facultate Sanctissimi Domini Nostri moderatione Brevis Clementis PP. XI. super præmio conferendo Lectoribus Linguae Arabicae, Definitorium Generale censuit si Sanctitati Suae placuerit, quod si hujusmodi Lectores jam acquisierint graduationem inter ex Diffinitores, connumerentur completo octavo anno inter ex Custodes; Si autem alia graduationem non gaudeant, solum inter ex Diffinitores locum habeant.

32. Quantum ad Lectores Controversiarum Definitorium Generale censuit, si Sanctissimo placuerit, quod si non fuerint Lectores Jubilati, legant per duodennium, eoque completo gaudeant privilegio Lectorum Jubilatorum: Si verò fuerint Jubilati legant per sexennium; & postea connumerentur inter Patres Provinciae, seu inter Lectores Jubilatos de numero, quoad præcedentiam dumtaxat sine jure subrogandi.

33. Definitorium Generale decrevit observandam esse ubique locorum Bullam præcedentiae Observantium supra Reformatos sub poena privationis vocis activae, & passivae infligenda Superioribus contrasacientibus, & carcerationis per tres menses infligenda Subditis renuentibus.

34. Lectoribus novissimè permisis ex oraculo Sanctissimi Domini Nostri Benedicti XIII., ut juvenes secundum Novitiatum agentes literas humaniores doceant, assignatur præcedentia, quæ Lectoribus Artium per Statuta competit, & post expletum Lecturæ suæ decennium cum duabus Lectionibus quotidianis, & absque ulla interpolatione, privilegiis gaudebunt Patrum aggregatorum: inter Reformatos verò etiam ad Provincialatum sint habiles.

35. Ad Cultum Divinum, ut convenit, magis promovendum decernitur, ut etiam pro Conventibus inferioribus à Ministro Provinciali deputetur moderator Chori, qui devotus sit ad dirigendam psalmodiam, & peritus ad cantum moderandum.

36. Si alicubi Libri Chori habeantur, qui non secundum emendationem Romanæ Ecclesiæ fuerint reformati, præcipitur, ut quamprimum ad emendationem debitam reducantur.

37. Quod aliàs Statutum fuit in præmium Chori Ara-Coelitani moderatorum, extenditur omnibus aliis, qui inserviunt Choro uni, & principaliori Conventui uniuscujusque Provinciæ, dummodo tamen alii inserviant per decem annos.

38. Cum pium exercitium, quod appellatur *Via Crucis*, etiam ex indulgentiis applicabilibus pro Defunctis tanti momenti sit, & Ordinis nostri ex indulto Sedis Apostolicæ quodammodo characteristicum, præcipitur, ut apud omnes Conventus, vel intra Ecclesiam, vel extra ipsam pro locorum capacitate singulis diebus Dominicis aliis necessariis functionibus non impeditis per Religiosum ad id in Capitulis, vel Congregationibus deputandum, sedulò habeatur; etiam, ommissis aliis functionibus ad devotionem Populi excitandam, quæ dudum in eisdem Ecclesiis introductæ inveniantur.

39. Deputetur unus tantum Postulator pro Causis Sanctorum Observantium ex Observantia, & pro Causis Sanctorum Reformatorum unus dumtaxat Postulator ex Reformatione.

40. Renovantur Statuta præcipientia, ut Sabbatis non impeditis cantetur Missa solemnis de Immaculata Conceptione, & innovantur etiam pœnæ sancitæ contra inobservantiam dictorum Statutorum.

41. Patribus Vice-Commissariis Generalibus, qui non totam Familiam, sed unum tantum membrum, ejus ad biennium completum gubernabunt, servatur expleto Officio titulus Reverendissimi, quo etiam in actuali munere uti, & frui debeant, & assignatur pro sua graduatione locus immediatus post Commissarios, & etiam post Vice-Commissarios totius Familiæ, si qui fuerint.

42. Ut Officia per Definitorium in Provinciis collata absquæ legitima Causa ab eodem Definitorio probanda non recusentur, primum injungitur assumptis ad ipsa, ut ea acceptent; tum inculcatur Superioribus Provinciarum, ut per pœnas sibi arbitrarias ad acceptationem debitam eosdem cogant, ac demum eisdem Superioribus mandatur, ut resignantes Officia sibi collata remoto omni prætextu, & excusatione infallibiliter a locis amoveant, in quibus permanebant, & quotiescumque quis ab uno Conventu ad alium transit quomodocumque de Familia, aut longo tempore ibi habitaturus, præcipitur ipsi, ut Cellam, à qua recessit, Communitati resignet, pœnas alias in proprietarios sancitas subiturus ad arbitrium Superioris Localis.

43. Dum Statuta generalia præscribunt, quod post trinam parem ballottationem præses utatur voto decisivo, declaratur de trina ballottatione supra eundem cadente intelligenda esse.

44. In Provinciis habentibus ex auctoritate legitima alternativas statuitur, ut deficiente in Definitorio aliquo Patre, non subrogetur loco ipsius Pater dignior Provinciae, sed dignior illius partis, in qua defectio accidit.

45. Qui per sexennium continuum laudabiliter fuerint secundi Magistri Novitiorum, eligi possint in primos Magistros eorundem, etiamsi triennio Guardiani



diani non extiterint, dummodò eis aliæ conditiones non desint ad Magistros hujusmodi requisitæ.

46. Statuitur quod Officium Magistri Novitiorum inter Reformatos habiliter ad omnes gradus in Provincia, & quod illi, qui per duodennium tale Officium exercuerint, præcedant immediatè post Definidores actuales.

47. In unaquaque Provincia servetur quantum ad acceptationem Novitiorum æqua illa distributio, ut pro unoquoque districtu Provinciam componente Juvenes ad numerum congruum acceptentur; alias commendatur summoperè Superioribus Generalibus, ut acceptationibus per Definitorium non ita factis deneget consensum suum.

48. In paritate votorum, dum tertia vice feruntur pro Novitiis ad professionem admittendis, statuitur ut absque ulla ulteriori computatione Novitius expellatur, nisi aliter in Domino censuerit P. Provincialis, qui in hoc votum decisivum habere, vel aliam computationem imponere valeat.

49. Ut Clerici in professoriis degentes majori sollicitudine dirigantur, præcipitur ut eorum Magister sit semper distinctus à Vicario Conventus.

50. Concionatores clarissimi, & Prædicatores insignes semel in quadriennio teneantur concionari in suggestis nostri Ordinis juxtà dispositionem faciendam à Superiore Generali.

51. Actualibus Guardianis nostrorum Conventuum, & Confessariis Monialium Ordini subjectarum interdicitur, ne ullo pacto deferant munus suum ob Conciones sive per Adventum, sive per Quadragesimam habendas, nisi ad eas in principalioribus Urbium suggestis fuerint destinati.

52. Tempus deferendi, & deponendi mantellum, seu pallium relinquatur arbitrio Superiorum Localium, sed præcipitur, quod in unoquoque Conventu omnes simul pallium assumant, simulque deponant, ne in functionibus Communitatis difformitas ulla sit.

53. Statuit Definitorium Generale , ut deinceps nemini ex Clericis liceat petere Breve Apostolicum pro suscipiendo Sacerdotio , sed id pertineat ad Provinciam , vel ad Conventum , in quo sunt de Familia , & transgressores puniantur .

54. Nullo unquam tempore , & nullo prorsus pre-textu impensæ Conventuum pro Religiosis alendis , & sustentandis fiant titulo , seu sumptu aliquo particulari vel Guardiani , vel Præsidentis , vel Vicarii , sed semper titulo Communitatis per Syndicos Apostolicos omnia recipiantur , & expendantur sub pœna in propriarios inflicta , si qui contrarium attentaverint .

55. Fratribus , qui incorporantur in Provinciis , non concedatur incorporatio à die habitus , nisi aliter videatur Superioribus Generalibus inspectis incorporandorum gradibus , & qualitatibus , quæ omninò debent esse singulares , vel in Provinciarum commodum , & utilitatem .

56. Quantum ad literas obedientiales , quæ conceduntur Religiosis à Superioribus Generalibus , renovatur Statutum editum pro Familia nostra in Capitulo Generali anni 1688. , & quoad observantiam ipsius conscientia Superiorum Generalium , ut convenit , operatur .

57. Injungitur omninò Superioribus Localibus , ut videant , legant , observent literas omnes obedientiales omnium Religiosorum etiam quomodocumque graduatorum ad eorum Conventus accedentium , & animadvertant , quod vel tempus præscriptum in ipsis præterierint , vel quod notabiliter declinaverint à via itineris sui , sint obligati denunciare eos uti apostatas , prout alias per Constitutiones Ordinis cautum fuit : & omninò præcipitur eisdem Superioribus locorum , ne præfatum tempus in obedientialibus assignatum prorogare audeant quovis prætextu Subditis suis ab eorum Conventibus discessuris sub pœna suspensionis ab Officio ipsosfacto , incurrenda , aliisque ad arbitrium Superioris Provinciæ , omni excusatione postposita , insignendis .

58. Peregrinationes Fratrum prætextu visitandi Sanctuaria à Ministris Provincialibus prohibeantur, nisi sciant Fratres peregrinatos esse sine scandalo, & ad præscriptum regulæ, & Superior Generalis rarò has literas concedat.

59. Declaratur, quod vacationes concessæ per Statuta generalia Ordinis intelligantur de vacationibus solummodo à Studiis; ac propterea omnes aliæ vacationes, quæ potius sunt perniciosissimæ evagationes, omninò prohibentur, coarctata quoad hoc non tantum Visitatorum, sed etiam Superiorum Provincialium auctoritate; eademque quoad Clericos in professoriis, seu Seminariis degentes penitus sublata.

60. Innovantur Statuta de galeris, biretis, chordis, & usu calceamentorum strictè præcipiendo Superioribus Provincialibus, & Localibus eorum observantiam, utque invigilent, ne in bacculis etiam, & capsulis pro tabacco ulla curiositas appareat, & omnis omninò eliminetur corruptela in chirotecaveis, manicaveis, & in strophis fericis, sicut decet sanctæ humilitatis, & paupertatis professores.

61. Renovatur inhibitio omnis lusus à jure prohibiti sub pænis per Statuta sancitis.

62. Cum in Provincia Observ. Bononiæ sint quinque Studia Generalia cum paucò numero Studentium, Definitorium Generale decrevit, ut dicta Studia reducantur ad quatuor, & quod eorum supprimendum sit; remaneat arbitrio Superioris Generalis.

63. Declaratur Provincia Regularis Observantiæ Principatus intrà categoriam Magnarum Provinciarum, cum ex triginta Conventibus componatur; Sicut etiam omnes aliæ Provinciæ ex triginta Conventibus constitutæ declarantur.

64. Alternativa in Provinciam Regularis Observantiæ S. Bernardini ab anno 1686. auctoritate legitima introducta ad evitanda dissidia, quæ ab ejus inobservantia oriri possent, præcipitur, ut in suis primævis terminis firma ac stabilis præserveret.

65. Cum Provincia S. Salvatoris in Hungaria statuerit alternativam tum in electionibus, tum in subrogationibus, & substitutionibus, & eandem confirmari exposcat, Definitorium Generale annuit juxta petita, ita ut dicta alternativa non tam in electionibus, sed etiam in substitutionibus, & subrogationibus observetur.

66. Instante Provincia S. Salvatoris Strictioris Observantiae in Hungaria, ut Statuta sua municipalia in unum corpus jam redacta auctoritate Capituli Generalis confirmarentur, remittit idem Capitulum Superiori Generali Familiae negotium hoc, ut adhibita, revisione opportuna etiam nomine suo confirmet, dummodo non adverfetur Statutis Generalibus Reformatorum.

67. Attenta diversitate nationum Provinciam Minoris Poloniae de Regulari Observantia componentium, simulque inspectis magnis distantis Conventuum ipsius difficillimas reddentibus eorum visitationes: Capitulum Generale instantiae inhærens Lithuanorum eandem Provinciam in duas dividit, assignans uni Conventus per Poloniam constitutos, eidemque servans titulum Poloniae Minoris, locumque in serie Provinciarum Provinciae Poloniae Minoris competentem; & attribuens alteri Conventus in Lithuania positos, eandemque denominans Provinciam Lithuaniae.

68. Ad instantiam Provinciae Observantiae Bosnae Argentinae Definitorium Generale decrevit eandem manutenendam esse in pacifica possessione illorum, Conventuum, Residentiarum, & Hospitiorum, quae acquisivit & habuit hucusque.

69. Instante etiam eadem Provincia Bosnae Argentinae Capitulum Generale approbat declaranda esse in Conventus illa Hospitia, seu Residentias, in quibus permanent de Familia duodecim Religiosi. Hospitia autem seu Residentiae sunt quae sequuntur, videlicet Belgradj, Temesvarini, Valchovarini, Crenichini, Tolnae, & Radnae.

70. Cum

70. Cum Provincia Regularis Observantiae in Dalmatia multum indigeat Religiosis doctrina & eruditione praeditis, neque intra ambitum suum commodè ipsos formare possit, commendatur Reverendissimis Superioribus Generalibus, ut praefatam ejus indigentiam pra oculis habeant, utque se faciles praebent ad concedendas facultates studiosis illius in alias Provincias transmittendis.

71. Decrevit Definitorium Generale Provinciam Sancti Vigili connumerandam esse inter Provincias Germanas, attento etiam Diplomate Sac. Caesareae, & Catholicae Majestatis super hac re.

72. Discretorium Generale decrevit Observantem Provinciam Ragusii teneri de jure ad expensas itineris pro Patre Diffinitore Generali, & aliis vocalibus ejusdem Provinciae accedentibus ad Capitulum Generale ad mensuram distantiae loci Capitularis, & ita exequi mandavit.

73. Cum custodia Strictioris Observantiae in Transylvania quatuor Residentias habeat, in quibus singulis ad viginti Religiosi inhabitant, & sustentantur, ejus indulgendo petitioni, praefatae Residentiae in Conventus eriguntur, & declarantur: Cumque ultra Residentias praedictas alios etiam Conventus decem formatos habeat, annuendo justo ipsius desiderio in Provinciam erigitur, statuitur & promulgatur.

74. Cum P. F. Joannes Antonius à Muro Vallium expleto triennio Provincialatus in Observanti Provinciae Albaniae poscat redire ad propriam Marchiam, & ibi habere locum sibi competentem, Discretorium Generale annuit, prout disponunt Constitutiones Ordinis, ita tamen ut ultimum teneat locum inter Ex-Ministros Provinciales Officio functos.

75. Iniungitur Adm. R. P. F. Joanni Francisco à Sorexina ex Definitore Generali Ordinis, ut prosequatur Compilationem omnium Statutorum Generalium ad nostram Familiam pertinentium, qui labor eidem a proximo Generali Capitulo demandatus non adhuc

ob gravissimas, prolixas, publicasque curas ad finem perductus fuit; & ad effectum ut Compilationem hujusmodi omnibus numeris absolutam efformare possit, servata mente Ordinis, ipsarumque Constitutionum, eidem conceditur, ut ubi necessitas, aut evidens, aut sufficiens suaserit, Statuta declarare possit; atque ubi opus Deo dante ad finem perductum fuerit, transmittatur Capitulo Generali pro debita revisione & approbatione: ad quæ omnia citius, & facilius perficienda conceditur eidem, ut amanuensibus, quibus indiget, pro suo libito uti possit.

### PRO ULTRAMONTANA FAMILIA.

76. Statuto præcipiente per S. Obedientiam, ne unus ingrediatur in Cellam alterius auferatur pœna Spiritualis, & commutetur in Temporalem.

77. Proposito dubio, an in casu mortis alicujus Ministri Provincialis actualis, vel ejus renunciationis tradi debeant sigilla Provinciæ Ministro Provinciali immediato, vel Ex-Ministro Antiquiori, aut alteri Patri digniori, Definitorium Generale decrevit, danda esse Ex-Ministro Provinciali digniori, vel alteri illo magis digno, non autem Ministro immediato, nisi ob aliam graduationem ipse sit dignior.

78. Vocalibus Indiarum, qui suffragati sunt in hoc Capitulo Generali conceduntur præeminentiæ concedi solitæ à Statutis Ordinis hujusmodi Suffragantibus, quamvis eisdem vocalibus deficiant aliquæ qualitates ad id à Statutis præscriptæ, & hoc in gratiam longi itineris, magni laboris, & plurimorum periculorum.

79. Definitorium Generale congregatum die 12. Junii pendentibus Actibus Capituli Generalis decrevit Pro-Ministris, & Custodibus Ultramontanæ Familiæ, qui suffragati sunt in hoc Capitulo Generali, deberi nedum præcedentiam eis alias concessam, sed etiam jus subrogationis.

80. Minister Generalis in deputatione Commissarii Generalis Nationis Germano-Belgicæ consulat Patres Definitores Generales ejusdem Nationis super subiecto deputando.

81. Determinat Definitorium Generale, quod si in Natione Germano-Belgica convocatis, & convenientibus jam ad Capitulum celebrandum PP. Vocabulis mori contingat Commissarium Nationalem, ( nullo alio designato Capituli Præsidente ) in eo casu spectet ad Ministrum Provinciæ, in qua Capitulum jam celebrandum instat, eidem suæ Provinciæ Capitulo præsidere.

82. Proposita lite adhuc vertente inter Provinciam Angelorum de Observantia, & Provinciam S. Gabrielis Excalceatorum in Hispania quantum ad jus suffragandi in electione Vicarii, aut Vice-Commissarii Generalis habenda Matriti, vel in Provincia Castellæ, Definitorium Generale decernit, Provinciam Angelorum manutenendam esse in sua possessione, & Provinciam S. Gabrielis super hac re non esse amplius audiendam.

83. Pro Provincia Algarbiorum, in qua juxta abusum præcedunt Prædicatores etiam juvenes Confessarios quamvis graduatos; Statuitur, ut hic abusus magnus, & corruptela gravis omnino tollatur, & ut serventur Statuta de præcedentia.

84. Quantum ad præcedentiam inter Fratres Clericos, & Laicos Provinciæ S. Mariæ Magdalene Recollectorum in Gallia, qui jam professi sunt, servetur pro modo consuetudo.

85. Lectores Theologiæ Provinciæ Majoricarum, completo duodennio, & adepta prima jubilatione, & si protrahant suam lectionem, non gaudeant secunda. Proinde observandum est Statutum Generale, editum super hac re à Capitulo Generali Romano anno 1723, nempe ut obtenta prima jubilatione, a lectione amoveantur.

86. Provincia S. Nicolai Lotharingę noviter erecta adscribitur Cathalogo Provinciarum Ordinis .

87. Definitorium Generale decrevit erigendos esse in custodiam sex Conventus Provincię S. Bonaventurę in Sabaudia existentes: Liberumque sit PP. , & FF. Gallis degentibus in præfatis Conventibus transire ad alios Conventus ejusdem Provincię extra Sabaudiam positos , & è converso PP. , & FF. Sabaudis ad dictos Sabaudię Conventus accedere .

88. Pro revisione , & correctione Compilationis Statutorum deputantur Ad. R. P. Thomas Montalbus , & Ad. R. P. Antonius Duro ex Definitores Generales, atque Ad. R. P. Dominicus Lostada Secretarius Generalis Ordinis .

### PRO TERRA SANCTA .

89. Cum præmia laboribus proportionanda sint , statuitur , ut Commissarii Terrę S. Matriti , Parisiis , Vienne in Austria , & Romę collectioni eleemosynarum adlaborantes , post expletum duodennium gaudeant privilegiis PP. Provincię quò ad præcedentiam , & Paternitatem tantum . Quò ad alios verò Commissarios ejusdem Terrę Sanctę longè minoribus laboribus ex suis Officiis obligatos , sicuti per Statuta Generalia decretum aliàs fuit , ut octennales ultimum locum habeant inter eos , qui fuerunt Definitores , ità statuitur nunc , vt qui in posterum duodennales fuerint , inter eandem Cathegoriam Ex-Definitorum primum locum obtineant ; nec ipsi unquam ( ut olim per ordinem præceptum fuit ) arrogant sibi titulum Commissarii Generalis pro Terra Sancta .

90. Ad excavendas expensas inutiles , & præjudicium inde oriri natum pro Terra Sancta præcipitur Commissariis ejusdem Terrę Sanctę per Italiam constitutis , ut in posterum non mittant nisi de triennio in triennium , vel ad summum de biennio in biennium eleemosynas , quas in suis commissionibus college-



runt; exceptis illis, qui hactenus consueverunt mittere quoque anno res in propria specie pro usu, & servitio Religiosorum ibidem degentium necessarias; & quoad illos pariter commendatur eis, ad quos pertinet in Terra Sancta, ut quantum ad ordinandas prefatas res, presens habeant Statutum illud pro expensis inutilibus evitandis; & quod ad seligendos Religiosos pro eleemosynis, & rebus predictis in Terram Sanctam deportandis injungitur Definitoriis Provinciarum, in quibus respectively isti Commissarii resident, ut matura discussione prehabita determinent quos magis idoneos judicaverint.

91. Quantum porro ad Residentiam istorum Commissariorum Terre Sancte per Italiam constitutorum; Sancitur, ne in Conventibus vel Novitiatus, vel Recollectionis ea sit, cum ex Officiis suis ab observantia Discipline in ejusmodi presertim Conventibus omnino habende predicti Commissarii legitime excusentur.

*Defunctorum numerus.*

Ab ultimo Generali Capitulo usque ad presens obierunt in Domino ex Familia Ultramontana Fratres ; Moniales : Ex Familia Cismontana Fratres 4070.; Moniales 730. Neque silentio pretereunda mors Eminentissimi Principis Laurentii Cozze Ordinis Ex-Ministri, qui die 18. Januarii hujus anni 1729. in Conventu S. Bartholomei de Urbe mortalitatem explevit.

*Sequuntur Suffragia.*

Pro Sanctissimo Domino Nostro Benedicto Papa XIII., ejusque ad multos annos incolumi sospitate, singuli Sacerdotes tres Missas legant.

Pro omnibus Principibus Christianis Ordinem nostrum in Ditionibus suis tuentibus, & promoventibus

tibus, singuli Sacerdotes legant similiter Missas tres.

Pro Eminentissimo & Reverendissimo Domino D. Laurentio Cardinali Corsino apud Sanctam Sedem Ordinis Protectore, unusquisque Sacerdos recitet unam Missam.

Pro Excellentissima Ducissa de Naxera, cujus beneficentia expensæ pro Generali Capitulo fuerunt factæ, Sacerdotes omnes celebrent unam Missam.

Pro felici statu nostræ Seraphicæ Religionis, & Apostolici Ordinis Prædicatorum, duæ Missæ à Sacerdotibus omnibus recitentur.

Pro pace inter Principes Christianos, extirpatione Hæresum, Fidei propagatione, victoria contra Infideles, & Ecclesiastici Ordinis prosperitate, duæ Missæ legantur à quolibet Sacerdote.

*Ita est.*

Fr. Joannes de Soto Minister Generalis, & Præses.

Fr. Franciscus à S. Severino Commissarius Generalis.

Fr. Mattheus à Pareta Ex-Minister Generalis immediatus.

Fr. Bernardus Monterde Procurator Generalis Ordinis.

Fr. Joseph Maria ab Eborâ Commissarius Generalis Curie.

Fr. Fulvius à Bononia Procurator Generalis Reformatorum.

Fr. Gildaldus Dulfos Procurator Generalis Excalceatorum, & Recollectorum.

Fr. Joannes Lasso Diffinitor Generalis.

Fr. Petrus Polo Diffinitor Generalis.

Fr. Vincentius Zendra Diffinitor Generalis.

Fr. Godefridus Stuve Diffinitor Generalis.

Fr. Andreas Augustinus Bondet Diffinitor Generalis.

Fr.

- Fr. Albertus Connac Diffinitor Generalis .  
 Fr. Chryfogonus Castien Diffinitor Generalis .  
 Fr. Romulus Vanden Male Diffinitor Generalis .  
 Fr. Bernardus à S. Antonio Diffinitor Generalis .  
 Fr. Andreas Cauallo Diffinitor Geralis .  
 Fr. Mattheus de Atina Diffinitor Generalis .  
 Fr. Joannes Maria de Augusta Diffinitor Generalis .  
 Fr. Camillus de Breno Diffinitor Generalis .  
 Fr. Cherubinus de Capriatà Diffinitor Generalis .  
 Fr. Joannes Capistranus Jovenski Diffinitor Generalis .  
 Fr. Franciscus Maria Spinelli Diffinitor Generalis .  
 Fr. Carolus Maria de Novocomo Diffinitor Generalis .  
 Fr. Gentilis à Nicæa Diffinitor Generalis .  
 Fr. Crescentius Krisper Diffinitor Generalis .  
 Fr. Joannes Jacobus de Vallico Diffinitor Generalis Secretarius .

Faint, illegible text, possibly bleed-through from the reverse side of the page.

